

San Lucas

1 ¹⁻³ Pũhtoro Teófilo, ahrire mũ buhehti cjihtire mũhũre joarocai nija. Jesu sã mehne jisninino to yoari cjiřire payũ paina joa dũca tuhsũre. Wahmanopũre Jesure ñũina cjiri, to yare buheina cjiri ti ni yahuriro seheta paina tíre joa dũca tuhsũre. ã jicũ ahri jipihtiare noano masi pahũno duacũ buhei. ã jicũ yũhũ cũhũ tíre noano joa duaja mũ buhehti cjihtire yoacũ tacũ. ⁴ Jesu yare yahuina mũhũre buhe tuhsũre. Tíre noano mũ masi namohto sehe ahri tjure mũhũre joarocai nija.

João masare bautisahtiro to masa bajuahtire anjo yahuha

⁵ Herode Judea yahpa macaina pũhtoro to jichũ cũiro sacerdote Zacaria wama tiroto jia tiha. ã jiro Zacaria to ya curua macaina sehe sacerdotea curua Abías cjiro ya curua jiha. Zacaria namono cũhũ sacerdote Aarõ cjiro panamañono ji turiaricoropũ jiha. Ticoro Elisabe wama tiricoro jiha. ⁶ Tina pũaro Cohamacũ dutiare noano yoa pahũoina ti jichũ ñũno, “Ahrina yũ cahmano seheta ã jia tirucura”, ni ñũha Cohamacũ tinare. ⁷ Ticoro Elisabe ne pohna marienicoro jiha. ã jia tina pũaro ne pohna marieina ji, bũcũna waro jiha.

⁸ ã yoa sacerdotea ti dahraare dahraa taa, õ sehe yoaa tiha: Dahra mũhtari curua cjiro pa curua mehne cahma cohtota mũjaa tiha. ã jia Zacaria ya curua macaina dahrahti dachori jichũ, tina dachoripe sacerdotea ti dahraa tirucuriro seheta Cohamacũ ya wũhũpũ dahraa taa niha. ⁹ Sacerdotea Cohamacũre ti ño payori mesapũ inciensore me sitia pohcare jũhtiro cjihtore besea taa, docapea mehne besea tiha. ã yoa ti quihõri dacho jichũ Zacaria ya curua macaina me sitiare jũhtirore besea taa docapeha. ã docapea Zacariare beseha. ã jiro tiro pũhtoro Cohamacũ ya wũhũpũ sãa wahaha me sitiare jũno waharo. ¹⁰ Tí wũhũpũ tíre to jũno watoi jipihtina masa sehe sopacapũ Cohamacũre sinia tiha. ¹¹ Tí pjare Cohamacũ yairo anjo Cohamacũre ño payori mesa poto bũhũsehei bajuarũcũ sũha Zacariare. ¹² To ã bajuachũ ñũno Zacaria tirore ñũ cũa yũhdũa wahaha. ¹³ To ã cũachũ ñũno anjo tirore õ sehe ni yahuha:

—Zacaria, cuii tjiga. Cohamacu mu sinirire tuhore. Ñ jina mipure musa pohna tinahca. Musa macu cjihto masa bajuarohca. To bajuachu “João” ni wama pisuga tirocãre. 14-17 “Tiro yu tuaa mehne payu noaare yoarucuriro jira”, ni ñnohca Cohamacu mu macure. Tiro to masa bajuari baharo vinore, sihbiori cũhure sihnisi. Ñ jiro tiro to masa bajuahto pano Espiritu Santo to niriro sehe yoariro jirohca tiro. Espiritu Santo tiropure sãarucu su tuhsu ã baju yoarucurohca tiro mehne. Ñ yoa payu Israe masare Cohamacu mari pũhtorore cahmaeraina cjirire noano cahmachu yoarohca mu macu. Mari pũhtoro to tahto pano Elia cjiro Cohamacu yare yahu mũhtariro to buheriro seheta Espiritu Santo to yoadohoro mehne Cohamacu to tuaa mehne mu macu cũhu buherohca. Ñ buhero ti pũcũsuma ti pohna mehne ñano jimarinare ti noano cahma cahĩ jichu yoarohca. Ñ yoa Cohamacure yũhdũrcaina cjiri cũhure noano ño payoa mehne yũhtichu yoarohca. Ñ buhero mari pũhtoro Cohamacu yaina cjihtire yoarohca tiro. Ñ jicu to masa bajuari baharo mũhu wahcheihca. Payu paina cũhu wahcheahca —niha anjo Zacariare.

18 To ã nichu tuhoro Zacaria sehe õ sehe ni sinituha anjore: —Sã bucuna jija. ¿Ñ jicu mu niri potocã jichu dohse masicũhcaru yũhu? —niha tiro.

19 To ã nichu anjo sehe tire õ sehe ni yahuha: —Yũhu Gabrie wama tiro jija. Cohamacu cahamacũno to cahai ducuriro jija yũhu. Cohamacu ahri noaa quitire yahu dutiro, mu cahai yũhure warocare. 20 Yu yahuriro seheta potocãta waharohca. Yu ã nipachũta yũhure mũhu potocã tuhoerare. Ñ jicu mipure mũhu durucu masierariro wahaihca. Mu macu to bajuari baharo durucuihca tjoa —niha anjo Zacariare.

21 Sopacaru jiina masa Zacariare cohtaa niha. “¿Dohse jiro baro tiro Cohamacu wũhũru jiro, so wijaa taerajari?” ni, cohtaa niha masa tire. 22 Tuhsu, tiro wũhũru jiro wijaa wihi, tina mehne durucu masieraha. “Tiro Cohamacu wũhũ bajuaire ñno niboca”, ni tuhodu masiha tina. Ñ jiro tiro durucu masierariro jiro to wamomacari mehne yoa cayoha masa ti masihtu sehe.

23 Cohamacu wũhũ to dahraa pihtichu, tiro to namono mehne tjuaa wahaha ti wũhũru. 24 Ti ã tju sũri baharo to namono Elisabe niji pocoro jiha. Ñ jiro ticoro cinco sũri waro

masa cahai wahaeraha. ²⁵ Õ sehe ni tūhotuha ticoro: “Mipure yūhure Cohamacu yoadohore juna. Pohna marienico ro jico bəobiaro yūhdūhi yūhū. Cohamacu to yoadohoro mehne mipure nijinocāre boca ja yūhū”, ni tūhotuha ticoro.

Jesu to masa bajahtore yahuha anjo

²⁶⁻²⁷ Elisabe cinco sūri niji pocoro to ji wahcāchū waro Cohamacu sehe anjore Gabriele wama tirirore nuhmino, ne mūa mehne jieraricoro caharū warocaha. Ticoro María wama tiricoro Nazarei Galilea yahpai jiri macai jia tiha. José wama tiro ro jiha to manūno cjihto. Tiro panorū macariro Davi cjiro panamino ji turiarirorū jiha. ²⁸ Ā to warocachū María caharū sūro, anjo ò sehe ni yahuha:

—María, ¿jimajari mūhū? Cohamacu mūhure yoadohoro nina. Mūhure noano yoaro nina —niha anjo ticorore.

²⁹ To ā nichū tūhoro, ticoro tuaro wacū tūhotuha. Anjo to yahurire tūhoturo “¿Dohse nino baro yūhure ā nicari?” ni wacūha ticoro. ³⁰ To ā ni tūhotuchū masino anjo ò sehe ni yahu namoha ticorore:

—María, Cohamacu mūhure tuaro cahīna. Ā jico mūhure yū yahuhtire tūho cūaeco tjiga. ³¹ Noano tūhoga. Cūiro nijinocāre pohna tichoca mūhū. Tirocā to masa bajuari baharo, “Jesu” ni wama pisucohca mūhū tirocāre. ³²⁻³³ Tiro tua yūhdūariro jirohca. Ā jia tirore “Cohamacu Jipihtina Bui Jiriro macūnota jira”, ni masiahca masa. Mū macū űuchūno mūnanorū Davi cjiro Israe masa ti pūhtoro to jia tiro ro cjiro seheta mū macū cjihto cūhure cūnohca Cohamacu. Ā jiro jipihtia dachoripe tiro Israe masare dutirohca. Pūhtoro to jihto ne pihtisi —niha anjo.

³⁴ To ā nichū tūhoro María sehe ò sehe ni sinituha:

—¿Dohse yūhū manū mariapacohta pohna tibocari yūhū? —niha ticoro.

³⁵ To ā nichū tūhoro anjo ò sehe ni yūhtiha:

—Espíritu Santo to tuaa mehne mūhure nijinocāre bocachū yoarohca. Ā jiro Cohamacu Jipihtina Bui Jiriro to tuaa mūhure to masurūca caharo seheta bajaeraparota tarohca mūhure. Ā jia “Cohamacu macūno, űaa buhiri tia marieriro jira”, niahca masa mū macūre. ³⁶⁻³⁷ Cohamacu jipihtiare yoa masina. Ā jiro mū coyeacoro Elisabe cūhū būcoro waro jiparota mipure niji pocoro jira ticoro. Ticoro pohna tirohca mūnocāre. Masa

ticorore “Nijinocã boca masienicoro jira”, ti niricoro cjiro mipũre nijinocãre to bocari baharo seis sũri waro wahara —niha anjo Maríare.

38 To ã nichũ María õ sehe ni yũhtiha:

—Yũhũre tũhoga. Mari pũhtoro to cahamacono jija yũhũ.

Mũ niriro seheta yũhũre ã wahajaro —niha ticoro.

To ã niri baharo anjo wahaa wahaha.

María Elisabere ñũno wahaha

39 To ã niri baharo María tũyucũri jiri yahrapũ Judea yahpai jiri macapũ ño duaro wahaa wahaha. **40** Tópũ sũro, Zacaria ya wũhũpũ sãano, “¿Jimajari?”, niha ticoro Elisabere.

41 To ã nichũ Elisabe to tũhochũta, to macũno sehe niji suhtioropũ jirocã ñũhmiha. Elisabe Espĩritu Santo to dutiriro seheta yoa pahñoricoro jiro, to tuaare cjuaricoro jiha. **42** ã jiro tuaro wahchea mehne ticoro bisiro durucuha:

—Jipihtia numia yũhdoro mũhũre noano yoahre Cohamacũ.

Mũ macũ cũhũre noano yoahre Cohamacũ. **43** Cue, yũ pũhtoro pocoro yũ cahai mũ tachũ noano yoara yũhũre Cohamacũ.

44 Mũ yũhũre “¿Jimajari?” mũ nichũ yũ macũ sehe niji suhtioropũ jirocã wahchea mehne ñũhmihti yũhũre.

45 Cohamacũ to niriro seheta yoarohca. ã jico to yahurire tũhoricoro jico wahchericoro jira mũhũ —niha Elisabe Maríare.

46 To ã nichũ María õ sehe ni yũhtiha:

“ ‘Cohamacũ noariro, tuariro jira’, nija. Yũhũ noano yajeripohna tija.

47 Cohamacũ yũhũre pichacapũ wahaboricorore yoadohoriro jira.

ã jiro mipũre yũhũre noano wahchea mehne jichũ yoara.

48-49 Tiro yũhũre to cahamaconore wacũri jira.

Cohamacũ tua yũhdũariro noaa dihtare yũhũre yoadohohre.

ã jia mipũre ‘Ticorore Cohamacũ noano yoahre’, jipihtina masa ã ni, durucuahca yũhũre.

Cohamacũ ñaa marieriro jira.

50 Jipihtia dachoripe jipihtina tirore ño payoinare tiro pja ñũriro jira.

51 Cohamacũ to tuaa mehne yoaha. ‘Painare yũhdũrucaja’, niinare yũhdũrucaha tiro.

52 Pũhtoare cohãha tiro. ã jiro cahamaca sehere tiro
pũhtoa yoaro seheta cũha tinare.

53 Јѳса баина cјirire tiro noaa chũare waha. Tuhsѳ,
payѳ cјuaina cјirire paye baro cјuаeraina
yoaha tiro.

54-55 Mari ñuchũsuma cјirire to yahu cũriro seheta yoa
pahũoha Cohamacѳ.

To cahamaca Israe masare tiro yoadohoha.

Abrahã cјirore mari ñuchũsuma cјirire jipihtina to
coyea to baharo jiina cũhũre Cohamacѳ jipihtia
dachoripe ã pja ñũrucuriro jia tiha.

Tinare to yahu cũrire boeraha Cohamacѳ”,
niha María.

56 Tia sũ waro Elisabe mehne jiha ticoro. Tó puro to jiri
baharo to ya macapѳ tјuaa wahaha María.

João masa bajuaha

57 Elisabe to niji wahcõri baharo to macѳno masa bajuaha.

58 ã jia Cohamacѳ ticorore to ã noano yoachѳ to ya maca
macaina to coyea cũhũ ticoro mehne wahcheha. 59 Ocho
dachori to masa bajuari baharo, to pũcũsuma tirocãre mahanocã
to pjacѳ cahsarocãre yihso dutia taa niha. ã jia tina mehne
macaina ti cahapѳ suha ti yihsochѳ ñũa taa. Tina mehne
macaina Zacaria to pũcũro wamare tirocãre wamoa duamaha.
60 Ti ã wamoa duapachѳta to pocoro õ sehe niha:

—To pũcũro wamare wamoeraja. João wamoanahca
tirocãre —niha ticoro.

61 —Mѳ coyea ne cũriro João wama tiroiro mariahna —niha
tina ticorore.

62 ã jia ti wamomacari mehne yoa ño, Zacariare õ sehe ni
sinitu ñũha tina:

—¿Mѳhũ waro dohse wamoa duajari mѳ macũre? —ni
sinitu ñũha tirore.

63 Ti ã nichѳ tiro sehe joahti pjĩne siniroca, ñaha, joaha:
“Yѳ macѳ João wama tirohca”, ni joaha Zacaria. To ã ni
joachѳ tina sehe cũaa wahaha. 64 To ã ni joari baharo tirore
durucuchѳ yoaha Cohamacѳ. ã jiro tiro durucua wahaha јна:

—Cohamacѳ tuariro, noariro jira —niha tiro.

65 To ã ni durucuchѳ tũhoa tó macaina cũaa wahaha. ã jia
ahri jipihtiare Judea yahpa macainare tũyucѳ watoi јinare

masa yahu siteha. Ñ jia masa tó macaina noano masi pihtia wahaha. 66 Jipihtina tíre tũhoa wacũha. “Cohamacũ tuaare ahrirocã cjũara. Ñ jiro wiho jiriro jierara ahrirocã”, ni tũhotuha masa.

Zacaria Cohamacũre ño payoha

67 Ñ yoa to pũcũro Zacaria sehe Espĩritu Santo to dutiriro seheta yoa pahñoriro jiro to tuaare cjũariro jiro Cohamacũ yare õ sehe ni yahuha:

68 “Mari Israe masa Cohamacũre, mari pũhtorore wahche payojihna mari. To yaina jija mari.

Ñ jiro tiro mari cahapũ wihiro, marine yoadoho, noano yũhdũchũ yoaro taro nina.

69 Cohamacũ marine, pichacapũ wahaborinare yũhdũchũ yoahitire, tua yũhdũaritore warocara.

Ahriro marine yũhdũchũ yoahitiro cjihto sehe Cohamacũre dahra cohtariro Davi cjiro panamino ji turiariro jira.

70 Panopũre to yaina waro, to yare yahu mũhtaina cjiire ahri õ sehe wahahto cjihtore yahu cũ mũhta tuhsũa tiha.

71 ‘Mũsare ñũ tuhtiinare, jipihtina mũsare ñano yoinare dũcataihtja’, ni cũha Cohamacũ marine.

72 Mari ñũchũsuma cjiiripũre ‘Mũsare pja ñũi, yoadohoihtja.

Mũsare yũ yahu cũire wacũihtja’, niha Cohamacũ.

Tĩ pjarũre to ni cũiro seheta mipũre marine sohtori tiro taro nina.

73-75 Panopũre õ sehe ni cũa tiha Cohamacũ Abrahãre: ‘Potocã niita nija mũhũre.

Mũ coyea baharopũ ji nũnũhtinare paina tinare ti ñũ tuhtichũ, yũhũ sehe tinare dũcataihtja.

Ñ jia mũ coyea sehe ne cuiro marieno yũ dutiare yoa, yũhũre ño payoahca.

Tina ti catiro puro yũ ñũrocaroi buhiri marieno, quihõno jia tiina jirucuahca’, ni yahu cũa tiha Cohamacũ mari coyeiro Abrahã cjirore”,

niha Zacaria. Ñ ni tuhsũ tiro to macũno cũhũre õ sehe niha tjoa:

76-77 “Macu, mũhũre õ sehe niahca masa: ‘Cohamacu Jipihtina Bui Jiriro yare yahu mũhtarirota jira’, ni masiahca mũhũre.

Mũhu mari pũhtoro Cristo to tahto panore masare yahuyui wahaihca.

Ã yahuyui wahacu, õ sehe ni yahuyuihca tinare: ‘Mari pũhtoro tarohca.

Tiro mũsa ñaa yoari buhiri tiare cohã, pichacaru wahaborinare yũhdorohca mũsare’, ni yahuihca mũhu.

Ã ni yahucu, mari pũhtoro to tahtore cahnoyu dutii niihca mũhu tinare.

78 Cohamacu sehe marine tuaro pja ñũriro ji, marine noano yoariro jitjiãno, tiro marine pichacaru wahaborinare yũhdũchũ yoa duara.

Ã jiro tiro Cristore buhriaro yoaro sehe jirirore mari caharu warocara.

79 Tiro mari cahai wihiro marine pichacaru wahaborinare nahitiano waroru jimarinare buhriaro marine to noano ñũ bocachũ yoaro sehetã Cohamacu ya potocã ni yahuaire masichũ yoarohca tiro.

Ã yoa mari tiro mehne cũno mehne mari noano ji masihtõ cjihto cũhũre yahurohca marine”,

niha Zacaria.

80 Ã yoa Zacaria macũno noano pjacu tiriõ bũcũaha. Ã bũcũaro, Cohamacũre tuaro ñõ payoriro jiha. Tuhsũ, yoari pja masa marienoru jia tiha. Israe masare buhe dũcaro tũpũta to jiriro cjiroi jia tiha.

Jesu masa bajuaha

(Mt 1.18-25)

2 ¹ Tĩ pjare jipihtia yahpari macaina bui pũhtoro Augusto jia tiha. Ã jiro jipihtinare quihõ dutiha. ² Ahrina masare ti coã quihõ dũcachũ Siria yahpa macaina pũhtoro Cirenio wama tiriõ jiha. ³ Ã jia jipihtina ti ñũchũsuma panoru macaina ya macaripu ti wamare joa õa wahaha. ⁴ Josẽ cũhu Nazarepu Galilea yahpai jiri macaru jiina waha, Judea yahparu Belẽ wama tiri macaru sũha. Pũhtoro Davi cjiro panoru macariro to masa bajariro jiha Belẽ. Josẽ Davi cjiro panamino ji



turiariro jiro p̄h̄toa masare to quihō dutich̄u t̄h̄oro Belēp̄u to wamare joa ō dutiro wahaha. ⁵ Ā jiro tiro María to namono c̄jih̄to mehne t̄órp̄u to wamare joa ō dutiro s̄uha. Ticoro sehe wih̄āriroc̄āre c̄j̄uaro caharicoro jiha. ⁶ Ā jiro Belēp̄u s̄uro ticoro n̄iji wahc̄ōha. ⁷ T̄órp̄ure masa ti car̄iri w̄h̄u ne m̄u s̄ueraha tinare. Ā jiro ticoro pohna ti tuhs̄u, tiroc̄āre suhtiro mehne coma, wach̄ua ti ch̄uri wahwai, t̄ja bui tiroc̄āre duhu payoha. Tiroc̄ā wahma to pohna ti m̄h̄tariroc̄ā jiha.

Anjoa ovejare ñu wihboinare bajuaha

⁸ Tí ñamine cam̄op̄u ovejare ñu wihboina ti yaina ovejare ñu wihboa niha. ⁹ T̄órp̄u ti jich̄u Cohamac̄u warocariro anjo tinare bajuaha. To ā bajuach̄u Cohamac̄u to si sitea tinare buhriaha. To ā si sitech̄u ñua, ovejare ñu wihboina cuia wahaha. ¹⁰ Ti ā wahach̄u anjo tinare ō sehe ni yahuha:

—Noaa quitire m̄sare yahui taja. Jipihtinare masare wahchech̄u yoarohca ahri quti. Ā jina ȳh̄ure cuiena t̄jiga m̄sa. 11 Micha ñamine p̄htoro cjiro Davi ya macap̄u m̄sare pichacap̄u wahaborinare ȳh̄dohtiro, Cristo Cohamac̄u warocariro mari p̄htoro masa bajua tuhs̄h̄re. 12 Suhtiro mehne comariro wach̄na ch̄uri wahwa bui ti duhu payoriro m̄sa ñ̄htiro tiro t̄jirohca —ni yahuha anjo tinare.

13 To ā nich̄ta paȳu m̄ano macaina ji m̄htariro anjo mehne Cohamac̄ure wahche payoha. Ō sehe ni wahche payoha tina:

14 “Cohamac̄ure m̄ano macarimore ño payojihna.

Ā jia Cohamac̄u to cah̄ina cuiro marieno
cahmacheno marieno noano jijaro”,

ni wahche payoha anjoa peri.

15 Ā ni wahche payo tuhs̄u m̄anop̄u ti m̄jari baharo ovejare ñ̄u wihboina sehe ti basi cahma durucuha:

—Ahrire Cohamac̄u marine to yahurire Bel̄ep̄u basa ñ̄ujihna —niha tina ti basi.

16 Ā nia ño duaro wahaa wahaha tina. Maríare, Josére boca s̄u, wih̄ariroc̄are wach̄na ch̄uri wahwai ti duhu payoriroc̄are ñ̄ha tina. 17 Ovejare ñ̄u wihboina tiroc̄are ñ̄u tuhs̄u anjo wih̄ariroc̄are to yahurire yahu turiaha painare. 18 Ti ā ni yahu turiach̄u jipihtina tinare t̄ho c̄uaa wahaha. 19 Ahri jipihtiare María wac̄u t̄hoturucuha. 20 Ā yoa ovejare ñ̄u wihboina sehe anjo to yahuriro seheta jich̄u ñ̄ua, “Cohamac̄u tuariro jira”, ni wahcheha. Ā ni wahche, majare t̄juaa wahaha.

Cohamac̄u wuh̄up̄u Jesu p̄c̄us̄uma tiroc̄are naaha

21 C̄u somana baharo wih̄ariroc̄a to pjac̄ure mahanoc̄a cahsaroc̄are yihso na tuhs̄u tiroc̄are tina Jesu wamoaha. Jesure wahma to bocahto pano anjo sehe “ ‘Jesu’ ni wama pisuga tiroc̄are”, ni yahu tuhs̄uha. Ā jia tiroc̄are “Jesu” ni wama pisuha.

22 Cohamac̄u dutia Moise to yahuriro seheta yoa taa José, María mehne Jerusal̄ep̄u wahaha. Tóp̄u wahaha María to pohna tiri baharo to noaricoro to wahari baharo to ā waharire ñono taro. Ā wahaa, tina Jesuc̄are naa wahaha. Tiroc̄are Cohamac̄ure “Ahriroc̄a m̄u yairo cjihto jira”, ni ñoa wahaha. 23 Ō sehe yoaha Cohamac̄u yare ti joari p̄ui to yoa dutiriro seheta. “Jipihtina m̄sa pohna wahma bajua m̄htainac̄are

Cohamacure ñoga. ‘Ahrirocã m̄ yairo cjihto jira’, ni ñoga”, ni dutia tiha Cohamacu. 24 Ñ ño tuhsu Cohamacu to yoa dutiriro seheta tina minichahcare waa wahaha Cohamacure ño payoa. Ñ sehe dutia tiha Cohamacu: “Bujaa p̄aro waga yũhũre. O tina mariachũ urítua wihãinacã p̄aro waga yũhũre ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

25 Jerusalëi Simeo wama tiro jira. Tiro quihõno yoiriro, Cohamacure ño payoriro jiro, Cohamacu Israe masare to yoadohohtire cohtariro jira. Tiro Espiritu Santo to nino sehe yoiriro jira. 26 Ñ jiro tiro to yariahto pano Cohamacu to warocahtirore Cristore to ñũhti cjihtire tó pano yahu tuhsuha Espiritu Santo tirore Simeore. 27 Ñ jiro Espiritu Santo tirore to dutichũ Cohamacu wũhũpũ sãa wahaha. To sãa sũri baharo Jesu p̄cusũma ti macũnocãre na sãaha. Cohamacu to dutiriro seheta yoaa niha. 28 Simeo sehe tirocãre wua na, Cohamacure ño payo, “Noana” ni, tiro mehne durucuha.

Ñ sehe niha tiro Cohamacure:

29-32 “Mipũ pinihtare pũhtoro, m̄ niriro seheta jipihtina
masare pichacapũ wahaborinare yũhdũchũ
yoahtiro cjihtore warocahre mũhũ.

Tiro judio masa jierainare buhero mũhũre noano
masichũ yoarohca tinare.

Masare yũhdohtiro Israe masũnore mũhũ cũha.

Sã coyeyirore Israe masũnore m̄ cũchũ jipihtina
masia, ‘Israe masare noano yoara Cohamacu’,
niahca masa.

Ahrirocã sãre yũhdũchũ yoahtiro jira.

Ñ jicu ahrirocãre ñũ tuhsũcũ, mipũre noano
wahcheriro yariaihca”,

niha Simeo.

33 Simeo tirocãre to ã nichũ Jesu p̄cusũma sehe tũho cũaa wahaha. 34 Ñ jiro Simeo tinare “Noano jiga m̄sa” nino, tiro María Jesu pocorore ñ sehe ni yahuha:

—Cohamacu ahrirocãre beseha. To ã beseriro to jipachũta judio masa payũ tirore yũhdũrũcaahca. Ñ yoaa tina pichacapũ wahaahca. Judio masare payũ yũhdohtirore Cohamacu beseha tirocãre. Tiro Cohamacu yare yahuriro to jipachũta masa payũ tirore ñano ni yahu wajaahca. 35 Ti ã yoachũ paina ti ñano

wacũare masiaha. ã jico mũhũ tuaro cahyacohca —niha Simeo Mariare.

36 Tói Cohamacũ yare yahu mũhtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. Bũcoro waro jiha. Ticoro nuhmino jiro manũ tiha. ã yoa siete cũhmari to manũno mehne jiha. Tó puro to jiri baharo to manũno yariaha. **37** ã jiro ochenta y cuatro cũhmari waro wapewahyoro jia tiha ticoro. ã jiro ticoro dachorũ cũhũre ñamipũ cũhũre Cohamacũ yare yoaro taro chũaeraro, Cohamacũ mehne durucu, Cohamacũ wũhũre ne wijaaera tiha. **38** Simeo to durucuro watoi ticoro tina cahai wihiro, wahchero Cohamacũre “Noana”, niha. ã jiro Jerusalẽ macainare pichacapũ wahaborinare yũhdohtirore cohtainare ticoro Jesucãre yahuha tina jipihtinare.

José, María, Jesu mehne Nazarepũ tjuaa wahaha tjoa

39 Cohamacũ to dutiriro seheta yoa tuhsũa, tina ti ya macapũ Nazarepũ tjuaa wahaha. Galilea yahpai jiha tí maca Nazare. **40** Jesu sehe noano bũcũa, tuariro wahaha. ã jiro tiro noano tũho masiriro bũcũaha. Cohamacũ tirore noano yoaha.

Jesu wahma wahmũa tariro jiro, Cohamacũ ya wũhũi judio masare buheina mehne sũhũduro niha

41 Cũhmaripe Jesu pũcũsũma Jerusalẽpũ pascua nũmũrine bose nũmũrine yũhdoa wahaa tiha. **42** ã jia Jesu doce cũhmari to cjuachũ waro ti yoarucuriro seheta tina jipihtina Jerusalẽpũ bose nũmũrine yũhdoa wahaha tjoa. **43** Tí macapũ sũ, tí bose nũmũrine yũhdo tuhsũ tina ti ya macapũ majare tjuaa wahaha tjoa. Wiho mejeta Jesu sehe ti ã majare tjuapachũta, Jerusalẽpũ tjuanocaha. To pũcũsũma sehe tíre to tjuarire masieraha. **44** “Paina mari mehne macaina mehne taca mari macũ”, ni tũhotumaha tina. ã jia tina cũ dacho waro noano Jesu marieno waharucumaha. Tí dacho pihtichũ waro tina Jesure ti coyea watoi ã jichũ ti ñũ masiina watoi cũhũre macamaha. **45** Wiho mejeta ne bocaeraha. ã jia tina pari turi Jerusalẽpũ majare tjuaa wahaha tjoa, tirore macaa wahaa.

46 Tia dacho baharo Cohamacũ wũhũ wijaroi tirore boca sũha. Tói Jesu judio masare buheina watopũ duji, tinare tũho, tinare sinituro niha. **47** Tina jipihtina Jesure to quihũno yũhtichũ tũhoa noano masirocã to jichũ ñũa, tina cũaa

wahaha. 48 Jesu p̄c̄s̄uma c̄h̄u tirore ñ̄a, tina c̄h̄u c̄aa wahaha. Ñ̄ jiro to pocoro tirore ò sehe niha:

—Mac̄, ¿dohseac̄ ã yoari m̄h̄u s̄are? Sã m̄ p̄c̄s̄uma pj̄iro t̄hotu, cahya, macana nihi m̄h̄ure —niha ticoro to mac̄nore.

49 To ã nich̄u t̄horo tiro to p̄c̄s̄umare ò sehe ni ȳhtiha:

—¿Dohseana ȳh̄ure macari m̄sa? Ȳ P̄c̄u waro ya w̄h̄i ji to dutiriro seheta yoai nija. ¿T̄ire masierajari m̄sa? —niha tiro tinare to p̄c̄s̄umare.

50 To ã ni yahupach̄ta tina to yahuare t̄ho ñ̄ahaeraha.

51 Ñ̄ yoari baharo, Jesu to p̄c̄s̄uma mehne Nazarep̄ t̄jaa wahaha. T̄ju s̄, to p̄c̄s̄umare ne ȳhd̄r̄caerariro jia tiha tiro. Ahri jipihtia to yoarire ñ̄no María noano t̄hotu, wac̄rucua tiha. 52 Ñ̄ yoa Jesu b̄c̄a, noano t̄ho masiriro wahaha. Tó sehe jiriro to ji b̄c̄ach̄ ñ̄no, Cohamac̄ sehe tirore noano ñ̄ ji coa, tuaro cah̄a tiha. Masa c̄h̄u tirore tó seheta noano ñ̄ ji coa, tuaro cah̄a tiha.

João masare bautisariro masare Cohamac̄ yare yahuha

(Mt 3.1-12; Mr 1.1-8; Jn 1.19-28)

3 1 Tí pjare ti bui p̄htoro jiriro Tiberio wama tiroto to p̄htoro jiri baharo quince c̄hmari wahaha. Tuhs̄, Poncio Pilato wama tiroto sehe Judea yahpa macaina p̄htoro jiha. Ñ̄ yoa Herode wama tiroto sehe Galilea yahpa macaina p̄htoro jiha. To bah̄ro Felipe sehe Iturea yahpa macaina, Traconite yahpa macaina c̄h̄u ti p̄htoro jiha. Tuhs̄, Lisancias wama tiroto Abilinia yahpa macaina p̄htoro jiha. 2 Tí pjare Ana, Caifa mehne jipihtina sacerdotia bui p̄htoa jiha. Ahrina jipihtina ti jiri pjare João Zacaria mac̄no masa marienop̄ jirirore Cohamac̄ sehe tirore to yare buhe dutiha. 3 Ñ̄ jiro Jordão wama tiri ma d̄ht̄ cahai jiri yahpai jipihtirop̄ João buhero wahaha:

—“Noaina jija sã”, ni m̄sa t̄hotumari c̄jire t̄hotu cohtota, Cohamac̄re cahmaga m̄sa. Ñ̄ yoana t̄ire m̄sa yoarire ñ̄ona tana, bautisaina jiga. M̄sa ã cohtoch̄ ñ̄no Cohamac̄ m̄sa ñ̄a buhirire borohca —ni buhea tiha tiro.

4 Isaia c̄jiro panop̄ macariro Cohamac̄ yare yahu m̄htariro to joariro seheta ahriro Joã yoaro niha. Ò sehe ni joaa tiha Isaia c̄jiro João to buhehtore:

“Masa marienopu durucu sañurucuro ò sehe ni buherohca: ‘Mari puhtoro to tahto pano “Noaina jija sã”, ni msa tuhutumari cjiire tuhutu cohtota, Cohamacure cahmaga msa.

5 Pja wuhtari, pja buri cñhure noari wapa mari yoariro seheta, tuhcu maharine potoa mahari mari yoariro seheta, ñaa maharine noaa maharine mari yoariro seheta, wetere msa cosariro seheta msa ñaa tuhutare cohtota, cahno muhtaga msa.

6 Msa ã yoachñ Cohamacñ msare pichacaru wahaborinare to yuhduchñ yoachñ ñahca jipihti ahri yahpa macaina’, ninohca tiro sañurucu yahuriro sehe”,

ni joaa tiha Isaia cjiro panopure.

7 Masa payñ João cahai wihia tiro tinare bautisachñ cahmaha tina. ã jiro tiro tinare ò sehe ni yahuha:

—Agãa ñima tiina yoaro seheta masare dojomehneina, cui duhti duaina jira msa. Msa ñaa yoarire msa cahya, duhu duaerari buhiri Cohamacñ to buhiri dahrehto pano duhti masierara msa. 8 Potocãta msa ñaa tuhutumarine cohtotaina jina, Cohamacure cahmaina jina, tíre msa yoaa mehne ñoga. Ò sehe ni tuhutu wisiena tjiga. “Panopu macariro Abrahã mari ñuchñ cjiro jia tiha. ã jina to panamana jina mari Cohamacñ yaina jija”, ni tuhutu wisiena tjiga msa. Msare niita nija. Abrahã panamana msa jiina jimana msa. Msa ã jipachuta tí msa ã jia yaba cjihti jierara. Cohamacñ sehe ahri tãa mehne Abrahã coyeare dahre masina. ã jiro Abrahã coyea msa jia wiho waro jira tãa ti wiho waro jiro seheta. 9 Ò sehe jira: Masa yucuri yoaro seheta jira. Cohamacñ sehe coma mehne yucurire cã cohãriro yoaro sehe jira. ã jiro noaa dicha maria yucure nuhcõri mehnepata cã cohãnohca tiro. Tíre to cã cohãri baharo, pichacaru jũ cohãnohca tiro. (ãta yoaro taro nina masa cñhure tirore cahmaerainare) —ni yahuha João masare.

10 To ã nichu tuhoa masa sehe tirore ò sehe ni sinitu ñuha: —¿Dohse yoanahcari sã? —niha tina João.

11 —Pua suhtiro cjuariro suhti marierirore cño waga. ã yoa msa chua cjuana paina cñhure waga —niha João.

12 Mahainacã pũhtoa ya cjihtire wapa na cohtaina cũhũ tinare to bautisachũ cahmaha. ã jia João cahai wihia, tirore õ sehe ni sinituha:

—¿Buheriro, sã sehe dohse yoanahcari sã? —niha tina tirore.

13 —Mũsa pũhtoa ti wapa na dutiro purota masare wapa naga. Mahño na namoena tjiga —ni yahuha João tinare.

14 Paina surara tirore õ sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. ã yoana mahñoa mehne ti niñerure naena tjiga. Mũsare ti waparo purota wahchega —ni yahuha João.

15 Masa Cristore Cohamacũ to warocahtirore cohtaa niha. ã jia õ sehe ni tũhotu dũcaha tina Joãore. “Ahiri João sehe Cristo jiboca”, ni tũhotumaha tina. 16 Ti ã nichũ tũhoro João jipihtinare õ sehe ni yahuha:

—Yũ baharo yũ yũdoro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ. Yũhũ sehe mũsare bautisacũ co mehne yoamahi. Tiro sehe yũ yũdoro yoarohca. Espiritu Santore masa mehne ã jirucuchũ yoarohca. Wiho mejeta paina sehere ti ñaare tũhotumari cjirire tũhotu cohtota duaeraina sehere tiro pichaca mehne buhiri dahrerohca.

17 Yũ baharo tariro cahsarire cohãriro yoaro sehe jira.

Cahsarire cohãriro to batiro mehne jipihtia to trigo yapari cahsarire putiwera. ã yoa tuhsũ trigo sehere to wihbori wũhũni cũnohca. Tó seheta yoarohca ti tirore cahmainare yũ baharo tariro. To putiwea cahsari sehere tiro jũnohca. Tí cahsarire to jũri pichaca ne yatisi. (ãta yoarohca tiro yũ baharo tariro tirore cahmaerainare) —ni yahuha João.

18 Payũ to ã ni yahua mehne masare noaa buheare yahuha João.

19 Tuhsũ, pũhtoro Herode sehe to bahũro Felipe namonore to namo tiri buhiri, pjíro ñaare to yoari buhiri cũhũre João tirore yahumaha. 20 To ã ni yahuri buhiri Herode sehe ñaare yoa namoha, Joãore peresu yoaro.

João Jesure bautisaha

(Mt 3.13-17; Mr 1.9-11)

21 Joãore ti peresu yoahto pano paina masare João sehe bautisaro niha. Tinare bautisaro Jesu cũhũre bautisaha. To ã

bautisachũ, Jesu diapũ ducuriro Cohamacũre to sinino watoi mũano parĩ mũa wahaha. **22** To parĩ mũari baharo Espiritu Santo buja yoaro sehe Jesu buipũ duji taha. To ã duji tachũ mũanopũ durucuro coa taha:

—Mũhũ yũ macũ yũ cahĩriro jira. Mũhũ mehne wahcheja —nino coa taha mũanopũ.

Jesu coyea panopũ macainare yahua jira ahri

(Mt 1.1-17)

23 Jesu to buhe dũcari cũhmare treinta cũhmari cjũaha tiro. “Tiro José macũno jira”, ni tũhotumaha masa. José sehe Elí macũno jiha. **24** Elí Matat macũno jiha. Matat Leví macũno jiha. Leví Melqui macũno jiha. Melqui Jana macũno jiha. Jana José macũno jiha. **25** José Matatías macũno jiha. Matatías Amós macũno jiha. Amós Nahum macũno jiha. Nahum Esli macũno jiha. Esli Nagai macũno jiha. **26** Nagai Maat macũno jiha. Maat Matatías macũno jiha. Matatías Semei macũno jiha. Semei Josec macũno jiha. Josec Joiadá macũno jiha. **27** Joiadá Johanán macũno jiha. Johanán Resa macũno jiha. Resa Zorobabe macũno jiha. Zorobabe Salatíe macũno jiha. Salatíe Neri macũno jiha. **28** Neri Melqui macũno jiha. Melqui Adí macũno jiha. Adí Cosam macũno jiha. Cosam Elmodam macũno jiha. Elmodam Er macũno jiha. **29** Er Josué macũno jiha. Josué Eliezer macũno jiha. Eliezer Jorim macũno jiha. Jorim Matat macũno jiha. **30** Matat Leví macũno jiha. Leví Simeo macũno jiha. Simeo Juda macũno jiha. Juda José macũno jiha. José Jonan macũno jiha. Jonan Eliaquim macũno jiha. **31** Eliaquim Melea macũno jiha. Melea Mená macũno jiha. Mená Matatá macũno jiha. Matatá Natán macũno jiha. **32** Natán Davi macũno jiha. Davi Jesé macũno jiha. Jesé Obed macũno jiha. Obed Booz macũno jiha. Booz Sélah macũno jiha. Sélah Nahasón macũno jiha. **33** Nahasón Aminadab macũno jiha. Aminadab Admín macũno jiha. Admín Arní macũno jiha. Arní Esrom macũno jiha. Esrom Fares macũno jiha. Fares Juda macũno jiha. **34** Juda Jacobo macũno jiha. Jacobo Isaa macũno jiha. Isaa Abrahã macũno jiha. Abrahã Taré macũno jiha. Taré Nahor macũno jiha. **35** Nahor Serug macũno jiha. Serug Ragau macũno jiha. Ragau Péleg macũno jiha. Péleg Éber macũno jiha. Éber Sélah macũno jiha. **36** Sélah Cainán macũno jiha. Cainán Arfaxad macũno jiha.

Arfaxad Sē mac̃no jiha. Sē Noé mac̃no jiha. Noé Lame mac̃no jiha. 37 Lame Matusalē mac̃no jiha. Matusalē Enoco mac̃no jiha. Enoco Jared mac̃no jiha. Jared Mahalaleel mac̃no jiha. Mahalaleel Caina mac̃no jiha. 38 Caina Eno mac̃no jiha. Eno Sete mac̃no jiha. Sete Adão mac̃no jiha. Adão Cohamac̃u to yoariro jiha.

Watĩno ñaare yoa dutimaha Jesure

(Mt 4.1-11; Mr 1.12-13)

4 1 Jesu Espĩritu Santo to dutiro sehetã yoa pahñoriro jiro, tiro Jordão wama tiri map̃u jiro tjuaa wahaha. To ã tjuaa wahach̃u Espĩritu Santo sehe tirore masa marienop̃u naaha. 2 Tóp̃u sũro cuarenta dachori waro jiha. Tóp̃u to jiro wato watĩno sehe Jesure ñaare yoach̃u cahmamaha. ã jiro ñaare yoa dutimaha tirore. Tí dachorire Jesu ch̃eraha. ã jiro tí dachori pihich̃u waro tiro j̃ca baaha.

3 To ã j̃ca baach̃u ñ̃no watĩno õ sehe nimaha Jesure:
—M̃h̃u Cohamac̃u mac̃no jic̃u, ahria tãcare ch̃u dojomehne —nimaha Jesure.

4 Jesu õ sehe ni yũhtiha:
—Yoaeraja. Cohamac̃u yare ti joari p̃i õ sehe nina: “Masare ch̃u mehne dihta catieraro cahmana. [Jipih̃tia Cohamac̃u ya yahua mehne jiro cahmana]”, nina Cohamac̃u —ni yũhtiha Jesu watĩnore.

5 To ã niri baharo watĩno sehe tirore tũc̃u m̃uadu buip̃u na m̃ja sũrota jipih̃tia macari perire ño bahrañoha Jesure.

6 ã ñono Jesure õ sehe ni yahuha:

—Jipih̃tia ahri macari yũh̃re to wari cjiri jira. ã jic̃u yũ cahmarirore wa masija. ã jic̃u ahri macarine, ti cj̃aa mehne m̃h̃re waihtja. (Yũ ã wach̃u ahri macari macainare m̃h̃u dutiilha.) 7 Yũh̃re m̃u ño payoch̃u ahri macari jipih̃tia macarine m̃h̃re waihtja —niha watĩno Jesure.

8 Jesu õ sehe ni yũhtiha tirore:
—M̃h̃re ño payoeraja. Õ sehe nina Cohamac̃u yare ti joari p̃i: “M̃u p̃ntoro Cohamac̃u dihtare ño payoga. To ya dutia dihtare yoaga”, ni joaa tiha Cohamac̃u yare —niha Jesu watĩnore.

9-11 To ã niri baharo Jerusalēp̃u watĩno sehe tirore na wahc̃ã, Cohamac̃u w̃h̃u bui na s̃ha tirore. Na s̃u tuhs̃u tirore õ sehe nimaha:

—Cohamacu yare ti joari pũ ò sehe nina:

“Cohamacu yaina anjoare mũhũre ñũ wihbo dutirohca.
 Æ jia tina sehe mũhũre ñũ wihboahca, ‘Mũhũpũ
 tãcapũ pũha tu mũari’ nia”,

ni joaa tiha Cohamacu yare ti joari pũi. To ã niri quihõno
 jichũ mũhũ Cohamacu macũno jicũ, yahrapũ pju bora ño
 ñũjũta yũhũre. Mũhũre yoadohochũ ño ñũjũta yũhũre —niha
 watĩno Jesure.

12 Jesu pju bora ño duaeraro ò sehe ni yũhtiha tirore:

—Cohamacu yare ti joari pũi ò sehe nina: “Mũsa pũhtoro
 Cohamacu to niri cjiire ‘¿Potocã tjiari?’ ni masi duana,
 Cohamacure yoa ño duti macaena tjiga”, nina Cohamacu yare
 ti joari pũi —niha Jesu watĩnore.

13 Æ jiro watĩno jipihtia ñaare Jesure yoa dutimaha. Æ duti
 tuhsũro mahanocã duhu wahcãsiniha.

Galilea yahpai Jesu buhe dũcaha

(Mt 4.12-17; Mr 1.14-15)

14 Baharo Jesu Galileapũ tjuaa wahaha. Æ jiro, tiro Espĩritu
 Santo tuua mehne yoaha. Tói jipihtiropũ masa tirore quiti
 tiha. 15 Judio masa buhea wũhũsei tiro buhea tiha. Æ jia
 jipihtina masa tirore noano durucuha.

Nazare macaina Jesure ne cahmaeraha

(Mt 13.53-58; Mr 6.1-6)

16-17 Baharo Nazarepũ Jesu to bũcũariropũta tju sũha.
 Tópũ tju sũro, Sabado jichũ to ã yoarucuriro seheta tiro judio
 masa ti buheri wũhũpũ sãa sũha. Tói tiro Cohamacu yare ti
 joari pũre buhero taro ducuha. To ã ducuchũ ñũa tó macaina
 sehe Cohamacu yare yahu mũhtariro Isaia cjiro to joari pũre
 tirore waha. Tí pũi Jesu ahri yahuare bocaro buheha:

18 “Cohamacu to Espĩritu yũhũ mehne jiro, yũhũre
 dutira.

Tiro pjasũoinare noaa buheare yahu dutiro
 warocare yũhũre.

Æ yoa peresupũ jiina cũhũre tinare to yũhdohtore
 yahu dutiro warocare yũhũre.

Capari ñũeraina ti noano ñũhto cjihtore, painare ti
 ñano ti yoapeinare wiohtiro cjihtore yũhũre
 warocare.



19 Mari puhtoro Cohamacu to yainare pichacapu wahaborinare to yuhdohtore yuhure yahu dutiro warocare”,

ni buheha Jesu.

20 ã ni buhe tuhsu Jesu ti pure noari tia turēnoca, wahu macarimore wia tuhsu, dujiha. To dujichu ñua tói jiina jipihtina tiro dihtare ñuha. 21 Ti ã yoachu tiro tinare õ sehe ni yahu dũcaha:

—Ahri michapucacã yu buheriro seheta Cohamacu to niriho mu sũro nina —niha Jesu.

22 To ã nichu tũhoa “Ahriro noariro jira”, ni tũhotuha tina. ã jia tina to noano buhechu tũhoa, cũaa wahaha. ã cũaa waha, õ sehe niha tina ti basi:

—Cuenah, ¿José macũno jierajari ahriro? —niha tina ti basi.

23 Ti ã nichu masino Jesu õ sehe ni yahuha tinare:

—Yu buheare tũho duaerana, õ sehe ni tũhotura mũsa yuhure: “Duhturu dohatiro to basi co ti masina duhturu waro

to jiare ñono. Mũhũ cũhũ duhturu to yoa ñono sehetã mũ niriro sehe jiriro jicũ Cohamacũ tuaa mehne yoa ñoga sãre. Capernaupũre Cohamacũ tuaa mehne yoa ñoyuhti mũhũ. Sã cũhũre ã yoa ñoga, mũ buheare ‘Potocã tjira’, sã ni masihtõ sehe”, ni duara mũsa yũhũre.

24 'Ahrire yahuihtja mũsare. Cohamacũ yare yahu mũhtarirore to ya macã macaina cahmaerara. ã jina yũhũre cahmaerara mũsa õi yũ bũcũariro jichũ. 25 Yũhũre tũhoga mipũre. Panopũ Elia to jiri pjarũre tia cũhma noano pa cũhma dacho macã waroi ne corõ taeraha. ã jiro jipihtiropũta ne chũa mariaha. Tĩ pjare payũ wapewahya Israe yahparũ ti jipachũta Cohamacũ Elia cjirore tinare yoadoho dutiro warocaeraha. (Eliare, Cohamacũ ya cũhũre ti cahmaerachũ ñũno tinare yoadoho dutiro warocaeraha.) 26 To ya macare ã yoa dutieraparota pa yahpai Sidõ cahai jiri macai Sarepta wama tiri macã macaricoro wapewahyorore yoadoho dutiro Elia cjirore warocaaha Cohamacũ.

27 Baharo Cohamacũ yare yahu mũhtariro Eliseo cjiro to jiri pjarũre Israe yahparũ payũ cami baina ti jipachũta cũiro Israe masũnore ne noariro wahachũ yoaeraha Eliseo cjiro. To ya yahpa macainare yoaeraparota Naaman wama tirirore Siria yahpa macariro dihtare noariro wahachũ yoaha tiro. ã yoaro Israe masare yoadohoeraro, Israe masũno jierariro sehere yoadohõha Cohamacũ —niha Jesu tinare.

28 To ã nichũ tũhoa jipihtina tí wũhũi jiina sua yũhdũa wahaha. 29 ã jia tina wahcãrũca, Jesure na wijaa, tí macã dũhtũ cahai jiri cũnũrũ tirore tjuroca boro duamaha. 30 Tĩ ã yoa duapachũta Jesu ti watoihã wahaa wahaha.

Watĩno to cohtotariro Jesure piti bocaaha

(Mr 1.21 -28)

31 Baharo Jesu Galilea yahpai jiri macarũ Capernaũ wama tiri macarũ sũ, Sabado jichũ masare buheha. 32 Tiro noano masi pahũoriro to buhechũ tũhoa masa tũho cũaa wahaha. 33 Tĩ wũhũi watĩno to cohtotariro jiro, õ sehe ni tuaro saũurucuha:

34 —Mũhũ Jesu Nazare macariro sãre caribõi tjia mũhũ. ¿Dohse yoai tai nijari sãre? ¿Mũhũ sãre butichũ yoai tai nijari? Yũhũ masija Cohamacũ macũno, ñaa marieriro mũ jiare —ni saũurucuha Jesure.

35 To ã nichu tũhoro Jesu tuhtiha watĩnore:

—Dihta mariaha. Wijaaha tirore —niha Jesu.

To ã niri baharo masũnore watĩno sehe yahpapũ doca caha sũ tunuchũ yoaro, tirore wijaaha. To ã yoari baharo tiro sehe noariro tjuaha. 36 Tói jiina jipihtina to ã wahachũ ñũ cãaa wahaha. ã jia ti basi õ sehe ni durucuha:

—¿Yaba baro buhea jijari ahri ã wahachũ yoaa? Cuenah. Tuario mehne pũhoro yoaro seheta ahriro watĩare dutira. ã jia to dutiro seheta tina masare wijaara —ni durucuha tina ti basi.

37 To ã yoachũ ñũa tí yahpapũ jipihtiorũ masa Jesu yoarire yahu siteha.

Jesu Simo Pedro marechonore noaricoro wahachũ yoaha

(Mt 8.14-15; Mr 1.29-31)

38 Judio masa ti buheri wũhũre wijaa, Simo ya wũhũpũ sãa sũha Jesu. Tói Simo marechono dohati, tuaro juaro tiha. ã jia tina ticoro to dohatichũ yahuha Jesure. 39 Ti ã yahuri baharo tiro ticoro cahai sũ, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju sũ, tinare chũare payoha.

Payũ dohatiinare noaina wahachũ yoaha Jesu

(Mt 8.16-17; Mr 1.32-34)

40 Sũ sãari baharo jipihtina masa tó cahai jiina dohatiinare Jesu cahapũ na sũha. Dohatiina payũ soro jia dohatiare cjuaha. ã jiro Jesu to wamomacari mehne tina bui ña payo, jipihtinare ti dohatiare noano yũhdũchũ yoaha. 41 Watĩa cũhũre Jesu to wijaa dutichũ tina wijaa waha, õ sehe ni saũurucuha:

—Mũhũ potocãta Cohamacũ macũno jira —niha tina Jesure.

Jesu Cohamacũ warocariro to Cristo to jichũ watĩa masiha. ã jiro Jesu tinare durucu dutieraha, “ ‘Cristo jira’, ni yahu siteri”, nino.

Galilea yahpai buheha Jesu

(Mr 1.35-39)

42 Bohrea mũja tachũ Jesu tí macai jiro waha, masa marienopũ sũha. To ã sũri baharo masa tirore maca, boca sũa õ sehe niha:

—Sã ya macai tjuaga. Wahai tjiga —nimaha tina Jesure.

43 Ti ã nipachuta tiro sehe õ sehe ni yũhtiha:

—Cohamacu masare puhtoro to noano suho jiare noaa buheare paye macaripu cũhure buhero cahmana yũhure. Cohamacu yũhure warocare tĩre yahuhtirore —niha Jesu tinare.

44 Ñ ni tuhsuro judio masa ya yahpa macaa wũhusei, judio masa ti buhea wũhusei tiro buhe tiniha.

Jesu to buheinare payu wahire bocachu yoaha

(Mt 4.18-22; Mr 1.16-20)

5 ¹ Pa nũmu Jesu Genesare wama tiri bucũpariro dũhtu caharu suha. Tói to jichu ñna payu masa Cohamacu yare tuho duaa tirore nũnu ti suha. Noano wahpa tarucu suha masa peri. ² Pũaria buso paduroi pahsaa busore Jesu ñna. Tĩ buso macaina wahi wajaina maja sũrucu, ti wañuyucũre cosaa niha. ³ Ñ jiro Jesu Simo yariaru samua wahaha. Samu tuhsu tia dohoriare dia dũhtu cahai coãriare siõ buhu dutiha. Tuhsu, dohoriaru duji, masare buheha. ⁴ Buhe tuhsu, Jesu Simore õ sehe niha:

—Dacho maca cureroi siõ wioga. Ñ jina mũhu mehne macaina mehne mũsa wañuyucũre doca ñoga wahi ñahana —niha Jesu.

⁵ To ã nichu tuhororo Simo Jesure õ sehe ni yũhtiha:

—Puhtoro, wahi maca bohreamahi sã micha ñamine. Bohreapanahta ne cũirocã wajãerahti sã. Ñ wajãerapanahta mu dutiro seheta doca ño ñnahtja —ni yũhtiha Simo.

⁶ Ñ ni tuhsu tina doca ñoha. Ñ ti doca ñochu ti wañuyucũre payu wahi sãaha. Payu ti sãachu wañuyucu tuhnna wahamaha. ⁷ Ñ wahachu ñna tina paria macainare tina mehne macainare pjirocaha:

—Mũsa cũhu yoadohona tagú sãre —ni pjirocaha Simo cũhu.

Tina ti ã yoadohori baharo pũria buso noano minipahro bocaha wahire. ⁸ Simo Pedro ã wahi payu ti sãachu ñno, Jesu panoi na tuhcuca caha su, tirore õ sehe ni yahuha:

—Yu puhtoro, mũhu mehne jiboriro jieraja yũhu. Ñariro jija yũhu. Ñ jicu mu cahai ji masieraja —niha Simo Pedro Jesure.

⁹ Tiro, jipihtina tiro mehne macaina cũhu payu wahi sãachu ñna, sũaa wahaha tina cũhu. ¹⁰ Pũaro Simo Pedro mehne macaina Zebedeo pohna Santiago to bahuro João mehne, tina

cũhũ ñũ cũaa wahaha. Ti ã cũachũ ñũno Jesu Pedrore õ sehe ni yahuha:

—Cũaecũ tjiga. Mipũre mũhũ wahire ñaha cahmachuriro mũ jiro seheta Cohamacũ yaina cjihtire pji cahmachuriro jiihca mũhũ —niha Jesu Simo Pedrore.

11 To ã niri baharo tina ti bũsore bũcũpariro dũhtũ cahapũ waja mo cũnoca, ti ya jipihtiare tõihta cũnoca, Jesu mehne wahaa wahaha.

Jesu camĩ barirore noariro wahachũ yoaha

(Mt 8.1-4; Mr 1.40-45)

12 ã yoa Jesu pa macai to jichũ camĩ bariro tirore piti bocaha. ã piti bocaro tiro Jesure ñũ, na tuhcuca caha sũ, õ sehe ni tuaro siniha:

—Pũhtoro, mũhũ yoa duacũ yũhũre noariro yoa masina mũhũ —ni siniha.

13 To ã niri baharo Jesu tirore ña payoro õ sehe niha:

—Tĩre yoa duaja. Mipũre noariro jiga mũhũ —niha.

To ã nichũta to camĩ bari cjiro yati mũaa wahaha. 14 ã jiro Jesu tirore õ sehe ni dutiha:

—Ahri yũ õ sehe yoirere painare yahui tjiga. Sacerdote cahai wahaga mipũre. ã jicũ mũ pjacũre noari pjacũ to waharire ñoga tirore. Cohamacũ dutia Moiserere to cũri to niriro seheta yoaga. ã yoacũ sacerdotere pũaro minichahcare waga noariro mũ waharire sacerdotearere ñoi tai —niha camĩ bariro cjirore.

15 “Yahui tjia”, to nipachũta jipihtiropũ masa tirore yahu site namoha. Ti ã yahu sitechũ tũhoa masa payũ tiro cahapũ sũha. Dohatiina noaina waha duaa, tina cũhũ tiro cahapũ sũha. 16 Ti ã sũpachũta Jesu masa marienopũ Cohamacũre sinino wahaha.

Jesu pjacũ bũharirore noariro wahachũ yoaha

(Mt 9.1-8; Mr 2.1-12)

17 Pa dachoi Jesu to buhechũ fariseo curua macaina, judio masare buheina cũhũ tõi dujiha. Tina jipihtina Galilea yahpai jia macari macaina, Judea yahpai jia macari macaina, Jerusalẽ macaina jiha. Ti ã jichũ ñũno Jesu Cohamacũ tuaa mehne dohatiinare noaina wahachũ yoaha. 18 Mahainacã mũaa pjacũ bũharirore to coãri cahsaro mehne yo wũa wihiha. ã jia tirore

Jesu cahai cū duaa, wuhupɛ yo sãa duamaha tina tirore. 19 ã sãa duapahta masa payɛ jichɛ tina tirore yo sãa masieraha. ã jia tirore wuhɛ buipɛ yo mɛjaha. Yo mɛja sɛ, mahanocã muji pahmare nawe, tí copai pjacɛ buharitore to coãri cahsaro mehnetã duhu boroha Jesu cahai jiina watoi. 20 “Jesu ahriore to dohatiare yuhduchɛ yoarohca”, ni tũhotuha tina. Ti ã ni tũhotuchɛ masino Jesu pjacɛ buharitore õ sehe ni yahuha:

—Coyeiro, mɛ ñaare yoari buhiri tiare yuhɛ cohã tuhsɛja
—niha Jesu tirore.

21 To ã nichɛ tũhoa fariseo curua macaina, judio masare buheina cũhɛ ti basi õ sehe ni tũhotumaha: “Ahriro ã ni durucuero tɛjijaro. Tiro masɛno mari yoaro sehe jiro, ñaare to yoari buhiri tiare cohã masierara. Cohamacɛ dihta masa ti ñaare yoari buhiri tiare cohã masina”, ni tũhotumaha tina.

22 Jesu ti ã ni tũhotuare masino, õ sehe niha:

—¿Dohse yoana ã ni tũhotujari mɛsa? 23 “Mɛ ñaa yoari buhiri tiare yuhɛ cohã tuhsɛja”, yɛ nichɛ, “Mahñoriro jira”, yuhɛre nina mɛsa noano masierapanahta. “Wahcãrucã wahaga”, yɛ nichɛ yɛ niri potocã jia jichɛ dóihta masinahca. 24 Yuhɛ masɛno Cohamacɛ warocariro ahri yahpai ti ñaare yoari buhiri tiare cohã masija yuhɛ. Masa ti ñaare yoari buhiri tiare cohãhtiro cjihtore cũre Cohamacɛ yuhɛre. Yɛ ã cohãrine mɛsa masihto sehe õ seheta yoa ñoihtja mɛsa ñũhti cjihtire
—niha Jesu.

ã ni tuhsɛ pjacɛ buharitore õ sehe niha:

—Mũhɛre niita nija. Wahcãrucaga. Mɛ coãri cahsarore na wahcãga mɛ ya wuhupɛ —niha tirore.

25 To ã nichɛ tũhorota jipihntina ti ñũrocaroi wahcãrucã, to coãri cahsarore na, to ya wuhupɛ tɛjaa wahaha. ã waharo tiro Cohamacɛre ño payoro, wahchea mehne noano durucuha. 26 To ã yoachɛ ñua masa sehe jipihntina cɛaa wahaha. Tina cɛaa waha, Cohamacɛre ño payoa, wahchea mehne noano durucuha:

—Michare soro jiare ñũhi sã —niha tina.

Jesu Levíre piha (Mt 9.9-13; Mr 2.13-17)

27 ã yoa tuhsɛ waha, Leví wama tirirore to dahrari tahtiapɛ jirirore boca sũha Jesu. Leví sehe puhtoã ya cjihtire masare wapa na cohtariro jiha. ã boca sũro tirore õ sehe niha:

—Yũhũ mehne macariro cjihto taga mũhũ —niha tiro Levíre.

28 To ã nichũ Leví sehe jipihtia to dahraare duhunoca, Jesu mehne wahaa wahaha.

29 Baharo Leví ya wũhũ bese nũmũ Jesure yoa payoro niha. Tóí payũ wapa na cohtaina, paina cũhũ Leví mehne dujiha.

30 Tina mehne Jesu cũhũ ti dujichũ ñũa mahainacã fariseo curua macaina, judio masare buheina mehne sua, Jesu buheinare õ sehe ni sinitu ñũha:

—¿Dohseana ñano yoaina, wapa na cohtaina mehne chũjari mũsa? —ni tuhtiha tina.

31 Ti ã nichũ tũhoro Jesu yũhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira.

32 ã jicũ ñaare yoainare yahui tai nihi yũhũ Cohamacũre cahma duticũ. Ti basi “Noaina jija sã”, ni tũhotuinare yahui tai nierahi yũhũ —niha Jesu.

Chũ duhuare Jesure sinituha paina

(Mt 9.14-17; Mr 2.18-22)

33 ã yoa mahainacã masa Jesure õ sehe ni sinitu ñũha:

—Joã buheina payũ tahari Cohamacũre ño payoa taa chũ duhura. ã yoaa, tina payũ tahari Cohamacũre sinina. Fariseo buheina cũhũ ti yoaro seheta yoara. Ti ã yoapachũta mũ buheina sehe Cohamacũre ño payoa taa chũ duhuerara. ¿Dohse yoa ã yoaerajari tina? —niha tina Jesure.

34 Ti ã nichũ Jesu to tũhotua mehne qiti dahre buhero taro tinare õ sehe ni yũhtiha:

—Õ sehe jira ti: Wamomaca dũhteropũ ti pjirocaina wamomaca dũhteriro mehne jia, chũ duhu masierara. Tó seheta yũ buheina cũhũ yũhũ mehne jia, chũ duhu masierara. Yũhũ wamomaca dũhteriro yoaro sehe jija. Wamomaca dũhteriro bese nũmũ to yoachũ tiro mehne macaina chũeraina jierara.

35 Yũ Rũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —niha Jesu.

36 Ранорũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne wahma suhtirore mahari cahsarocã tũhrẽ na, mũnano suhtirore sere õno cahmaerara. Mari ã sere õna wahma cahsarore tũhrẽ cohãna nija. Æ yoa wahma cahsaro mũnano suhtiro mehne cũno potori bajuerara. (Tó seheta mũna buhea wahma buhea mehne piti dahre buheraro cahmana.)

37 Æ yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tũhrẽnocahna. To tũhnũchũ se co cũhũ, wajuru cũhũ cohõa wahara. 38 Æ yoa se co wahma core wahma wajurupũ posaro cahmana. Mari ã yoachũ se co cohõera, wajuru cũhũ cohõerara. (Tó seheta wahma buhea mũna buhea mehne buhe moreraro cahmana.) 39 Mũna core masa ti sihniri baharo, wahma core cahmaerara tina. Õ sehe nia tire masa: “Mũna co wahma co bui curero noaa jira”, nia tire masa —niha Jesu tinare.

Sabado jichũ Jesu buheina trigo parorire paha yũhdũ wahcãha
(Mt 12.1-8; Mr 2.23-28)

6 1 Pa dacho Sabado jichũ Jesu cũhũ trigo wesepũ sũha. Tópũ sũ, to buheina sehe trigo parorire paha, tí pohcarire sahã site boro, tí yaparire chũ wahcãa niha. 2 Ti ã yoachũ ñna mahainacã fariseo curua macaina tinare õ sehe ni sinituha:

—¿Dohse yoana mũsa Sabado mari sori nãmũ to jipachũta dahrajari? Marine dutiare yũhdũrucana nina mũsa —niha fariseo curua macaina Jesure.

3-4 Ti ã nichũ tũhoro Jesu tinare yũhtiha, (“Yũ buheina yũhdũrucãa nierara”), nino taro:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. Æ chũro tó mehne macaina cũhũre tí pãore chũ dutiro waha. Tí pãore sacerdotea dihtare chũ dutira. Cohamacũ dutia tí pãore painare chũ dutierara. ¿Davi cjiro tíre to yoari cjirire buherari mũsa? (Tí pãore chũro Cohamacũre yũhdũrucaro nieraha. Michare ahri yaparire chũa yũ buheina cũhũ Cohamacũre yũhdũrucãa nierara.) 5 Yũhũ masũno Cohamacũ warocariro ahri dacho Sabado dachore masa ti yoahire yahurirota jicũ pũhtorota jija —niha Jesu.

Wamomaca bũhariro quti jira

(Mt 12.9-14; Mr 3.1-6)

6 Pa dacho Sabado jichũ Jesu judio masa ti buheri wũhũpũ sãa sũro, buheha masare. Tói wamomaca poto bũhũshe bũhariro jiha. 7 Mahainacã judio masare buheina, fariseo curua macaina cũhũ Jesure yahusã duamaha. “Sabado dachoi masũnore noariro wahachũ yoaboca Jesu” ni, ñũ nũnũ yahusã duamaha tina Jesure. 8 Jesu ti tũhotuare masino, bũharirore õ shehe niha:

—Wahcã sũrũcaga jipihtina ti ñũrocaroi —niha tirore.

To ã niri baharo bũhariro shehe wahcãrũcũ sũ, tói ducuha.

9 ã jiro Jesu tinare õ shehe ni sinituha:

—Mũsare sinituhtja: ¿Sabado jichũ yabare yoa dutijari Cohamacũ dutia? ¿Noaare yoachũ noaerajari? ¿O ñaare yoachũ sehere noajari, mũsa tũhotuchũ? Sabado jichũ masũnore masochũ noa nina. Sabado jichũ masũnore wajãchũ sehere noerara —niha Jesu tinare.

10 ã nino Jesu tinare ñũroca õ pahño, bũharirore õ shehe niha tjoa:

—Mũ wamomacare siõrocahga —niha tiro.

To ã nichũta bũhariro shehe siõroca, noari wamomaca wahaha. 11 To ã yoachũ ñũa tina Jesu mehne tuaro suaha.

ã suaa õ shehe niha:

—¿Dohse yoanahcari mari ahrirore? —niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

12 Tí dachorire Jesu tũcũpũ Cohamacũre sinino mũjaa wahaha. Tópũ jiro, ñamine Cohamacũ mehne durucu bohreaaha. 13 Bohrearopũ to buheinare to cahapũ pjirocaha. Pjiroca tuhsũ, tina mehne macainare doce waro to warocahtinare bese dapoha. 14-15 Ahrina jiha Jesu to bese daporina: Simo jiha. Simore Pedro ni pisuha Jesu shehe. Simo bahũro Andre, Santiago, João, Felipe, Bartolomé, Mateo, Toma, Santiago jiha. Santiago shehe Alfeo macũno jiha. ã jia Simo cananista ya curua macariro cjiro, 16 Juda Santiago macũno, Juda Iscariote tina jiha to bese daporina. Juda Iscariote shehe Jesure ñũ tuhtiinare ñohtiro jiha.

Jesu payu masare buheha

(Mt 4.23-25)

17 Ñ yoa Jesu to buheina mehne tãcu buipũ jirina duji taa, payu paina to buheina mehne duji wihirũca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma dũhtũ cahai jia macari macaina masa payu tiro cahapũ wihaha. 18 Tina Jesu buheare tũhoa taa, ti dohatiare cohãchũ cahmaha tina. Watĩa ti cohtotarina cũhũ tiro cahapũ wihi, noaina wahaha. 19 Jesu to tuua mehne noaina wahachũ yoaha tinare. Ñ jia tina jipihtina tirore dahra ñũa taha.

Jesu wahcheare, cahyaa cũhũre buheha

(Mt 5.1-12)

20 Baharo Jesu to buheinare ñũ, õ sehe ni yahuha:

—Mũsa pjacũoina, pũhtoro Cohamacũ to sũho jiropũ wahanahca mũsa. Ñ jina mũsa wahchenahca.

21 'Mipũre mũsa jũca baaina yapiina jinahca. Ñ jina wahchenahca.

'Mipũ tiina jina, baharo mũsa bujũnahca. Ñ yoa mũsa wahchenahca.

22 'Yũhũ masũno Cohamacũ to warocariro jija. Ñ jina yũ yare yoaina mũsa jiri buhiri paina mũsare ti ñũ tuhtipachũta wahcheina jira mũsa. Mũsare ti cohãpachũta wahchenahca. Mũsare ti ñano durucupachũta “Ñaina jira”, mũsare ti nipachũta mũsa sehe wahchenahca. 23 Mũsare ti ã yoachũ ñũno mũanopũ mũsa sũchũ pjiro noano yoarohca Cohamacũ mũsare. Ñ jina tuaro wahcheina jiga. Noano yajeripohna tiina jiga. Mũsare ñũ tuhtiina ti coyeyã panopũ macaina tó seheta ñano yoaha Cohamacũ yare yahu mũhtaina cjiri cũhũre.

24 'Ñ yoa mũsa mipũ payũ cjuaina ahri yahrapũ mũsa noano jinoca tuhsũre. Ñ jina ñano yũhdũina jinahca mũsa.

25 'Mipũ yapiina mũsa jũca banahca. Mũsa ã jina ñano yũhdũnahca.

'Mipũre mũsa bujũina jina baharopũ mũsa cahya, tiinahca. Ñ jina mũsa ñano yũhdũnahca.

26 ' “Cohamacũ yare yahu mũhtaina jija”, ni mahñoinare “Noaina jira”, nimaha payũ panopũ macaina. Ñ nimarina ti coyeyã mipũ macaina cũhũ ãta “Noaina jira”, niboca cãina

musa mehne macainare. Ti ã nimarina musa jina ñano yũhdũnahca musa cũhu —ni buheha Jesu.

Musare ñu tuhtiina ti jipachuta tina cũhure cahĩga

(Mt 5.38-48; 7.12)

27 Ñ yoa õ sehe ni buhe namoha Jesu:

—Yũhure tuho duainare, musareta nii nija. Musare ñu tuhtiina ti jipachuta tina cũhure cahĩga. Musare ñu tuhtiinare noano yoaga. 28 Musare “Ñano yũhdũjaro”, niina ti jipachuta noa dutiga tinare. Musare ñano yoaina ti jipachuta “Tina cũhu noano jijaro”, ni sini payoga Cohamacũre. 29 Cũiro musa wahsupure to cjãchũ, pa buhusehe cũhure cjã dutiga tirore. Musa bui macari suhtirore to machũ musa camisa cũhure ã wanocahga tirore. 30 Musare sinirirore to sinino purota waga tirore. Musa yare to nachũ tirore sinituena tjia pari turi tíre.

31 Paina musare ti noano yoachũ cahmana musa. Tinare musa noano yoachũ cahmano seheta musa cũhu noano yoaga tinare. Musare ti noano yoerapachuta musa sehe tinare noano yoaga.

32 Musare cahĩina dihtare musa cahĩchũ tí ne yaba cjihti jierara paina sehene musa cahĩerachũ. Ñaina cũhu tinare cahĩina dihtare cahĩna. 33 Ñ jina musare noano yoaina dihtare musa noano yoachũ tí cũhu ne yaba cjihti jierara paina sehene musa noano yoerachũ. Tíre ñaina cũhu yoaa tire. 34 Ñ yoa “Yũhure wiaa tire”, musa niina dihtare musa wasochũ ne tí yaba cjihti jierara. Ñaina cũhu painare “Yũhure wiaa tire”, ti niinare wasoa tire. 35 Ñ jina musa sehe musare ñu tuhtiina cũhure cahĩga. Ñ yoa, tinare noano yoaga. Pairore wasona “Yũhure ne wiasi ahriro”, ni tuhotuenata tirore wasoga.

Cohamacũ sehe tirore ji coaeraina cũhure, ñaina cũhure noano yoara. To yoaro seheta yoaga musa cũhu. Musa ã yoachũ Cohamacũ pjíro noano yoarohca musare. Musa ã yoana Cohamacũ tua yũhdũariro mũano macariro pohna jinahca.

36 Mari Pũcũ mũano macariro to pja ñũrigo seheta musa cũhu masare pja ñũga —ni yahuha Jesu.

Paina cũhure “Ñaina jira”, niena tjiga

(Mt 7.1-5)

37 Ñ yoa tinare õ sehe ni yahu namoha:

—Painare “Ñaina jira”, niena tjiga musa. Musa ã nierachũ Cohamacũ musa cũhure “Ñaina jira”, nisi. Paina musare ti

ñano yoarire ti ñano niri cūhure boga mūsa. Mūsa ã bochū ñño Cohamacū mūsa cūhure mūsa ñaa yuari buhirire borohca. 38 Paye barore cūana painare waga. Mūsa ã wachū Cohamacū mūsare warohca. Æ waro noano quihōno mūsare pjíro warohca. Wahpa yūhdūaro warohca. Painare mūsa wariro purota Cohamacū mūsa cūhure warohca —niha Jesu tinare.

39 Æ ni tuhsū Jesu quití mehne piti dahre buhero õ sehe ni yahu namoha:

—Capari ññeraina sahsero ti basi noano tuã wahcã masierara. Æ tuã wahcã, tina pūaro doca wahã sū bora sãa wahaahca coparū. (Tó sehetá Cohamacū yare masieraina painare buhe masierara. Æ jia tina jipihtina pichacapū wahaahca.)

40 Buheina tinare buherirore masi yūhdūrcæerara. Æ jipahta jipihtina buheina ti noano buhe pahñori baharo tinare buheriro yoaró sehetá jiaha —niha Jesu.

41 Æ ni tuhsū paye quití mehne yahu namoha:

—Mari piti dahre buhechū õ sehe yoaina jira mūsa: Mūsa coyeiro to capariacapū mahari pohcarocã to sãachū tí pohcarocãre noano ñña mūsa. Mūsa ya capariacare pjiri pjí to jipachūta tí pjíne ne ññerara mūsa. (Mahari pohcarocãre mūsa ñño sehetá mūsa coyeiro to ñano yoaa sehere noano ñña mūsa. Mūsa basi mūsa ñaare tuaro yoapanahta tíre masierara mūsa pjiri pjíne mūsa ññeraro sehetá.) ¿Dohse jiro baró Æ jijari mūsa? 42 Õ sehe niina yoaró sehe jira mūsa: “Coyeiro, mūhū ñaare yoai nica mūhū. Æ jicū tíre duhuga”, niina yoaró sehe jira mūsa. Æ niina jipanahta pjíro ñaare yoara mūsa sehe. ¿Dohseana mūsa ñaare yoapanahta tíre masierajari mūsa? Masa ti baharo buhūsehei ñano yoaa cohtaina jira mūsa Æ yoaina. Pjiri pjíne mūsa capariacai jiri pjíne mūsa na mūhtaboriro sehetá mūsa ñaa yoaa sehere duhu mūhtaga. Mūsa Æ yuari baharo mūsa coyeiro to ñano yoaa duhuchū yoaa masiboca mahari pohcarocãre mūsa naboro sehetá —ni buheha Jesu.

Masa ti durucuare tūhona ti jia tiare masija mari

(Mt 7.17-20; 12.34-35)

43 Æ yoaa piti dahre buhero õ sehe ni yahu namoha tinare:

—Noadū yucūcū ñaare dicha tierara. Æ yoaa ñadū noaare dicha tierara. 44 Yucūcū dichare masina tūre masina. Pota tidū higuera pocare dicha tierara. Æ yoaa agã potacū se tōhorine

dicha tierara. ⁴⁵ Tó seheta jira masa cūhū. Noariro to tūhotuapū noaa jira. Ā jiro tiro noaare yoara noadū to noano dicha tiro seheta. Ānariro to tūhotuapū ñaa jira. Ā jiro tiro ñaare yoara ñadū ñaare to dicha tiro seheta. Mari tūhotuapū marine ti jiro seheta durucuja mari —ni yahuha Jesu.

Pua wūhū yoaina quitire yahuha Jesu

(Mt 7.24-27)

⁴⁶ Ā yoa tinare ō sehe ni yahu namoha:

—Musa yūhūre “Pūhtoro”, nina. Ā nipanahta yū dutia sehere yoerara mūsa. ¿Dohse jiro baro ā yoajari? ⁴⁷ Jipihtina yūhūre cahmaina yū yahuare tūhora. Ā jia yū dutiare yūhdūrcāerara. Ō seheta jira yūhūre yūhdūrcāeraina: ⁴⁸ Wūhū dahreriro yoaro sehe jira tina. Tiro cūāa coparire tāa wapai to sūchūpū saha, wūhūre noano dapo dūcaha. Tí wūhū noano to yoari wūhū jiro dia to minichū tuaro to cotiāpachūta tí wūhū noano tjuaha. ⁴⁹ Ā jia yū dutiare tūhōpahta yūhdūrcāina sehe wūhūre noano yoerariro yoaro sehe jira. Tí wūhūre buicā dapo, noano dahre dūcaeraha. To ā cūri wūhū jiro dia minino to cotiāchū dóihta tí wūhū būrūa wahaha. Ā jiro tí wūhū tuaro bora sū cahaa wahaha —niha Jesu.

Surara pūhtoro cahamacūnore to dohatichū Jesu noariro wahachū yoaha tirore

(Mt 8.5-13)

7 ¹ Tí quitire masare yahu tuhsū Jesu cūhū Capernaupū sūha. ² Tóji jiroiro cien surara pūhtoro to cahamacūnore tuaro cahīha. To cahamacūno sehe dohatiriro jiro, yariaro cahariro jimaha. ³ Ā jiro Jesu to yoare tūhoro, judio masa būcūnare Jesu cahapū warocaha pūhtoro sehe.

—Dohatirirore noariro wahachū yoai taga —ni yahu dutiro warocaha pūhtoro būcūnare.

⁴ Tina Jesu cahapū sūa, ō sehe ni tuaro mehne yahuha tirore:

—Surara pūhtoro sāre warocahre. To cahamacūnore dohatirirore to yūhdūchū cahmahre tiro. Tiro pūhtoro sehe noariro jira. To ā jichū yoadohoga tirore. ⁵ Mari ya maca macainare tiro cahīna. Ā jiro tiro sā buheri wūhūre ti yoari wapa wapare —niha būcūna Jesure.

6 Ti ã ni yahuchũ tũhorõ Jesu sehe tina mehne wahaha. Surara pũhtoro ya wũhũ cahacãi to sũro cahachũ pũhtoro sehe tiro mehne macainare Jesure õ sehe ni yahu dutiro warocaha:

—Pũhtoro, noanohca. Tai tjiga. Noariro jieraja yũhũ. Ya wũhũi mũhũre sãa ta dutiboriro jieraja yũhũ. 7 ã jicũ mũ cahai wahaeraja. Yũ ã jipachũta mũ masia mehne noariro wahachũ yoaga mũhũ tirore. Mũ ã yoachũ yũ cahamacũno noariro waharohca. 8 Yũhũre yũ bui jiina paina pũhtoa dutira. ã jicũ yũhũ cũhũ surarare dutija. Cũirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũ cahamacũnore “Ahrire yoaga”, yũ nichũ tíre tiro yoara. (Mũhũ cũhũ dutirirotã jira. ã jiro mũ dutirirotã seheta tiro dohatirirotã yũhdũrohca) —ni yahu dutiha surara pũhtoro.

9 To ã nichũ tũho cũaa waharo, payũ masa tiro mehne jĩinare majarerũcũ sũ, õ sehe ni yahuha:

—Mũsare niita nija. Tiro surara pũhtoro Israe masũno jierariro Cohamacũre tuaro wacũ tuara. To cahamacũnore yũ noariro wahachũ yoachtire masi tuhsũra. Israe masare ne ahriro yoaro sehe jĩinare ñũerasinija —niha Jesu.

10 To ã niri baharo surara pũhtoro Jesu cahai to warocarina sehe ti pũhtoro ya wũhũrũ tjuaa wahaha. Tju sũ dohatirirotã to noariro jichũ ñũha tina.

Jesu wapewahyoro macũnore masoha

11 To ã yoari baharocã Nai wama tiri macarũ Jesu to buheina mehne payũ masa mehne wahaha. 12 Tĩ macare sãari sopaca cahai to sũchũ yariarirore masa na wijaa taa niha. Yariariro pocoro wapewahyoro jiha. Cũirota jirirotã yariaha. ã jia tó macaina masa payũ ticoro mehne wahaha. 13 To ã wahachũ ñũno Jesu ticorore pja ñũha.

—Tĩieco tjiga —niha Jesu ticorore.

14 ã nino yariariro to masa putihi ña payoha. To ã ña payochũ ñũa tí putire wũaina sehe sũrũcaha.

—Macũ, yũhũ mũhũre õ sehe nija. Wahcã nuju sũga —niha Jesu.

15 To ã niri baharo yariariro cjiro wahcã nuju sũ, durucuha. ã jiro Jesu tirore to pocorore waha. 16 To ã yoachũ ñũa tina jipihũtina cuia wahaha. ã jia tina Cohamacũre ño payoa, õ sehe niha:

—Cohamacu yare yahu mұhtariro masi yuħduariro mipu pinihtare mari watoi jira —niha tina.

—Cohamacu marine to yainare yoadohoro wihi tuhsuħre —niha paina.

17 Ā jia jipihitina Judea yahpa macainare tó dautu cahai jia macari macainare Jesu to yoarire masa yahu site pahñoħa.

João masare bautisariro to buheinare Jesure sinitu dutiha

(Mt 11.2-19)

18-19 Ā yoa Jesu to yoarire ñua Joãore yahuħa to buheina. Ā ti yahuchu tuħoro puarore tiro cahai pjiroca, Jesure sinitu dutiro warocaha Joã. Ō seħe ni sinitu dutiha:

—¿João “Yu baharo paio tarohca”, to niriro tjijari muħu? ¿To niriro mu jierachu paire cohtanahcari sā? —ni sinitu dutiha João puaro to buheinare.

20 Ā yoa tina Jesu cahai su, sinituha tirore:

—João masare bautisariro muħure sinitu dutiro warocahre sāre. ¿João “Yu baharo paio tarohca”, to niriro tjijari muħu? ¿To niriro mu jierachu paire cohtanahcari sā? —ni sinituha tina Jesure.

21 Tí pjata payu dohatiinare, watia ti cohtotainare, capari ñuerainare noaina wahachu yoaha Jesu. 22 Ā jiro João warocainare Jesu ō seħe ni yuhtiħa:

—Mipure musa ñurire musa tuħorire Joãore yahuna wahaga: Ō seħe niga: “Capari ñueraina ñuna. Tini masieraina tinina. Cami bucu baaina noaina wahara. Tuħo bocaeraina tuħoa wahara. Yariaina masaa wahara. Tina jipihitinare noaina wahachu yoahi yuħu. Ā yoa pjacuoinare noaa buheare yahuja. 23 Yuħure tuħoriro ‘Potocã tjira’, niriro tiro wahcheriro jira”, Joãore ni yahuna wahaga —niha Jesu.

24 João buheina ti wahari baharo Jesu seħe João to jia tiare yahu ducaha payu masare:

—Masa marienoru suna tjare wihnono to wãroca cohtotachu yoariro seħeta to buheare cohtota mujarirore ñuna suerare musa. Ā yoariro jierare João. 25 “Noa suhti tirirore ñuna wahajihna”, nierare musa masa marienoru wahana. Noaa suhti tiina wapa bujuare cjuaina puħtoa ya wuħusepu jira. Masa marienoru jierara. 26 Masa marienoru suna Cohamacu yare yahu mұhtarirore ñuna suħre musa. Potocã tjira. João Cohamacu yare yahu mұhtariro jira. Paina Cohamacu yare

yahu m̄h̄taina ȳh̄doro jiriro jira tiro. 27 Panop̄ Cohamac̄u yare ti joari p̄i Joãore ò sehe ni yahu joaa tiha:

“Mari P̄c̄u to mac̄nore ò sehe niha: ‘M̄ pano m̄h̄ure yahuyuh̄tirore warocai nija’, niha Cohamac̄u”,

ni yahu joaa tiha panop̄ure Joãore. 28 M̄sare potocã niita nija. Paina jipih̄tina bui jira Joã. Ahri turup̄ure to ã jipach̄ta m̄anop̄ure Cohamac̄u masare p̄h̄toro to noano s̄ho jipor̄ure jipih̄tina docap̄ jiriro pinihta Joã bui jira —niha Jesu masare.

29 To ã nich̄ t̄hoa jipih̄tina masa, p̄h̄toa ya cjihtire wapa na cohtaina mehne Joã to bautisarina jia ò sehe ni t̄hotuha Cohamac̄ure. “Cohamac̄u quih̄no yoariro jira”, ni t̄hotuha tina. 30 Fariseo curua macaina sehe judio masare buheina c̄h̄u Joã to bautisanohrina ji duaeraha. ã jia tinare Cohamac̄u to yaina to yoa duach̄ cahmaeraha.

31 ã yoa Jesu pari turi ò sehe ni yahuha:

—¿Mip̄ macaina masa yabaina yoaro sehe jijari tina, m̄sa t̄hotuch̄? 32 Tina macanacã yoaro sehe jira. Paina ti cahmano sehe ti yoerach̄ tó wahaerara tinacãre. Pache duarop̄ pape dujia, ò sehe ni pisurucura tinacã ti basi: “M̄sa basahti cjihtire sã putipemahi. ¿Dohseana m̄sa basaerari sã tíre putipech̄? Sã tuaro ñahacaha tiipe, sañurucumahi. ¿M̄sa sehe dohseana sã mehne tiiperari?” nirucuina yoaro seheta jira mip̄ macaina c̄h̄u. (Mip̄ macaina ti cahmano seheta sã yoerach̄ ñ̄a tó wahaerara tina c̄h̄ure.) 33 Joã bautisariro Cohamac̄ure ño payoro taro ne ch̄eraro, vinore sihnierare. To ã sihnierach̄ ñ̄na “Wat̄no to cohtotariro jira”, nimahre m̄sa tirore. 34 Ȳh̄u mas̄no Cohamac̄u warocariro jic̄, ȳh̄u ch̄ sihnija. Ȳ ã yoach̄ ñ̄na ò sehe nina m̄sa ȳh̄u sehene. “Ñ̄ga. Ahriro p̄j̄ro ch̄riro, cahariro jira. P̄h̄toa ya cjihtire wapa na cohtaina, ñ̄ano yoaina c̄h̄u ti piti tiriro jira ahriro”, nina m̄sa ȳh̄ure. ã nina macanacã yoaro sehe durucuina jira m̄sa. (M̄sa cahmano sehe sã yoerach̄ tó wahaerara m̄sare. Ne wahcherara m̄sa.) 35 ã masierapanah̄ta sã yoa ñ̄ore ñ̄na, Cohamac̄u yare sã masich̄ masinahca m̄sa —ni yahuha Jesu.

Simo wama tiriro fariseo curua macariro ya w̄h̄u jiha Jesu

36 Fariseo curua macariro to w̄h̄up̄ ch̄ dutiro p̄j̄ha Jesure. To ã p̄j̄ch̄ Jesu to ya w̄h̄up̄ s̄, ti ch̄ri mesa cahai nuju s̄ha. 37-38 Tí macap̄ure ñ̄aare ñ̄aare yoarucuricoro c̄j̄ro

jiha. Jesu fariseo curua macariro ya wuhurpa to dujichu ticoro tuhoha. A tuho tuhsu alabastro mehne yoariare me sitia posa tiriare na ta, Jesu baharo buhusehei wihi taruca, tiha. A tiro Jesu dahporire to yahco co mehne wayo, to pjoari mehne pahã cohãha. To dahpori wachu ñu ticoro to dahporire wihi, me sitia mehne pio payoha. ³⁹ To a yoachu ñuno fariseo curua macariro Jesure pjiriro to basi o sehe ni tuhutumaha: “Ahricoro tirore ñaha ñaricoro ñaare yoarucuricoro jira. Ahriro Jesu Cohamacu yare yahu muntariro jiro ture masiboa”, ni tuhutumaha. ⁴⁰ To a ni tuhutuare masino Jesu o sehe ni yahuha tirore:

—Simo mipa pinihtare mure yahu duaja —niha Jesu.

—Buheriro, yuhure dohse ni yahu duajari mure? —ni yuhtiha Simo.

⁴¹ To a nichu Jesu o sehe ni piti dahre buhe yuhtiha:

—Puhtorore puro wapamoina jiha. Curo wapamoriro quinientos ñeruru ture wapamoha. Pairo sehe cincuenta ñeruru ture wapamoha. ⁴² A jia tina ti wapamoare ti wapa bihoerachu ñuno puhtoro ti wapamoare wapa dutieraha. ¿Mipa pinihtare diro sehe wapamoriro sehe to puhtorore cahã yuhdohcari? —ni sinituha Jesu.

⁴³ Simo o sehe ni yuhtiha:

—Buah, pjiro wapamoriro mahanocã wapamoriro yuhdoro to puhtorore cahã yuhduboca —niha Simo.

—Potocã ni yuhtihre mure yuhure —niha Jesu.

⁴⁴ A ni tuhsu tirore pio payoricorore majare ñu, Jesu Simore o sehe ni yahu namoha:

—Ahricorore ñuga mure. Mu ya wuhurpa yu sãa wihiri baharo yu dahporire cosahti core yuhure waerare mure. Ahricoro sehe to yahco co mehne yu dahporire wayo, to pjoari mehne pahã cohãhre yuhure. ⁴⁵ Mure sehe yuhure piti boca wihmierare. Ahricoro sehe oi yu dujiro puro yu dahporire wihmihre. ⁴⁶ Mure sehe yu dapure se mehne pio payoerare. Ticoro sehe yu dahporire me sitia mehne pio payohre. ⁴⁷ A nicu mureta yahui nija. Ahricoro to ñaa yoari cjiri payubia jira. A jiricoro jiparota ticoro tuaro cahãhre yuhure. A jicu ñaare to yoari buhirire cohãhi. A jia ñaare ti yoari buhirire mahanocã yu cohãohrina mahanocã cahina yuhure —niha Jesu Simore.

48 Ñ ni tuhsu tiro ticorore õ sehe ni yahuha:

—Mipũ pinihtare ñaare mũ yoari buhirire boja —niha Jesu.

49 To ã nichu tũhoa Jesu mehne dujiina ti basi õ sehe ni durucuha:

—¿Dohse jiriro baro jijari ahriro ñaa buhirire boriro?

—niha tina ti basi.

50 Ñ ni tuhsu, Jesu numinore õ sehe ni yahuha:

—Yũhũre mũ wacũ tuachũ mũhũre pichacaru wahaboricorore yũhdoja. Cuiro marieno mũ wũhũru tjuaa wahaga —niha Jesu ticorore.

Numia Jesure yoadohoha

8 1 Baharo bujũa macaripũ daa macaricãpũ cũhũre sũ, Cohamacũ masare pũhtoro to noano sũho jiare noaa buheare yahuha Jesu. Doce to buheina sehe tiro mehne jiha. 2 Ñ yoa numia cũhũ watĩa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watĩare Jesu cohã wioha tó pano. Ñ jiro ticoro cũhũ Jesu mehne tiniha. 3 Cuza wama tiriro Herodere dahra cohtaina pũhtoro cjiro namono Juana cũhũ Jesu mehne tiniha. Susana wama tiricoro cũhũ paye numia mehne payũ ti cjũaa mehne tirore yoadohoha.

Jesu wesere toari masũno quitire yahuha

(Mt 13.1-9; Mr 4.1-9)

4 Ñ yoa payũ macari macaina Jesu cahapũ cahmachuha. Ti ã cahmachuri baharo Jesu to tũhotua mehne qiti dahre tinare õ sehe ni yahuha buhero taro:

5 —Toari masũno toaro, to toaa yaparire doca site cũno wahaha. To ã doca site cũ wahcãchũ paye yapari mahai bora caha sũha. Ti ã bora caha sũchũ paye yaparire masa tũ diho cũha. Ñ jia paye yaparire minichahca duji ta, chũnocaha. 6 Ñ yoa paye yapari sehe tãa wapa bui dihta se mininocã bui bora caha sũha. Tĩ yahpapũ co mariaha. Ñ jia tí yapari du wija tarucuma ñaia wahaha. 7 Paye yapari sehe tja watoi bora caha sũha. Tja sehe tí toaa mehne duha. Tja sehe dia yũhdũa waha, toaare wajãnocaha. 8 Paye yapari noari yahpai bora caha sũha. Noano dua jia noano dicha tiha. Ñ jia payũ dicha tiha —niha Jesu.

Ã ni tuhsu õ sehe tuaro ni namoha:

—Ahrire tuho duaina noano tuhoga musa —niha tiro.

Jesu quiti mehne to buherire yahuha

(Mt 13.10-17; Mr 4.10-12)

9 Baharo to buheina tí quitire masi duaa, Jesure õ sehe ni sinituha:

—¿Ahri quiti mehne dohse ni yahui nijari muhu? —ni sinituha tina.

10 Ti ã nichu Jesu õ sehe ni yuhtuha:

—Cohamacu masa bui puhtoro to noano suho jiare panoru paina ti masierari cjrيره musare masichu yoarohca Cohamacu. Paina sehere ã yoerara tiro. Tinare quiti mehmeta buheihija. Yu ã yoachu tina yu buheare tuhopahta masisi —niha Jesu to buheinare.

Jesu wesere toari masuno quitire yahu pahnoha

(Mt 13.18-23; Mr 4.13-20)

11 Ã ni tuhsu tinare õ sehe ni yahu namoha:

—Õ sehe ni yahura ahri quiti: Toaa yapari noaa buhea yoaro sehe jira. **12** Ã yoa maha daktu cahai bora ya yapari sehe noaa buhea yoaro sehe jira. Cãina masa noaa buheare ti tuhochu ñno wafino sehe ta, tí buheare masi dutierara masare, minichahca tí yaparire ti chu cohãno seheta yoaro. To ã yoerachu tina Cohamacure wacu tuaboa. Ti ã wacu tuachu ñno Cohamacu sehe tinare pichacapu wahaborinare yuhdoba. **13** Ã yoa tãa wapa bui dihta se mininocã bui bora ya yapari noaa buhea yoaro sehe jira. Ã jia masa noaa buheare tuho, wahchea mehne tíre tuho nenu wahcana. Ã tuho nenu pahta tãa wapa buicã jia yucu nuhcori mariea yucu yoaro seheta ahrina masa cuhu yoari pja cãno pjaerara. Ã cãno pjaeraa yu yare ti cahmari buhiri paina tinare ti ñano yoachu ñna yu yare duhunocahna. **14** Ã yoa tja watoi bora ya yapari noaa buhea yoaro sehe jira. Ã jia masa noaa buheare tuhopahta, ahri yahpa macaare wacu nenu yuhduara. Niñerure bujua cahma, paye baro cuhure payu cahma, tíre goa pja yuhduara tina. Ti ã yoachu tí sehe noaa buheare ducatarara. Ti ã ducatachu masa noaa sehere yoerara. Dicha maria yucu yoaro seheta jira. **15** Ã yoa noari yahpai bora ya yapari noaa buhea yoaro sehe jira. Ã jia masa noaa buheare tuho, noano mehne tí buheare yuhducaerara.

Ã jia yucꞥꞥu dica tiro seheta noaa buheare tũhoina sehe
Cohamacu to cahmano seheta noare yoara —niha Jesu.

Jesu sihãria quitire buheha

(Mr 4.21 -25)

16 Ã ni tuhsu paye qiti mehne piti dahre buheha tiro:

—Ne sihãriare ti sihãri baharo tiare dihi biato docai cũerara
masa. Ã yoa tiare coãri casario docai cũerara. Mũanopũ tiare
duhu payora wũhũpũ sãa taina ti noano ñũ sãahto sehe.

17 Jipihti ti masierari cjiire baharo masa masiahca. Sihãria to
buhriachũ mari ñũ masino seheta panopũ ti masierari cjiire
masiahca masa.

18 'Ã jina mũsa tũhona noano tũho nũnũga. Noano tũho
nũnũriro, noano masinohca. Tũho nũnũerariro “Mahanocã
tũhoja”, to nipachũta tí sehere boa waharohca —niha Jesu.

Jesu coyea tirore pjihã

(Mt 12.46-50; Mr 3.31-35)

19 Baharo Jesu bahana ti pocoro mehne tiro cahapũ wahaa
nimaha. Masa payũ jichũ to cahapũ sũeraha. 20 Ã jiro cũiro
Jesure õ sehe ni yahuha:

—Mũ poco mũ bahana mehne sopacapũ ducuhre. Mũhũre
ñũa taa niyuhti —niha tiro Jesure.

21 To ã nichũ Jesu õ sehe ni yahuha jipihtinare:

—Cohamacu ya buheare tũhoina, tíre yũhdũrũcaeraina
tinata yũ poco yũ bahana yoaro sehe jira —niha Jesu tinare.

Jesu wihnonore yũsu dutiha

(Mt 8.23-27; Mr 4.35-41)

22 Pa dachoi Jesu to buheina mehne dohoriapũ samu:

—Basa, pahãjihna —ni, tina jipihtina tia mehne
bũcũpariropũ pahãa wahaha.

23 Ã pahãno carĩa wahaha Jesu. Ti ã pahãrucuchũ waro
tuaro wihnono taha. Wihnono to tachũ bũjũa pahcõri wahcã,
tinare mionocamaha. Ã to wahachũ minihto cua yũhdũaha
tinare. 24 Ã wahachũ ñũa Jesu cahai waha, tirore wahcõha.

—Buheriro, mari mini yariana tana nijũ —niha tina.

Ti ã nichũ Jesu sehe wahcã, wihnonore “Tó purota wã
duhuga”, niha. Ã ninota pahcõri cũhũre “Yũsua wahaga”,
niha. To ã nichũta wihnono yũhdũa wahaha. Ã yoa pahcõri



cũhũ yũsũ boraah wahaha. ²⁵ ã wahari baharo Jesu tinare õ sehe niha:

—¿Mũsa yũhũre wacũ tuaerasinijari? —niha tiro.

To ã nichũ tina sehe cui, cũaa waha, ti basi õ sehe ni durucuha:

—Cue, ¿dohse jiro baro masũno jijari ahriro? Ahri wihnono, pahcõri cũhũ to dutichũ yũhdũrũcaerara tirore —niha tina ti basi.

Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

²⁶ ã yoa tina sie coapũ Gerasa macaina ya yahpapũ pahã sũha. Tĩ yahpa Galilea yahpa potoihta jiha. ²⁷ Tõi Jesu to maja sũrũcũ sũchũ waro tó macariro watĩa ti cohtotariro tiro cahapũ taha. Tiro yoari pja suhti marieriro jiro, to wũhũpũre ne jieraha. ã yoa masa copari tãa copari watoĩ jia tiha tiro. ²⁸⁻²⁹ ã jia payũ tahari watĩa tirore ñahaha. ã jiro tiro peresui to jichũ to wamomacarine dahporire comaa dari mehne dũhteriro jiparota, tiro tĩ darire nuha mũjaha. ã yoa watĩa sehe tirore masa marienopũ na wahcãa tiha. ã yoa tiro Jesure ñũroca õ tuaro saũrũcu, Jesu panoi na tuhcuca caha sũha. To ã yoachũ ñũno Jesu sehe tirore õ sehe ni dutiha:

—Watía, duhuga ahrirore —niha Jesu.

To ã nichu tuhoro watía ti cohtotariro tuaro sañurucu, ò sehe ni sinituha Jesure:

—Jesu, ¿Cohamacu Jipihina Bui Jiro macuno yabare yoai tai nijari muhu yuhure? Yuhure, ñano yoai tjiga —niha watía ti cohtotariro.

30 To ã nichu Jesu sehe ò sehe ni sinituha tirore:

—¿Yabariro wama tjari muhu? —niha.

Payu watía tiro mehne jiha. Ñ jiro ò sehe niha watía ti cohtotariro:

—Watía payu wama tija sã —ni yuhtiha watía ti cohtotariro tiro.

31 —Cuãri copapu sãre waha dutiecu tjiga —ni, tuaro siniha watía sehe.

32 Tí pjare tói tucu dahpotoi yesea payu chua niha. Ti tói chuchu ñua watía ò sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watía.

Ti ã sinichu tuhoro “Jai. Wahaga”, niha Jesu. **33** To ã dutichu, watía masuno mehne jirina cjiri sehe wahaa, yesea pjacuripu sãa wahaha. Ñ yoa tinare ti sãari baharo, yesea jipihina bucupariro duhtu cahapu pari cunupu muroca buha, tí taropu bora ñoja, mini yaria phtia wahaha.

34 Yeseare ñu wihboina yesea ti ã minichu ñua, cui, muroca wahaha. Ñ muroca wahcã pjiri macapu cuhure, daa macaricapu cuhure tíre ti ñurire yahu sitea wahaha. **35** Ti ã yahuchu tuhoa, masa sehe payu ti ã waharire ñua wahaha. Ñ jia Jesu cahai su, watía ti cohtotariro cjirore to suhti tirore, tuho masiriro to dujichu ñua tina. Tí jipihitiare ñua, tina cui niha. **36** Watía ti cohtotariro cjiro noariro to waharire ñuina, ti ñurire painare noano yahu pahñoa. **37** Tí pjata Gerasa yahpa macaina payu Jesure tuaro cuia, tirore pa sehepu waha dutiha. Ti ã waha dutichu Jesu dohoriapu samu, waharo taro niha. **38** Watía ti cohtotariro cjiro Jesu to wahahto pano tuaro siniha tirore:

—Muhu mehne waha duaja —ni sinimaha.

39 To ã nichuta Jesu tirore ò sehe ni yuhtiha:

—Mu ya macapu wahaga. Ñ wahacu Cohamacu muhu to yoirire yahuga painare —niha Jesu.

To ã niri baharo waha to ya macapɛ sũro watĩa ti cohtotariro cjiro sehe Jesu tirore to yoarire jipihtina to ya maca macainare yahuha.

**Jairo maconore yũhdũchũ yoa, cahã ñũricoro
cũhũre yũhdũchũ yoaha Jesu**

(Mt 9.18-26; Mr 5.21-43)

40 Pari turi Jesu tí bũcũpariropɛ pahã wahaha tjoa. To pahã tariropũta masa payũ tirore cohtaa niha. ã cohtaa, tirore piti bocasiniha wahchea mehne. 41-42 Tói judio masa buheri wũhũ pũhtoro Jairo wama tiriro Jesu cahai sũ, to dahpori cahai na tuhcuca caha sũha tirore ño payoro. To macono yariaro niha. Ticoro cũcorota jiricoro doce cũhmari cjuaricoro jiha. ã jiro tiro to ya wũhũpɛ Jesure pji wahcãha. “Jai” ni, tiro mehne wahaha Jesu cũhũ.

Mahai ti ã wahachũ payũbia masa tirore nũnũ ti wahcã, bihsaro sũrũcũ sũha tirore. 43 To ã bihsaro wahachũ numino doce cũhmari waro ã cahã ñũrucuricoro tói jiha. Tó pano duhturuare jipihtia to niñeru mehne wapamaha ticoro co wa dutiro. Ti ã co wapachũta mũnanota jirucunocaha ticoro. 44 ã jiro ticoro Jesu baharo masa payũ watoi wihi, Jesu suhtirore to ñaha ñũchũta to cahã ñũa pihtia wahaha. 45 To ã ñaha ñũchũ tũhoturo Jesu õ sehe ni sinituha:

—¿Noa yũ suhtirore ñaha ñũri? —niha tiro.

Jipihtina “Yoerahi”, niha. ã jia Pedro cũhũ õ sehe niha:

—Buheriro, bihsa nina. ã jia masa payũ mũhũre pihanocahna. ¿Dohseacũ ã ni sinitujari mũhũ? —niha tina Jesure.

46 Ti ã nichũ Jesu õ sehe ni yũhtiha:

—Michapucacã yũhũ noaricoro wahachũ yoahi cũcorore. ã jicũ yũhũre to ñaha ñũchũ masija —niha tiro.

47 To ã nichũ tũhoro ticoro duhti masieraro, teterericoro Jesu cahai na tuhcuca caha sũha tirore ño payoro. ã jiro jipihtina masa ti tũhoro to dohatiare, Jesure to ñaha ñũrire to noaricoro to waharire yahuha ticoro. 48 To ã ni yahu tuhsũchũ Jesu ticorore õ sehe ni yahuha:

—Maco, yũhũre mũ wacũ tuua mehne noaricoro tjuara mipũre. Wahchea mehne wahaga —niha ticorore.

49 To ã nino watoi Jairo ya wũhũi jiriro yahuro wihiha:

—Mɯ macocã yariaa wahahre. Ñ jicɯ buherirore pji tai tjiga —niha tiro.

50 To ã nichɯ tɯhoro, Jairore ò sehe ni yahuha Jesu:

—Cahya tɯhotui tjiga. Yɯhɯre wacũ tuaga. Tí dihtare yoaga. Mɯ ã yoachɯ ticorocã masaa waharohca —niha Jesu.

51 Ñ ni tuhsɯ to wɯhɯpɯ sɯ, Pedro, João, Santiago, dohatiricoro pɯcɯsuma tópeinata na sãaha. Paina sehere Jesu sãa dutieraha. 52 Tóí jipihtina masa ti ñahacaha tiiro watoi sãa sɯha Jesu.

—Tiiena tjiga. Ticorocã yariaerare. Carño nica —niha tiro.

53 To ã nichɯ tɯhoa tina sehe ticoro yariaricoro to jichɯ masia, Jesure bɯjɯha. “Ñ nimacanocano nina”, ni bɯjɯha.

54 Ñ yoa Jesu ticorocã wamomacare ñaha, ò sehe ni pisuha:

—Maharicorocã wahcãga —niha.

55 To ã nichɯta yariaricoro masaa waha, tí pjata wahcãrɯcɯ sɯha ticorocã. To wahcãri baharo Jesu ticorore chɯare wa dutiha. 56 To ã masachɯ ñɯa to pɯcɯsuma ñɯ cɯaa wahaha. Ñ jiro Jesu tíre painare yahu dutieraha.

Jesu doce to buheinare buhe dutiro warocaha

(Mt 10.5-15; Mr 6.7-13)

9 ¹ Ñ yoa Jesu doce to buheinare pjiroca, to tuaare waha tinare. Watíare ti cohãhti cjihtire, dohatiinare noaina ti yoahiti cjihtire to tuaare waha tinare. ² Ñ yoa tuhsɯ tinare Cohamacɯ masare pɯhtoro to noano sɯho jiare buhe dutiro, dohatiinare noaina wahachɯ yoa dutiro warocaha tinare.

³ Ñ sehe ni dutiha Jesu tinare:

—Mɯsa wahana paye barore naaena tjiga. Tjuadɯre, wajure, chɯare, niñerure naaena tjiga. Mɯsa sãano dihtare sãa wahcãga. Paye suhtire naaena tjiga. ⁴ Jipihtia macaripɯ mɯsare ti carño wachɯ tí wɯhɯihta jinocasiniga. Coã wahanapɯ wijaaaha tí wɯhɯre. ⁵ Paye macari macaina mɯsare ti cahmaerachɯ ñɯna tí macarine yɯhdɯ wahcãa wahaga. Ñ wahana mɯsa dahpori macaa dihta pohcari mene wajã site cūga mɯsa tinare ti ya buhirire masichɯ yoana —niha Jesu.

⁶ To ã niri baharo to buheina sehe waha, jipihtia macariperɯ noaa buheare yahu tinia tiha. Ñ yoa dohatiinare noaina wahachɯ yoaa tiha.

Jesu to yoarire Herode tũhoha

(Mt 14.1-12; Mr 6.14-29)

7 Ñ yoa Herode Galilea yahpa macaina pũhtoro Jesu yoarire tũhorocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. Ñ jiro ‘Jesu’, ti niriro tiro tjira”, nimaha cãina. Ti ã nichũ tũhoro Herode Jesure dohse ni masieraha. 8 Paina “Tiro Elia cjiro mipũ bajuaro nina”, nimaha. Paina sehe “Cohamacũ yare yahu mũhtaina panopũ macaina mehne macariro cjiro mipũ bajuaro nica”, nimaha Jesure. 9 Ti ã ni durucupachũta õ sehe ni tũhotuha Herode sehe: “João dapure dũte ta duti tuhsũhi yũhũ. ¿Mipũre jiri masa ti yahuriro diro baro jibocari tiro sehe?” ni tũhoturo tiro Jesure ñũ duamaha.

Jesu cinco mil bui masare chũa waha

(Mt 14.13-21; Mr 6.30-44; Jn 6.1-14)

10 Ñ yoa Jesu to warocarina tiro cahapũ tju sũa, ti yoarire yahuha Jesure. Ti yahu tuhsũchũ Jesu tina dihtare Betsaida wama tiri macapũ sũho wahamaha. 11 Ti waharire masia, masa payũ tinare nũnũ ti wahcãha. Jesure ti mũ sũchũ ñũno piti bocasiniha Jesu tinare. Ñ jiro tiro Cohamacũ masare pũhtoro to noano sũho jiare tinare yahu, dohatiinare noaina wahachũ yoaha.

12 Ñamichahapũ doce to buheina tiro cahapũ sũ, Jesure õ sehe ni yahuha:

—Õ masa marienopũ jira. Õ majano macaa macaripũ, daa macaricãpũ cũhũre ahrina masare warocaga. Carĩa ti chũhti cjihtire maca dutiga tinare —niha tina Jesure.

13-14 Ti ã nichũ Jesu õ sehe ni yũhtiha tinare:

—Ñ nienata chũare waga tinare —niha.

To ã nichũ tũhoa tina õ sehe ni yũhtiha:

—Cũ wamomaca pihtia pão curiri, pũaro wahi tó purocãta cjuaja mari. ¿Ahrina payũ masa ti chũhti cjihtire nuchũbocari sã? —niha to buheina.

Payũ masa ti jichũ ñũa ã niha to buheina. Tópũre cinco mil mũa jiha. (Numia, macanacã cũhũ jiha.) Ñ jiro Jesu õ sehe ni yahuha to buheinare:

—Cincuenta masare cũ curuai duji dutiga. Paye curuari cũhũre tópeinata duji dutiga —niha Jesu to buheinare.

15 To ã nichu to buheina to dutiro seheta yoa, jipihtina masare duji dutiha. 16 Duji duti tuhsu Jesu cũ wamomaca pihtia pão curirire pũaro wahi mehne na, mũanopũ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. 17 Ti ã witi tuhsũchũ, tina jipihtina masa chũ, yapi yũhdũa wahaha. Ti yapi wahyorire doce pũhũse waro wahpo dapoha to buheina.

**Jesu potocã Cristo to jiare Cohamacũ
warocariro to jiare yahuha Pedro**

(Mt 16.13-19; Mr 8.27-29)

18 Cũ dacho Jesu cũirota jiro, Cohamacũre sinino niha. To ã sinino watoi to buheina tiro cahapũ sũha. ã jiro Jesu õ sehe ni sinitu ñũha tinare:

—¿Diro baro jicari yũhũ masa yũhũre ti tũhotuchũ? —ni sinitu ñũha.

19 To ã sinituchũ tũhoa to buheina õ sehe ni yũhtiha:

—“João masare bautisariro jira”, nina mũhũre. Paina “Elia cjiro jira”, nina. Paina “Panopũ macariro Cohamacũ yare yahu mũhtariro cjiro masa wijariro cjiro jira”, nina mũhũre —ni yũhtiha to buheina sehe tire.

20 Ti ã niri baharo Jesu tinare õ sehe ni sinitu ñũha tjoa:

—¿Mũsa sehe mũsa tũhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ warocariro jira —ni yũhtiha Pedro.

Jesu to yariahto cjihtore yahuha

(Mt 16.20-28; Mr 8.30-9.1)

21 ã yoa Pedro “Cristo jira mũhũ”, to nirire painare Jesu yahu site dutieraha to buheinare. 22 ã ni yahu site dutiera tuhsũ õ sehe ni namoha:

—Yũhũ masũno Cohamacũ warocariro tuaro ñano yũhdũihca. ãta yũhdũro cahmana yũhũre. ã jia mari coyeya judio masare buheina, bũcũna, sacerdotea pũhtoa mehne yũhũre cahmaeraa, yũhũre wajãahca. Ti ã wajãri baharo tia dacho wahaboroi masa mũjaihca —niha Jesu tinare.

23 Baharo jipihtinare õ sehe ni yahuha Jesu:

—Cũiro yũ yairo ji duaro, to cahmano yoa duamarine duhunocanoahca. ã yoa crusapũ yũ ñano yũhdũhtiro seheta yũ

yairo to jiri buhiri ñano yũhdũparota yũhũre duhusi. Ñ jiro yũ yare yoarucuriro jirohca. ²⁴ Masũno yũhũre wacũno marieno to mũ sũro to cahmano seheta yoariro pichacaru tiro waharohca. Ñ jiro yũ yare ñ yoarucuriro jipihtia dachoripe yũhũ mehne mũanopũ jirucurohca. ²⁵ ¿Cũiro masũno ahri yahpa macaare jipihtiare cjuariro Cohamacũre cahmaeraro pichacaru waharo yabare wapatajari tiro? Ñ jiriro ne wapataerara. ²⁶ Cãina yũhũre, yũ buheare bũo tiboca. Ti ñ yoachũ ñũcũ yũhũ cũhũ yũhũre ñ yoinare bũo tisãaihca. Yũhũ masũno Cohamacũ warocariro noaina anjoa ti si sitea mehne, yũ si sitea mehne, yũ Pũcũ to si sitea mehne tjua tacũ tinare bũo tisãaihca. ²⁷ Potocã niita nija mũsare. Mipũre cãina mũsa õpũre jiina mũsa yariahto pano Cohamacũ jipihtina bui pũhtoro noano to sũho ji dũcachũ ñũnahca —niha Jesu tinare.

Jesu pjacũ cohtotaha

(Mt 17.1-8; Mr 9.2-8)

²⁸ Ñ yoa ocho dachori tíre to yahuri baharo Jesu Pedrore, Joãore, Santiagore tina dihtare pjiha. Ñ yoa waha, Cohamacũre sinia waha, tũcũpũ mũjaa wahaha tina. ²⁹ Cohamacũre to sinino watoi Jesu wũhdũna cohtotaha. To ñ cohtotachũ to suhtiro minoari suhtiro noano yehseri suhtiro wahaha. ³⁰ To ñ waharo watoi pũaro mũa tiro mehne durucua niha. Durucuina sehe Elia cjiro, Moise cjiro jiha. ³¹ Tina mũano macaa si sitea mehne bajuaha. Jesu baharocãta Jerusalẽpũ to yariahtore tina Jesu mehne durucua niha. ³² Pedro cũhũ wũjo caha yũhdũaha. Ñ carĩpahta cãa wahcã wihi Jesu to si siteare ñũa, pũaro tiro mehne ducuina cũhũre ñũa. ³³ Moise cjiro cũhũ ti wahahto panocã Pedro Jesure õ sehe nimaha:

—Pũhtoro, mari õre jichũ noa duara. Tia wũhũcã yoanahtja. Mũ ya wũhũcã, Moise ya wũhũcã, Elia ya wũhũcã yoanahtja —nimaha Pedro.

Ñ nĩparota to nirire ne masieraha. ³⁴ To ñ ni durucuro watoi tinare me curua duji boro pja sũha. To ñ duji boro pja sũchũ ñũa tina cuia wahaha. ³⁵ Tuhsũ, me curua puhicharu õ sehe ni durucuro coa taha:

—Ahriro yũ macũ, yũ beseriro jira. Noano tũhoga tirore —nino coa taha me curua puhicharu.

³⁶ To ñ nino coa tari baharo Jesu dihtare ñũa tina. Baharo ti ñũrĩre painare yahueraha. Ne cãĩrore yahueraha.

Jesu watĩno to cohtotarirocãre noariro wahachũ yoaha

(Mt 17.14-21; Mr 9.14-29)

37 Pa dachoi tina tũcũpũ ti duji tachũ payũ masa Jesure piti boca. 38 ã jiro tina mehne macariro Jesure õ sehe ni pisuha:

—Buheriro, mũhũre tuaro ahrire sini duaja yũhũ. Yũ macũ cũirota jira. ã jicũ tirore ñũbasaga mũhũ. 39 Watĩno tirore ñaha, sañurucuchũ yoa, tunu teterechũ yoa, sahpo tua wahachũ yoaa tihre. ã yoaro watĩno yũ macũre ñano yũhdũchũ yoa, ne duhu duaerara. 40 Mũ buheinare watĩnore cohã wio duticũ tuaro sinimahi. Yũ ã sinipachũta tina sehe tirore cohã wio masierare —niha tiro Jesure.

41 To ã nichũ Jesu sehe õ sehe niha:

—Mĩpũ macaina mũsa ñaina jira. ¿Yũhũre ne wacũ tuaeraputajari? Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? —ni tuhtiha Jesu.

ã ni tuhsũ watĩno ti cohtotariro pũcũrore õ sehe niha:

—Mũ macũre na tahga —niha.

42 To ã niri baharo to macũno Jesu cahapũ to taro watoi watĩno sehe tirore yahpapũ doca caha sũ, tunu teterechũ yoaha. To ã yoachũ Jesu watĩnore wijaa dutiha. To ã wijaa dutichũ watĩno sãarirocã noariro wahaha. ã jiro Jesu sehe tirocãre wiaha to pũcũrore. 43 Cohamacũ tuaa mehne noariro to wahachũ ñũa, jipihitina masa cũaa wahaha.

Pari turi Jesu to yariahtore, to masahtore yahuha

(Mt 17.22-23; Mr 9.30-32)

Masa Jesu to yoarire ti ñũ, cũaa wahachũ Jesu sehe to buheinare õ sehe ni yahuha:

44 —Michapucacã yũ yahuhtire boena tjiga mũsa. Yũhũre Cohamacũ to warocarirore paio yũhũre ñaha dutiro warohca masare —niha Jesu.

45 To ã nipachũta tina sehe to yahware noano tũho ñahaeraha. To yahurire tinare masihtõ basioeraha. Tĩ pjata Cohamacũ tinare tĩre tũho ñaha dutierasiniha. ã jia tina cuia, tĩre tirore sinitu ñũeraha.

Jesu buheina tina mehne macarirore puhtoro sō duamaha

(Mt 18.1-5; Mr 9.33-37)

46 Baharo Jesu buheina durucu sayoa niha:

—¿Mari mehne macariro diro sehe puhtoro ti cohtotacari?
—ni sayoa niha tina ti basi.

47 Ti ã nichu Jesu sehe ti tũhotuare masino, nijinocãre to cahai duhu dapo, to buheinare õ sehe ni yahuha:

48 —Yũ yare yoana tana ahrirocãre cahmana yũhu cũhũre cahmana mũsa. Æ yoa yũhũre cahmana, yũhũre warocariro cũhũre cahmana mũsa. Mũsa mehne macariro mũsa cahamacũno jiro tiro cũhu puhtoro tjirohca —niha Jesu.

Marine ñu tuhtiriro jieraro, mari mehne macariro jira

(Mr 9.38-40)

49 Baharo João Jesure õ sehe ni yahuha:

—Buheriro, mũ wama mehne wafiare cohãrironẽ sã ñũhi. Tiro mari mehne macariro to jierachu ñũna tíre tirore yoa dutiera tihĩ sã —niha João Jesure.

50 To ã nichu Jesu Joãoire paina buheina cũhũre õ sehe ni yahuha:

—Ã niena tjiga mũsa tirore. Marine ñu tuhtiriro jieraro, tiro mari mehne macariro jira —niha Jesu to buheinare.

Jesu Santiagore, João cũhũre tuhtiha

51 Tĩ pjare Jesu mũanopũ to wahahto panocã, “Jerusalẽpũ wahahtja”, niha tiro. Æ nino tõpũ waharo niha. 52 Æ jia Jesu to panoi warocaina waha, Samaria yahpa macari macapũ sũ, tõi Jesu to jiltore cahno duamaha. 53 Jesu Jerusalẽpũ waharo taro niha. Tõpũ wahahtiro to jichũ tũhoa, tõi macaina tirore cahmaeraha. 54 Tĩre tũhoa Santiago, João mehne õ sehe ni yahuha Jesure:

—Puhtoro, mũ cahmachũ mũano macari pichaca mehne tinare wajã dutinahca —niha tina tirore.

55 Ti ã nichu Jesu majare ñũ, tuhtiha tina puarore.

[—Espĩritu Santo yaina jira mũsa. Mĩpũ mũsa tũhoturo seheta tiro sehe tũhotuerara. Yũhu masũno Cohamacũ warocariro ahri yahparũ tacũ pichacapũ wahaborinare yoadohohtiro tai. Masare butichũ yoacũ tacũ nierahi —ni yahuha Jesu.]

56 Æ tuhti tuhsũ, pa macapũ Jesu cũhu waha waha.

Paina Jesu mehne wahamaha

(Mt 8.19-22)

57 Tina mahai ti wahachũ, masũno Jesure õ sehe ni yahuha:

—Mũhũ mehne waha duaja nohoi mũ waharoi —niha tiro.

58 To ã ni tũhsũchũ Jesu õ sehe ni yũhtihã:

—Cãina macaroca macaina wahiquina ti copari cjuara.

Minichahca cũhũ ti suhti cjuara. Yũhũ masũno Cohamacũ warocariro sehe yũ carĩri wũhũ maeraja —niha Jesu.

59 Baharo paioire Jesu pjiha:

—Yũhũ mehne macariro cjihto taga —niha.

To ã nichũ tiro õ sehe ni yũhtihã Jesure:

—Pũhtoro, yũ pũcũ to yariachũ yasinii wahihtja. ã ya tũhsũcũ pinihta mũhũ mehne wahihtja —niha tiro.

60 To ã nichũ Jesu õ sehe ni yahuha:

—Yũhũre cahmaeraina yariaina yoaro seheta jira. Tina sehe yariainare yajaro. ã jicũ mũhũ sehe Cohamacũ masare pũhtoro to noano sũho jiare noaa buheare buhei taga —niha Jesu tirore.

61 ã yoa paio Jesure õ sehe niha:

—Pũhtoro, mũhũ mehne wahihtja. Wahmanore yũ coyeare coha sitisini wahihtja —niha tiro Jesure.

62 To ã nichũ Jesu õ sehe ni yahuha tirore:

—Wachũ sahãri pjĩne tũã puriro mehne dahrariro noari dare saha duara. ã dahrariro to baharo bũhũsehere majare ñũno, noano potori da saha masierara. (Tó seheta Cohamacũ yare yoaro taro, dahrariro tó pano to jia tiare tuaro wacũboca tíre duhu duaeraro, dahrariro to majare ñũno seheta.) ã wacũriro Cohamacũ mari pũhtoro yare dahraboriro jierara —niha Jesu.

Jesu setenta y dos buheinare buhe dutiro warocaha

10 ¹ Baharo Jesu paina buheinare setenta y dos buheinare bese, macariperũ to wahahto pano warocayuha. Cãa macaripũre pũaro dihta warocaha tiro. ² ã warocarõ õ sehe ni yahuha tinare piti dahre buhero:

—Trigo payũ ti bũcũa tũhsũchũ payũ jichũ dahraa pjĩro jira. Wiho mejeta dahraina sehe mahainacã jira. Tó seheta noaa buheare tũhohtina payũ jichũ pjĩro jira mari dahraa. To ã jipachũta mahainacã dahrari masa yoaro seheta noaa buheare buhehtina cũhũ mahainacã jira. ã jina noaa buheare

buhehtinare painare to warocahtore siniga Cohamacure mûsa. 3 Wahaga mûsa. Mûsare yu warocachu mûsa oveja pohna yaya watoi ti jiro seheta mûsa cûhu ñaina suaina watoi jinahca. 4 Niñeru wajure, bujwawacûa waju cûhure, dahpo suhtire naaena tjiga. Mûsa mahai tinina painare boca sê durucuena tjiga. Poto wahaga. 5 Jipihtia mûsa sãa wuhusepu sãahna “Ahri wuhû macaina noano jijaro”, ni muhtaga. 6 Tí wuhû macaina noano mehne jiina cahmachea marieina ti jichû, tíre niga tinare. Noano mehne ti jierachû ñûna tí wuhû macainare ã niena tjiga. 7 Cû wuhûi sãa surucana ti noaina jichû ti wuhûihta tjuaga. Tóti ti duhu payorire chû, sihnituga. Dahrainare ti wapataare nano cahmana. Á jina ti wapataare ti nano seheta ti duhu payorire naga mûsa cûhu. Á jina cû wuhûihta mûsa suri wuhûihta jina, tí maca macaa wuhusepu ji tiniena tjiga. 8 Macapure mûsa suna tó macaina sehe mûsare ti cahmaina jichû ti chûa ti duhu payorire chûga. 9 Tó macaina dohatiinare noaina wahachû yoaga. Á jina õ sehe niga tinare: “Cohamacu mipure mari puhtoro noano to sũho jihtore yahuna nija mûsare”, niga tinare. 10 Pa macapu mûsa sũchû tina sehe mûsare cahmaeraboca. Ti ã cahmaerachû ñûna tí maca dacho macapu waha, õ sehe niga tinare. 11 “Ahri maca macaa dihta pohcari mene wajã site cûna nija sãre mûsa cahmaerari buhiri ñona. Á jina ahrire wacûga. Cohamacu mari puhtoro mipure to noano sũho jihtore yahuna nija mûsare”, niga tinare. 12 Mûsare potocã niita nija. Sodoma macaina ñabiaina jiha. Ti ã jipachuta pihtiri dacho jichû Cohamacu to buhiri dahreri dacho jichû Sodoma macaina yũhdoro mûsare cahmaeraina sehere buhiri dahrerohca —niha Jesu.

Paye macari macaina Cohamacure yũhdurucaina jira

(Mt 11.20-24)

13 Baharo Jesu õ sehe niha macari macainare:

—Corazĩ macaina, mûsa ñano yũhdunahca. Betsaida macaina, mûsa cûhu ñano yũhdunahca. Mûsa ya macaripure Cohamacu tuaa mehne yoa ñomahi. Tiro wama tiri macare, Sidõ wama tiri maca cûhure to tuaa mehne yu yoa ñochû ñua tó macaina sehe ti ñaare cahyaboa. Á yoa “Noaina jija”, ni ti tuhutumari cjirire tuhotu cohtotaboa. Dóihita tina duji, cahyaa suhtire sãa, ti basi niti pohcare ti bui dahra site payoboa ti ñaare cahyaare ñoa. 14 Cohamacu to buhiri dahreri dacho

jichu Tiro macaina, Sidõ macaina yuhdoro ñaa buhiri tiina musa jiri buhiri musare ñano waro buhiri dahrerohca tiro. 15 Capernau macaina, musa mu sũro mũanopũ waha duamana. Musa ã waha duapachuta musa ñaa buhiri tiina musa jiri buhiri musare Cohamacu pichacapũ cohãnohca —niha Jesu.

16 Ñ ni tuhsu Jesu to buheinare õ sehe ni yahuha:

—Musare tuhoina yuhu cũhure tuhora. Musare cahmaeraina, yuhu cũhure cahmaerara. Ñ jia yuhure cahmaeraina, tina yuhure warocariro cũhure cahmaerara —niha Jesu tinare.

Setenta y dos buheina tju wihaha

17 Baharo setenta y dos buheina wahchea mehne tju wihaha:

—Pũhoro, mu wama mehne mu tuaa mehne watĩare sã dutichu tina sehe sãre yuhdurũcaerare —niha tina Jesure.

18 Ti ã nichu Jesu õ sehe ni yũthiha tinare:

—Mũanopũ to oroca site bora taro seheta, watĩno to bora tachu ñũhi. 19 Noano tuhoga. Musare yu tuaare wahi yuhu. Ñ jina agãare, pichõno soroare, watĩnore marine ñu tuhtirirore musa yuhdurũcahtire wahi yuhu. Ñ jia tina musare ñano yoa masierara. 20 Yu ã wapachuta watĩa musare ti yuhdurũcaerachũ ñũna tí dihtare wahchena tjiga. Ahri sehene wahchega. Mũanopũ Cohamacu yaina ti wamare to joa õri tjui musa wamare to joa õchu ñũna, tí sehene wahchega musa —niha Jesu tinare.

Jesu wahcheha

(Mt 11.25-27; 13.16-17)

21 Tí pjare Espĩritu Santo Jesure tuaro wahchechu yoaha. Ñ jiro Jesu õ sehe niha:

—Mai, mũhu mũanopũ cũhure yahrapũ cũhure pũhoro jira. Masi yuhdurũcu sũinare mu yahuerari cjirire wiho jiina sehene yahure mũhu. Mu ã yoachu ñũcu “Noa yuhduara”, nija. Ñ tjira, Mai. Mu yoa duariro seheta, mu cahmariro seheta tinare mu yare yahure —niha Jesu.

Ñ ni tuhsu painare õ sehe niha:

22 —Yu Pũcu jipihtiare yuhure ware. Yu Pũcu dihta yuhure masina. Yuhu cũhu tirore masija. Yu beserina cũhu tirore masina, yu masi dutiina jia. Tõpeinata yu Pũcure masija sã —niha Jesu.

23 To ã niri baharo ti sahsero ti jichu Jesu to buheinare õ sehe niha:

—Ahri jipihtiare musa ñuna wahcheina jira. 24 Potocã tjira. Payu Cohamacu yare yahu mughtaina cjiri, yahpari macaina pũhtoã cũhu mipu musa ñurire ñu duamaha tina cũhu. ã jia musa tũhori cũhure tũho duamaha —niha Jesu.

Noariro Samaria macariro quitire yahuha Jesu

25 Tí pjata judio masare buheriro Jesu cahai wihi, Jesure ñano to durucuchu yoa duamaha tirore yhusã duaro:

—¿Buheriro, yũhu jipihtia dachoripe Cohamacu mehne ji duacu dohse yoahcari yũhu? —ni sinituha tiro Jesure.

26 To ã nichu Jesu õ sehe ni yũhtiha tirore:

—¿Dohse ni yahujari Cohamacu yare ti joari pũi? ¿Cohamacu to ni joari cjirire dohse ni tũhotujarita mũhu? —niha Jesu tirore.

27 To ã nichu tiro õ sehe ni yũhtiha:

—Õ sehe niha Cohamacu: “Tuaro musa yajeripohnari mehne, noano musa tuua mehne, musa wacũa mehne Cohamacure cahĩga. ã yoa mũ basi mũ cahĩno seheta mũ cahai jiina cũhure cahĩga” —niha tiro Jesure.

28 To ã nichu Jesu õ sehe ni yahuha:

—Quihõno nire mũhu. Tĩre yoaga. ã yoacu jipihtia dachoripe Cohamacu mehne jiihca mũhu —niha tirore.

29 “Ahriro Cohamacu dutiare yoa pahñoriro jira”, masa tirore ti ni tũhotuchu cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yũhure mũ cahĩ dutiriro? —niha tiro.

30 To ã nichu

Jesu õ sehe ni piti dahre quiti mehne yũhtiha:

—Cũ dacho Jerusalẽpu tariro Jericõpu wahariro mahai to tinichu yacaina tirore ñahaha. ã ñahaa, to suhtirore tjuwe na, tirore tuaro cjãha.



Ñ tuaro cjãa, mahano to yariaro cahachũ waro duhuha tina tirore. **31** Tí pjata sacerdote tí mahapũ taha. Ñ taro ti cjãriro cjirore ñũparota maha pa bũhũsehe dũhtũ cahai do yũhdũ wahcã, yũhdũa wahaha. **32** Ñ yoa Cohamacũ wũhũi dahrariro cũhũ pjacũoriro cahai sũ, tirore ñũ, maha pa bũhũsehe coai do yũhdũ wahcãa wahaha. **33** Ñ yoa Samaria macariro sehe tói waha, yoa cureropũ pjacũorirore ñũ, tirore pja ñũha. **34** Ñ pja ñũno, tiro pjacũoriro cahai sũ, se, vino mehne morea core to camine pio sihõha. Pio sihõ tuhsũ suhtiro cahsaro mehne dũhtehta to camine. Tuhsũ, pjacũorirore to burro bui duhu payo, carĩni wũhũpũ na sũha tirore. Tói jiro, Samaria macariro noano ñũ wihboha tirore. **35** Pa dachoi tiro carĩni wũhũ pũrore pũa tũ niñeru tũrire wa, õ sehe niha: “Ahriroro ñũ wihboga. Ahri mũ sũerachũ pari turi tjuwa tacũ wapa pahñoihtja”, niha Samaria macariro wũhũ pũrore —niha Jesu.

36 Ñ ni tuhsũ judio masare buherirore õ sehe ni sinituha Jesu:

—¿Ahrina tiaro mũa diro sehe jijari pjacũorirore cahĩriro?
 —niha Jesu.



37 To ã nichu tũhoro buheriro sehe Jesure õ sehe ni yũhtiha:
—Pjacũorirore yoadohoriro jica tirore cahĩro —niha tiro
Jesure.

—Wahaga. Mũhu cũhu masare tó seheta yoai wahaga
—niha Jesu buherirore.

Marta, María cũhu cahai Jesu tiniha

38 Æ yoa Jesu to buheina mehne ti wahachu, pa macaru ti
tinichu, Marta wama tiricoro tinare to wũhuĩ sãa ta dutiha.

39 To bahoro María to dahpori cahai duji, to buheare tũhoha.

40 To ã yoachu ñũno Marta to dahraa pjĩro jichu suaha. Æ jiro
ticoro Jesure õ sehe ni sinituha:

—Pũhtoro, ¿yũhu cũcoro yũ dahrachu yũhũre yũ baho to
yoadohoerachu mũhũre noajari, mũ ñũchu? Ticorore yũhũre
yoadoho dutiga —niha Marta Jesure.

41 To ã nichu Jesu õ sehe ni yũhtiha:

—Marta, dahraa pjĩro cjũaco pjĩro tũhotura mũhu.

42 Cohamacu to yare tũho dutira. María noare yoaro taro tíre
cahmahre. Æ jicu yũhũre to tũhochu “Dahradohoco wahaga”,
nieraja ticorore —niha Jesu Martare.

Jesu Cohamacure siniare buheha

(Mt 6.9-15; 7.7-11)

11 1 Cũ dacho Jesu Cohamacure sinino niha. To sini
tuhsũchu, cũiro to buheina mehne macariro tirore õ
sehe niha:

—Pũhtoro, João to buheinare to buheriro seheta
Cohamacure siniare sã cũhũre buhega mũhu —niha tiro
Jesure.

2 To ã nichu tũhoro Jesu tinare õ sehe ni yahuha:

—Õ sehe ni Cohamacure siniga:

“Sã Pũcu, mũhu ñaa marieriro ã jirucura.

Mĩpũre jipiltina bui pũhtoro jiga.

3 Æ yoa dachoripe sã chũhtire warucuga sãre.

4 Paina sãre ti ñano yoarire sã boja.

Æ jicu mũhu cũhu sã ñaa yoarire boga.

Tuhsũ, sã ñaare yoa duana sã goa pjachu ñũcu tíre
sãre yoa duaerachu yoaga”,

ni siniga Cohamacure —niha Jesu tinare.

5 Baharo Jesu qiti mehne to buheinare õ sehe ni buheha:

—Cũiro ñami dacho macai to coyeiro ya wũhũpũ waha, tireo õ sehe ni siniha: “Coyeiro tia curi pão curi waga yũhũre. 6 Pairo yũ coyeiro tinino tariro michapucacãta ya wũhũi wihihre. ã yoa tireo yũ chũa waboa mariahna”, niha tiro to coyeirore. 7 To ã nichũ to coyeiro wũhũ puhichapũ jiriro yũhtiha: “Yũhũre cariboi tjiga. Sopa pahma bihariro jira. Yũhũ yũ pohna mehne carĩna nija. Wahcãno pjaeraca yũhũre. Mũhũre chũare waboricũ jieraja”, niha to coyeiro. 8 ¿Dohse waharohcari sinirirore? Potocã niita nija mũsare. To coyeiro jiparota, chũa waboriro wahcã duaeraha. Wahcã duaeraparota chũa siniriro sehe bũo tiro marieno to yoari pja sinirucuchũ tũhoro jipihtia to siniriro sehetã warohca. 9 ã jicũ ahrire mũsare ni yahui nija: Cohamacũre siniga. ã sinina mũsa sinirire ñahanahca. Mũsa sinirire bocanahca. Tireo ã sinirucuga. Mũsa ã yoachũ tiro mũsare warohca. 10 Jipihtina Cohamacũre siniina ti sinirire naahca. ã yoa ti sinirire bocaahca. ã jiro jipihtina Cohamacũre ã sinirucuinare tiro tinare warohca.

11 ¿Mũsa pohna mũsare wahire ti sinichũ agã sehere wabocari mũsa tinare? 12 ¿Mũsa pohna caraca diecare ti sinichũ pichõno soro sehere wabocari mũsa tinare? Ne wasi. 13 Mũsa ñaina jipanahta mũsa pohmare noare wa masina mũsa. ã yoa Cohamacũ sehe mũsa wari yũhdoro noare wara mũsare. Tiro mari Pũcũ mũano macariro to Espĩritu Santore warohca tireo siniinare —niha Jesu to buheinare.

“Jesu watĩno tuaare cjuara”, ni yahusãha masa

(Mt 12.22-30; Mr 3.19-27)

14 Tĩ pjare Jesu watĩnore cohã wioro niha. Watĩno sehe durucu masierariro jichũ yoaha masũnore. ã jiro watĩno masũnore to duhuri baharo masũno sehe durucu dũcaha. To durucuchũ tũhoa masa payũ cũaa wahaha. 15 Ti ã cũapachũta paina sehe õ sehe niha:

—Ahriro Jesu watĩare to cohã wiochũ Beelzebũ wama tiriro watĩa pũhtoro sehe tireo yoadohora —niha paina.

16 Paina “¿Jesu Cohamacũ to warocariro jijari?” ni masi duaa tireo Cohamacũ tuaa mehne yoa ño dutimaha. 17 Ti ã dutichũ tũhoro “Watĩno tuaa mehne watĩare cohã wiora”, ni ti tũhotuare masino, tinare õ sehe ni yahuha Jesu:

—Watĩno ya tuaa mehne watĩare cohã wioi nieraja. Cũ maca macaina ti basi cahma wajãa, tí maca macaina yaria pihtia

wahara. Ñ jia cū wuhū macaina ti basi cahmachea, tí wuhū macaina waha pihtia wahara. **18** Ñ yoa watīno yaina watīa ti basi cahmachea, tina watīa cūhū waha pihtia wahaboa. Cū curua ji masieraboa. Mūsa yūhūre ò sehe nina. “Tiro watīno tuaa mehne watīare cohā wiora”, mūsa yūhūre nina nica. **19** ¿Yūhūre mūsa niri potocā jichū mūsa mehne macaina watīare cohā wioa, watīno tuaa mehnetā cohā wiojari tina cūhū, mūsa ñūchū? Mūsa mehne macaina watīare cohā wioa, watīno tuaa mehne cohā wioa nierara. Ahrire masina watīno to tuaa mehne watīare yū cohā wioerachū masinahca mūsa. **20** Ñ jicū yūhū sehe watīare cohā wioçū Cohamacū tuaa mehne cohā wioja. Ahrire masina, Cohamacū mūsa pūhtoro to noano sūho ji dūcaare masinahca mūsa.

21 Tuariro to wamoa mehne to wūhūre to ñū wihbochū to yare paina na masierara. **22** To ñ ñū wihbopachūta paio tua yūhdūriro tiro mehne cahmache, tirore yūhdūrūca, to wamoare manoca, to yare manocahna. (Ñ sehetā yoa yūhdūrūcaro cahmana watīare.) **23** Cūiro yūhūre cahmaeraro, yūhūre ñū tuhtiriro jira. Cūiro yūhūre yoadohoeraro yūhūre ñano yoaro nina —ni buheha Jesu.

Watīno pari turi masūnore to sāari quitire yahuha Jesu
(Mt 12.43-45)

24 Ñ yoa to tūhotua mehne ò sehe ni piti dahre buheha tinare:

—Watīno masūnore duhuro tiro co marieni yahpai tinino, to sohto cjihtore macamaha. Bocaeraro, ò sehe ni tūhotuha: “Masūno yū duhuriro mehne pari turi jii wahaihtja”, ni tūhotuha tiro. **25** Ñ nino tiro tjua waha, masūnore bocaha. Ñ to bocachū masūno sehe noariro jimaha. **26** Tuhsū, watīno paina siete watīare tiro bui ñaa yūhdūinare nano wahaha. Na wihi, tina jipihtina watīa masūno mehne jiha. Ñ jiro masūno sehe tó pano cūiro watīnore cūaro, ñariro jimaha. Mipū sehere payū watīa ti cohtotariro jiro, tó pano to jiriro yūhdoro ña yūhdūriro jiha —niha Jesu.

Jesu wahcheare yahuha

27 Tíre to ñ nichū masa watoi jiricoro numino Jesure ò sehe ni yahuha:

—Mũhũre pohna tiricoro, mũhũre pũricoro wahchericoro jira —niha Jesure.

28 To ã ni tuhsũchũ tũhoro Jesu ticorore ò sehe ni yũhtiha:

—Cohamacũ durucuarẽ tũhoina to dutiare yoaina tina tjica wahcheina —niha Jesu ticorore.

Masa ñaina Jesure Cohamacũ tuaa mehne yoa ño dutiha

(Mt 12.38-42; Mr 8.12)

29 Ñ yoa payũ masa Jesu cahai ti wihichũ, tiro tinare ò sehe ni yahu namoha:

—Mipũ macaina nu ñaina jira. Cohamacũ tuaa mehne yũ yoa ñochũ ñũ duamana. Ti ã ñũ duapachũta Jona panopũ macariro Cohamacũ tuaa mehne to yoari dihtare ñonohca Cohamacũ tinare. **30** Jona Cohamacũ yare yahu mũhtariro jiro, tiro Nínive macainare Cohamacũ yare to masichũ yoariro seheta yũhũ masũno Cohamacũ warocariro masichũ yoaja mipũ macainare. **31** Buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro. Ticoro Salomo panopũ macariro to masiare tũho duaro yoaropũ ahri yahpa pa seherũ jiricoro Salomore tũhoro taha. Ñ yoaro noano yoaro niha mipũ macaina yũhdoro. Ñ jiro ticoro yahusãnohca mipũ macainare. Ñ nicũ mũsare potocã niita nija. Mipũ mũsare yũ buhea Salomo to buheri yũhdoro jira. **32** Buhiri dahrehti dacho jichũ Nínive macaina cũhũ ducu, mipũ macainare “Ñaina jira”, ni yahusãahca tina. Jona tinare Cohamacũ yare to yahuchũ tũhoa, ti ñaare tũhotumarire tũhotu cohtota Cohamacũre cahmaha tina sehe. Ñ cahmaa noano yoaa niha mipũ macaina yũhdoro. Ñ jia tina cũhũ mipũ macainare “Ñaina jira”, ni yahusãahca. Mũsare potocã niita nija. Mipũ mũsare yũ buhea Jona to buheri yũhdoro jira —ni yahuha Jesu.

Masa ti tũhoturo seheta yoara

(Mt 5.15; 6.22-23)

33 Ñ ni yahu tuhsũ, piti dahre buhero ò sehe ni yahu namoha tinare:

—Masa sihãriare sihãa nũoerara. Tiare sihãa dihi biato docapũ duhu dapoerara. Tiare mũanoi duhu payora wũhũpũ sãa taina ti noano ñũ sãahto sehe. **34** Sihãria to noano buhriachũ mari noano ñũ masino seheta noaare tũhotua

mehne noaare yoa masinahca m̄sa. M̄sa t̄hoturo seheta yoara m̄sa. Noaare t̄hotuna noaare yoara m̄sa. Noaare t̄hotuerana ñaare yoara m̄sa. ³⁵ Ña jina noano yoaga. M̄sa t̄hotuap̄ ñaa jiero tjijaro. Ñaare goa pjaena tjiga. ³⁶ Tuhs̄ m̄sa t̄hotuap̄ noaa jich̄, ñaa ne mariach̄ noaa dihtare t̄hotunahca —ni buheha Jesu.

**Fariseo curua macaina, judio masare
buheina c̄h̄re Jesu tuhtiha**

(Mt 23.1-36; Mr 12.38-40; Lc 20.45-47)

³⁷ Jesu to buhe tuhs̄ch̄ ñ̄ fariseo curua macariro tirore to ya w̄h̄p̄ ch̄ dutiro pjiha. Ñ̄ jiro Jesu tiro ya w̄h̄p̄ s̄a s̄, ti ch̄roi tina mehne nuju s̄ha. ³⁸ To ã nuju s̄ch̄ fariseo curua macariro sehe Jesure ñ̄ n̄n̄no judio masa ti wamo cosarucuro seheta to wamo cosaerach̄ ñ̄no ò sehe ni t̄hotuha: “Cuenah. ¿Ahiro dohsearo wamo cosaerajari mari yoaro sehe?” ni t̄hotuha. ³⁹ To ã ni t̄hotuch̄ masino Jesu tirore ò sehe ni yahuha:

—M̄sa fariseo curua macaina sihnia wahwarire, wapari c̄h̄re bui sehe dihtare m̄sa cosaro seheta noaare yoa ñona m̄sa buicã warohna. Ñ̄ yoapanahca Cohamac̄ yare quih̄no yoerara. Paina yare maina jina, ñaa dihtare t̄hotura m̄sa. ⁴⁰ T̄ho masieraina jira m̄sa. Cohamac̄ m̄sa pjac̄r̄re yoariro m̄sa t̄hotuhti c̄h̄re yoaha. ¿T̄re masierajari m̄sa? ⁴¹ Ñ̄ jina m̄sa yare pjac̄oinare waga m̄sa. M̄sa ã yoana noaare t̄hotuina jinahca.

⁴² M̄sa fariseo curua macaina ñano ȳh̄d̄nahca. Moa yoaro sehe jiare ch̄are coach̄ yoare c̄jana mahanocã wamana m̄sa. Cohamac̄re ño payona tana sacerdoteara wamana m̄sa. Ñ̄ wapanahta noaare yoerara m̄sa. Ñ̄ jina masare pja ñ̄erara m̄sa. Ñ̄ yoa Cohamac̄re ño payoerara m̄sa. Toaa dichacãre m̄sa narire mahanocã Cohamac̄re m̄sa wach̄ noa nina. Ñ̄ wana ò sehe yoa namoga: Noaare yoaga. Ñ̄ yoa pja ñ̄ga m̄sa masare. Tuhs̄, Cohamac̄re ño payoga m̄sa.

⁴³ M̄sa fariseo curua macaina ñano ȳh̄d̄nahca. Buheri w̄h̄p̄ jina, noaa dujia dihtare duji duara m̄sa. Pache duarop̄ masa m̄sare p̄htoare noano ño payo ti sinino sehe ti piti bocasinich̄ cahmana m̄sa.

44 'Ñano yũhdũnahca m̄sa. Masa copa n̄ori copa yoaro seheta jira m̄sa. Tí copa cahai masa jia, puhicha macariro baarirore ñ̄erara tina. Tó seheta masa m̄sa cahai jia, m̄sa tũhotuap̄ ñ̄aa jiare masierara tina —niha Jesu tinare.

45 To ã nich̄a tũhoro judio masare buheina mehne macariro Jesure õ sehe ni yahuha:

—Buheriro, tíre nic̄a s̄ã cũh̄ere ñ̄ano nii nica m̄h̄a —niha tiro Jesure.

46 To ã nich̄a Jesu õ sehe ni yũhtiha:

—Potocã tjira. Judio masare buheina m̄sa cũh̄u ñ̄ano yũhdũnahca. M̄sa painare ti bihoeraare yoa dutira tinare. Æ dutipanahta m̄sa sehe tinare ne mahanocã yoadohoerara tí dutiare ti yoah̄to sehe.

47 'Æ jina m̄sa ñ̄ano yũhdũnahca. Cohamac̄u yare yahu m̄htaina panop̄ macaina ti masa coparire noano cahnomana m̄sa tinare ñ̄o payoro sehe yoana. M̄sa ã yoapach̄ta panop̄ macaina m̄sa coyea sehe tinare wajãha. 48 Tina sehe Cohamac̄u yare yahu m̄htaina cjirire ti wajãriro seheta m̄sa cũh̄u yoaboa. Æ jina mip̄re ti masa coparire cahnomana m̄sa. Æ cahnona m̄sa coyea tinare ti wajãri cjirire wacũ bajuro wana nica m̄sa. Æ ti wajãr̄ire wacũna “Noa nina”, nina nica m̄sa.

49 'Cohamac̄u to masia mehne õ sehe ni yahuha: “Ȳu yare yahu m̄htaina cũh̄ere ȳu buhe duti c̄irina cũh̄ere warocaiht̄ja tinare. Æ jia tina ȳu warocainare painare wajã, painare ñ̄ano yoaaahca”, niha Cohamac̄u. 50-51 Ahri yahpare Cohamac̄u to bajuamehneri baharo Caĩ sehe Abere wajãha. Tuhs̄u, Cohamac̄u yare yahu m̄htaina cjirire Abe baharo jiina cũh̄ere ñ̄aina wajãha. Baharo Zacariare Cohamac̄u w̄h̄ui Cohamac̄ure ñ̄o payori mesa cahai m̄sa coyeata wajãha. Jipihtina tinare ti wajãri buhiri mip̄ macainare Cohamac̄u buhiri dahrerohca. Æ tjira. M̄sareta nii nija. Jipihtina tinare ti wajãri buhirire mip̄ macainare Cohamac̄u buhiri dahrerohca.

52 'M̄sa judio masare buheina, ñ̄ano yũhdũnahca. Cohamac̄u masiare ti joaa p̄irine cj̄apanah̄ta painare yahuerara m̄sa. M̄sa basi Cohamac̄u yare tũhoerara. Tuhs̄u, paina to yare ti tũho duapach̄ta tíre m̄sa tinare tũho dutierara —niha Jesu tinare.

53-54 To ã nich̄u tũhoa judio masare buheina fariseo curua macaina cũh̄u tiro mehne sua tirore ñ̄ano ni durucuha. Æ jia

Jesu to ñano ni yũhtichũ tũho duaa, tina payũ mahño cũ sinitu ñũmaha tireore, tireore yahusã duaa.

Fariseo curua macaina ti ã mahñorucurire Jesu yahuha

12 ¹ Ñ yoa Jesu cahai masa payũ cahmachua, bihsa yũhdũaha. Tói Jesu to buheinare õ sehe ni yahu dũcaha:

—Noano wacũ masiga mũsa. Fariseo curua macaina ti pão bũcũarore ñũna noano wacũ masiga. Ti mahñorucurire nii nija “Pão bũcũaro”, nicũ. ² Jipihtia ñaare paina ti masierari cjrيره baharo masiahca. ³ Ñ yoa ñamipũre ti pjiroca durucuri cjrيره buhriaroi to bajuro waro seheta masiahca jipihtina. Bihari tahtiapũ paireore yaroca ti nimari cjrيره masa payũ masiahca —ni yahuha Jesu.

Masa ti cuihtirore yahuha Jesu

(Mt 10.28-31)

⁴ Ñ ni tuhsũ Jesu õ sehe ni yahu namoha tinare:

—Potocã niita nija mũsare. Masa wajãina wajã tuhsũ pari turi ti wajãrina cjrيره ñano yoa namo masierara. Ñ jina mũsare wajã duainare cuiena tjiga. ⁵ Mipũre mũsa cuihtirore mũsa ño payohtirore yahuihtja. Cohamacũ sehere cui, ño payoga. Tiro mũsa yariari baharo pichacapũ cohã masina mũsare. Ñ tjira. Potocã nii nija. Cohamacũ sehere cui, ño payoga.

⁶ Cũirocãre Cohamacũ ne boerara. ⁷ Ñ yoa mũsa pjoarire ne cũ pjoa da dũhsaro marieno masi pahñona Cohamacũ. Tó seheta mũsa jia tia cũhũre masi pahñona Cohamacũ. Ñ masino mũsare ñũ wihborucura. Siripiare to cahĩno yũhgoro mũsa sehere cahĩna Cohamacũ. Ñ jina tireore ño payona cuiena tjiga mũsa —niha Jesu.

Jesu yaina mũsa jiare yahuga masare

(Mt 10.32-33; 12.32; 10.19-20)

⁸ Ñ yoa Jesu õ sehe ni yahu namoha:

—Mũsare niita nija. Cũiro “Jesu yairo jija”, masare to nichũ ñũcũ, yũhũ masũno Cohamacũ warocariro “Tiro yũ yairo jira”, ni yahuihtja Cohamacũ yaina anjoare. ⁹ Cũiro “Jesu yairo jija”, masare nierariro sehere yũhũ “Tiro yũ yairo jierara”, ni yahuihtja Cohamacũ yaina anjoare.

10 'Cũiro yũhũre ñano to ni durucuchũ tí ñaa buhirire Cohamacũ bo masina. Ā boparota cũiro Espĩritu Santo sehere to ñano ni durucuchũ tí ñaa buhirire ne Cohamacũ bosi.

11 'Mari judio masa buheri wũhũpũ pũtoa cahai paina mũsare na sãa yahusãahca. Ti ã yahusãchũ mũsa ni dũcatahti cjihtire “Cue, masieraboca”, ni tũhotuena tjiga. 12 Tĩ pjaihta Espĩritu Santo mũsa yahuhti cjihtire yahurohca —niha Jesu.

Pache pũro quitire yahuha Jesu

13 Ā yoa masa mehne macariro Jesure õ sehe ni yahuha:
—Buheriro, sã pũcũ to yariari baharo to ya cjiri sãre tjuara. Ā jicũ yũ wahmine tíre yũhũ cũhũre quihõno tju wa dutiga —niha tiro Jesure.

14 To ã nichũ Jesu õ sehe ni yũhtiha:

—Ne tí barore tju waboricũ jieraja yũhũ —niha Jesu tirore.

15 Ā ni tuhsũ Jesu jipihtinare õ sehe ni yahuha:

—Noano yoaga mũsa. Pachere, paye baro cũhũre cahĩena tjiga. Payũ cjuapanahca tí mehneta wahche tuhsũeraja mari —niha Jesu.

16 Ā ni tuhsũ Jesu quiti mehne õ sehe ni yahuha tinare:

—Pache pũro noari yahpare cjuaha. Ā jia tí yahpũpũ to toaa noano dicha tiha. 17 Ā jiro tiro to basi õ sehe ni tũhotumaha: “Dicha wihboa wũhũse ne mũ sũerara. 18 Mipũre õ sehe yoaihtja: Mipũ yũ wihboa wũhũsere cohãnoca, mũna wũhũse cjiri yũhũdoro wahma wũhũse yoaihtja. Tĩ wũhũsei yũ toaa dichare, jipihtiare yũ yare wihboihtja. 19 Yũ ã yoari baharo, õ sehe ni tũhotuihtja yũ basi: ‘Yũhũ jiape cjuariro jija. Noano soihtja. Ā jicũ chũ, sihni, wahcheihtja’, ni tũhotuihtja yũ basi”, ni tũhotumaha tiro. 20 To ã ni tũhotuchũ Cohamacũ tirore õ sehe ni yahuha: “Mũhũ ne tũho masierariro jira. Micha ñamiihta mũhũ yariaihca. Mũ ã wahachũ mũ ya mũ cahĩri butia wahaahca”, niha Cohamacũ tirore —niha Jesu masare.

21 Tĩre nino, masare õ sehe ni yahuha Jesu:

—Āta wahaahca pache pũa Cohamacũre wacũeraina. Payũ pachere, niñerure to ya cjihti dihtare wihboriro, Cohamacũre wacũeraro tiro pjacũoriro jirohca, Cohamacũ to ñũchũ. Ā jiro Cohamacũ tirore ñũ jicoaerara —niha Jesu.

Cohamacu to pohñare ñu wihbora

(Mt 6.25-34)

22 Ñ yoa Jesu to buheinare õ sehe ni yahuha:

—Ahñire mäsare nii nija: Mäsa chuhti cjihtire, mäsa suhti säahtire pjíro cahya tñhotuena tjiga. 23 Cohamacu mäsare bajuamehñeno, chuhtina cjihti dihtare yoeraha mäsare. Tuhsu, suhti säahtina cjihti dihtare yoeraha tiro mäsare.

24 Minichahca perire Cohamacu to ñu wihboare masiga. Tina weseri maeraina jira. Ñ jia chüare ti wihboa wñhuse tinare mariahna. Ti ñ jiina jichu ñño tinare Cohamacu ti chuhtire wara. Minichahca yñdoro mäsa sehere cahña Cohamacu.

25 Pjíro mäsa tñhotua mehne cñ hora waro mäsare cati namochu yoa masierara mäsa. Ñ jiro mäsa pjíro tñhotua yaba cjihti jierara. 26 ¿Ñ yoa pjíro mäsa tñhotua ti yaba cjihti jierapachuta dohse yoana mäsa chuhtire, mäsa sihñihtire, mäsa säahtire pjíro cahya tñhotujari?

27 Macaroca macaa cohore tñhotuga. Tí cohori ti basi suhtire yoerara. Ñ yoerapahta noaa suhti tiina yoaro sehe noaa bajura tí cohori. Salomo cjiro noaa suhtire säariro to jipachuta tí cohori sehe tiro yñdoro noabiaa cohori waro jira.

28 Cohore noaa cohori yoara Cohamacu sehe. To ñ yoapachuta cohori sehe mahaa dachoricã jirucuma ñai boraahara.

Mahanocã ji, pa dachoi pichacapu jñu wahara. Ti ñ jipachuta cohore noaa cohori jichu yoara Cohamacu. Ñ jiro Cohamacu cohore to noaa cohori to yoariro yñdoro mäsa cñhure noano yoarohca. Suhtire warohca. Mahanocã Cohamacure wacñ tuara mäsa.

29 Ñ jina mäsa chuhtire, mäsa sihñihtire pjíro cahya tñhotuena tjiga. 30 Cohamacure cahmaeraina sehe ahñi yahpa macaina sehe tíre ñ macarucua nina. Mari Pñcu mñano macariro jipihtia mäsa cahmaare masina. To ñ masichu pjíro cahya tñhotuena tjiga. 31 Cohamacu mäsa pñhtoro to jihto cjihtore cahma mñhtaga. Jipihtia paye baro yñdoro tireore cahmaga mäsa. Mäsa ñ yoari baharo Cohamacu sehe mäsa cahmaa dñhsachu warohca —ni yahu namoha Jesu.

Mñaporu mari payu cñu masija

(Mt 6.19-21)

32 Ñ ni tuhsu, tinare õ sehe ni yahu namoha:

—Yũ cahĩina, mahainacã jipanahta, cuiena t̃jiga m̃sa. Cohamacũ m̃sa p̃htoro to noano sũho jirop̃re tiro mehne m̃sa jichũ cahmana tiro. ³³ ã jina m̃sa yare dua pah̃oga. Tĩre duanoca tí niñerure na, p̃jacuoinare waga. Tó sehe m̃sa yoachũ m̃ano macaa m̃sa wapataa ne pihtisi. M̃sanop̃ũ m̃sa ya jia ne pihtierara. Tó̃p̃re m̃sa yare na masierara yacariro. ã yoa machũ cũhũ tíre t̃ua masierara. ³⁴ M̃sanop̃ũ m̃sa ya jichũ m̃ano macaa dihtare t̃hotunahca m̃sa —niha Jesu.

Jesu to t̃jua tahtore cohta dutiha to yainare

35-36 ã ni tuhsũ tinare õ sehe ni yahu namoha:

—M̃sa yare cahnoyu tuhsũina yoaro sehe yũ yare ã yoarucuina jina cohtaga yũh̃re. Dahra cohtaina ti p̃htoro wamomaca d̃hteri bose ñm̃p̃ũ to wahachũ to t̃jua tahtore tina cohtara. Tina ti ã cohtariro seheta yũ t̃jua tahtore cohtaga m̃sa cũhũ. P̃htoro to w̃h̃p̃ũ wihi, sopacare to dotachũ t̃hoa tina d̃ihta p̃jõ s̃hna tire. ³⁷ Dahra cohtaina ti p̃htoro to wihihũ to cahmano seheta yoarucuina jia, wahcheina jiahca. Ti ã yoachũ ñ̃no p̃htoro sehe dahra cohtariro yoaro sehe cohtotarohca. ã yoaro dahra cohtainare duji dutiro, tiro ti ch̃are duhu payorohca. ³⁸ Tiro to wihihti p̃ja ñ̃ami dacho macap̃ũ, o bohrearop̃ũ to jipach̃ta dahra cohtaina sehe to wihihti p̃jare tire noano cohtaina jia, wahcheina jiahca tina. ³⁹ Ahrire wacũga m̃sa. Yacariro w̃h̃p̃ũ to wihihto pano tí w̃hũ p̃ro masierara. W̃hũ p̃ro yacariro to wihihtore masino, tiro yacarirore s̃ã dutieraboa. ã jiro wacũenoca tara yacariro. ⁴⁰ ã jina m̃sa cũhũ cohtaga. Yũhũ mas̃no Cohamacũ warocariro wacũenoca taihca. ã jina yũ yare ã yoarucuina jina cohtaga m̃sa —niha Jesu tinare.

Dahra cohtariro to p̃htorore ñ̃o payorirore, ñ̃o payoerariro cũh̃re yahuha

(Mt 24.45-51)

41 To ã nichũ Pedro sehe õ sehe ni sinituha Jesure:

—¿Ahri quitire yahucũ s̃are nii nijari? ¿O jipihtinare ã nii nijari? —niha Pedro.

42 To ã nichũ Jesu to t̃hotua mehne õ sehe ni piti dahre buheha tinare:

—Dahra cohtariro to p̃htorore ñ̃o payoriro t̃ho masiro õ seheta jira. P̃htoro tinino waharo, dahra cohtarirore to

wuhure cūna. To cūriro sehe dutiriro jirohca. Ñ jiro tiro chūri pja jichū paina dahra cohtainare chūare witira. **43** Baharo pūhtoro to wihichū dahra cohtariro sehe to pūhtoro to dutiriro seheta yoa pahñoriro jiro, tiro wahcheriro jirohca. **44** Potocā niita nija mūsare. To ã yoachū to pūhtoro jipihtia to yare ñū wihboriro cūnohca tire. **45** To ã cūpachūta dahra cohtariro “Yū pūhtoro yoari pja bajuerara”, niboca. Ñ nino paina dahra cohtainare mūare, numia cūhure cjāpe, payū chū, sihni, cahaboca. **46** To ã yoari baharo wacūenoca to pūhtoro wihirohca. Ñ wihiro tire ñano buhiri dahrerohca. Ñ jiro Cohamacūre yūhdūrucainare to cohāriropū tire cohānohca.

47 Ñ yoa dahra cohtariro to pūhtoro cahmaare masiriro jiparota tīre to yoaerachū, tiro to noano dahraerachū to pūhtoro sehe tire yuta da mehne tuaro tjananohca. **48** Pairo sehe dahra cohtariro to pūhtoro cahmaare masierariro jiro to noano yoaerachū ñūno to pūhtoro sehe pjiroca dero tire tjananohca. Cohamacū to cahmaare masichū yoara masare. Ñ jiro masirirore yūhtiro cahmana. Tuhsū, noano masirirore noano yūhtiro cahmana —niha Jesu.

Jesu masare cahma tju wachū yoara

(Mt 10.34-36)

49 Ñ ni tuhsū Jesu tinare ō sehe ni yahuha tjoa:

—Pichaca to jūwero seheta yūhū ahri yahpāpūre Cohamacū tire cahmaerainare to buhiri dahrehtore tinare masichū yoai tai nii. Mipū pinihta tīre ti masichū tuaro cahmaja yūhū.

50 Yūhū ñano yūhdūihca. Yū ã ñano yūhdūhtire cohtacū, ñano yajeripohna tija yūhū. **51** ¿Dohse ni tūhotujari mūsa yūhūre?

“Tiro masare to buheri baharo paina tinare ñū tuhtisi”, ¿ni tūhotujari mūsa yūhūre? Ñ jierara. Masare yū buheri baharo cāina yū yare tūhoahca. Paina sehe tinare ñū tuhtiahca. Cūno potori waro jisi masa. Mūsare nii nija. Masa yū buheare tūhoa, pūa curua cahma tju waahca. **52** Mipūre cū wūhū macaina cinco masa yū buheare tūhoa, pūa curua ti basi cahma tju waahca. Cū curua tiaro, pa curua pūaro jiahca. **53** To pūcūro to macūnore ñū tuhtirohca yū yairo to jiri buhiri. Tuhsū, pairo macūno cūhū to pūcūrore ñū tuhtirohca to pūcūro yū yairo to jiri buhiri. Ñ yoa to pocoro to maconore ñū tuhtirohca yū yacoro to jiri buhiri. Tuhsū, pacoro macono cūhū to pocorore ñū tuhtirohca to pocoro yū yacoro to jiri buhiri. Ñ yoa to

marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cūhu to marechonore ñu tuhtirohca yu yacoro to jiri buhiri. Āta waharohca, yu buheare ti tuhochu —niha Jesu.

**Noari dacho cjihtore, ñari dacho cjihtore
masa ti masiare yahuha Jesu
(Mt 16.1-4; Mr 8.11-13)**

54 Ā yoa Jesu masare õ sehe ni yahuha tjoa:

—Ahrie sheperu coro siterire ñuna, dóihta “Coro tarohca”, nina mūsa. Mūsa ã niri baharo coro tara. 55 Ā yoa surpu wihnono tachu “Siri dacho jirohca”, nina mūsa ahri yahpai jiina. Mūsa ã niri baharo dacho sira. 56 Mūsa mahñoperucuina jira. Mūsa ahri yahpare mūano cūhure ñuna, noari dacho cjihtore, ñari dacho cjihto cūhure masina mūsa. ¿Ā jina mipu macaa dachore masipanahta dohseana ahri yahpa macaina mipure mūsa dohse wahahtore masierajari mūsa? —niha Jesu.

**Mūsare ñu tuhtiro mehne mūsa cahmacherire cahma pjāga
(Mt 5.25-26)**

57 Ā ni tuhsu õ sehe ni yahu namoha:

—¿Mūhu quihōno mu yoahtere masierajari mūhu mipu?
58 Pairo mūhure yahusāno waharo buhiri dahre dutiri wūhuru waha dutiboca. Tópu wahana “Pari turi mūhure ã yoasi”, nicu cahma pjāga. Mu ã cahma pjāerachu tiro buhiri dahre dutiro caharu naaboca mūhure. Tuhsu, buhiri dahre dutiro sehe mūhure surarare to wachu, mūhure surara peresu yoahca. 59 Mūhure nii nija. Tópu jisinihca mūhu. Pu ti wapa dutire mu wapa pahñoi pu wijaaihca mūhu —niha Jesu.

**“Noaina jija”, ni mūsa tuhotumarine tuhotu
cohtota, Cohamacure cahmaga**

13 ¹ Tí pjare mahainacã masa Jesure õ sehe ni yahua tiha:

—Galilea macaina wahiquirore wajã jũ muo Cohamacure ti ño payoro watoi Pilato sehe tinare wajãha. To ã wajãchu wahiquiro di mehne masa di moreha —ni yahuha tina Jesure.

² Ti ã ni yahu tuhsuchu Jesu õ sehe ni yahuha:

—¿Galilea macaina Pilato to wajārina cjrيره dohse ni tūhotujari mūsa? ¿Tí ā yariachū paina Galilea macaina yūhdoro ñaina ti jiri buhiri ā yoa dutiri Cohamacū tinare, mūsa tūhotuchū? ³ Jierara. Mūsare niita nija. Mūsa sehe “Noaina jija” ni, mūsa tūhotumari cjrيره tūhotu cohtotaerana, Cohamacūre cahmaerana, mūsa cūhū yariana pichacapū wahanahca. ⁴ Ā yoa sohō jirina diez y ocho masa Siloé wama tiri wūhū mūari wūhū ti bui bora pja wajā pahñoha. ¿Ā waha yariaa, paina Jerusalē macaina yūhdoro ñaina jiri tina, mūsa tūhotuchū? ⁵ Jierara. Mūsare niita nija. Mūsa ñaa tūhotumari cjrيره tūhotu cohtotaerana, Cohamacūre macaerana, mūsa cūhū yarianahca. Ā jina pichacapū wahanahca —niha Jesu tinare.

Higueracū dicha mariedū quitire yahuha Jesu

⁶ Ā ni tuhsū quiti mehne piti dahre yahuha tinare:

—Wese pūro to wesepū higueracūre cjuaha. Ā jiro tiro tū dichare macano wahamaha. Bocaeraha. ⁷ Bocaeraro tiro wese dahrarire yahuha. “Tūhoga yūhūre. Tia cūhma waro higueracū dichare macamaja. Dicha mariahna. Tū dicha mariachū tūre cĵā cohānocahga. Tū yū wesei jichū padūre yūhū toa masieraja. Yū wesei jiri yahpa macaare wiho waro nana tū”, niha wese pūro tire dahra cohtarire. ⁸ To ā nichū tūhoro dahra cohtariro ō sehe niha: “Pūhtoro, ahdu cū cūhma waro ducusinijaro. Tū dahpotoi yūhū sahaihtja. Tuhsū, wahiquire tū mehne tí copare yaihtja. ⁹ Yū ā yoari baharo tū pa cūhmai dicha tiboca. Tū dicha tierachū mūhū cĵā cohā dutiuhca”, niha dahra cohtariro wese pūrore —ni yahuha Jesu.

Sabado dachoi Jesu dohatiricore noaricoro wahachū yoaha

¹⁰ Tí pjare Sabado dachoi Jesu judio masa buheri wūhūi buhero niha. ¹¹ Tóí watīno to cohtotaricoro jiha. Watīno sehe diez y ocho cūhmari waro dohatichū yoaha ticore. Ā jiro pari muti ducuricoro jiro, poto ducu masieraha. ¹² To ā jichū ñūno Jesu ticore ñū, ō sehe ni pisuha:

—Numino, mū dohatia pihtia wahahre —ni pisuha Jesu.

¹³ To ā pisuri baharo ticore to ña payochū dóihita ticoro noano poto ducuricoro wahaha. Ā waharo “Cohamacū tuariro, noariro jira”, ni ño payoha ticoro. ¹⁴ Jesu ticore Sabado

dachoi to noaricoro yoachũ ñũno judio masa buheri wũhũ pũhtoro sehe tiro mehne suaha. Å suaro tiro masare õ sehe niha:

—Seis dachori jira mari dahraa dachori. Å jina mũsa dohatiinare noaina wahachũ yoa duana, tí dachorire tíre yoaga. Sabado dachore mari sori dachore tíre yoaena tjiga —niha wũhũ pũhtoro.

15 To ã nichũ Jesu õ sehe ni yũhtiha:

—Mũsa ã mahñorucuina jira. Mũsa wachũre, burro cũhũre cjũana Sabado dachoi ti dũhteri dare pjã, tinare na buha, sihni dutiboa. 16 Mĩpũ ahricorore Abrahã cjiro coyeacorore watĩno diez y ocho cũhmari waro ticorore dohatichũ yoahre. ¿Sabado dachoi ticorore noaricoro wahachũ yoa dutierajari mũsa? —niha Jesu.

17 To ã nichũ tũhoa, tina bũoro wahaha. Å jia paina sehe jipihitina Jesu yoarire ñũa, wahcheha.

Mostaza yapa quitire yahuha Jesu

(Mt 13.31-32; Mr 4.30-32)

18 Å yoa Jesu quiti mehne piti dahre buheha masare:

—¿Ne Cohamacũ masa bui pũhtoro to noano sũho jia yaba baro yoaro sehe jijari, mũsa tũhotuchũ? Ahri quiti mehne tíre pũhtoro to sũho jiare yahuihtja yũhũ. 19 Mostaza yapacã yoaro sehe jira. Tí yapacãre toari masũno to wesei toaha. To toari baharo tí yapacã duha. Å jia tũ bũcũachũ minichahca peri tũ dũpũripũ suhti suhaha. (Tó seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

Pão bũcũaro quitire yahuha Jesu

(Mt 13.33)

20 Å ni tuhsũ, pari turi Jesu õ sehe ni piti dahre buheha:

—¿Ne Cohamacũ masa bui pũhtoro to noano sũho jia yaba baro yoaro sehe jijari, mũsa tũhotuchũ? 21 Pão bũcũaro yoaro sehe jira. Tíre numino cã wajuru trigore co mehne noano tíre dahra morena pão bũcũahore. To ã yoachũ pão bũcũaro sehe trigore noano sahserũcũ sũra. (To sahserũcũ sũro seheta mũano macarirore mari pũhtoro payũ masa masiahca) —niha Jesu.

Mahari sopacacã quitire yahuha Jesu

(Mt 7.13-14, 21-23)

22 Ñ yoa Jesu bujña macaripũ, daa macaricãpũ cũhũre buhe wahcã, Jerusalẽpũ sũro taro niha. 23 To ã waharo watoi cãiro Jesure õ sehe ni sinituha:

—Pũhtoro, ¿mahainacã masare pichacapũ wahaborinare yũhdorohcari Cohamacũ? —ni sinituha tiro Jesure.

To ã nichũ Jesu piti dahre buhero õ sehe ni yahuha:

24 —Payũ masa Cohamacũ cahapũ waha duaa, sãa duamana. Mahari sopacacãre mũsa sãa duachũ mijo curera. Tó sehetã Cohamacũ cahapũ mũsa waha duachũ mijo nina. Masa ã sãa duapahta sãa masierara. Ñ jina mũsa sehe mahari sopacacãre mũsa tuaro sãa duaboro sehetã Cohamacũ sehere tuaro masiga. 25 Õ sehe yoarohca Cohamacũ payũ masare. Tiro wũhũ pũro yoaro sehe jira. Wũhũ pũro wahcã, sopacacãre biharohca. To ã yoachũ sopacacãpũ ducuna, sopa pahmare dotanahca. Ñ dotana õ sehe ninahca: “Pũhtoro, sopa pahmare pjõohga”, mũsa nichũ wũhũ pũro sehe õ sehe ni yũhtirohca. “Mũsare ne masieraja yũhũ. Nohoi mũsa tariro cũhũre masieraja”, ni yũhtirohca. 26 To ã nichũ mũsa õ sehe ni yũhtinahca: “Mũhũ mehne sã chũ, sihnihi. Sã ya macai buhere mũhũ”, ninahca mũsa. 27 Mũsa ã nichũ tiro sehe õ sehe ni yũhtirohca: “Mũsare ne masieraja. Nohoi mũsa tariro cũhũre masieraja. Jipihtina mũsa ñaa buhiri tiina yũ cahai taena tjiga”, ninohca wũhũ pũro. 28 Ñ yoa Abrahã cjirore, Isaa cjirore, Jacobo cjirore, jipihtina Cohamacũ yare yahu mũhtaina cjirore Cohamacũ masare pũhtoro to noano sũho jirore ti jichũ ñũna, mũsa sehe sopacapũ cohãrina jina tuaro tiinahca. Ñ tiina jina, mũsa tuaro cahyaro mehne piri bahca dihonahca. 29 Tí pjare jipihtiro macaina pũhtoro Cohamacũ to noano sũho jiropũre sũ, tiro mehne chũ dujiahca. 30 Mipũre wiho jiina jirina cjiri tí pjare pũhtoa jiahca. Ñ jia mipũre pũhtoa jirina cjiri tí pjare wiho jiina jiahca —niha Jesu.

Jerusalẽ macainare tuaro cahĩha Jesu

(Mt 23.37-39)

31 Tí pjare mahainacã fariseo curua macaina Jesu cahapũ sũa, tirore õ sehe ni yahuha:

—Herode m̄hure wajā duara. Ā jicū pa seher̄p̄ wahaga m̄hū —niha tina tirore.

32 Ti ā nichū Jesu sehe ō sehe ni yūhtiha:

—Herode mahñoa payūriro jira tiro. Ō sehe ni yahuga tirore: “Jesu watīare cohā wiro nina. Tuhsū, dohatiinare noaina wahachū yoaro nina. Tīre michare, ñamichaca cūhure yoarohca. Ñamichaca bohrearo dahra batoarohca”, ni yahuga Herodere. **33** Ā jicū michare waha, ñamichaca cūhure waha, ñamichaca bohrearo cūhure waha, Jerusalēp̄ sūihca. Cohamacū yare yahu m̄htarirore yūhure wajāhca masa. Cohamacū yare yahu m̄htainare ti wajāchū Jerusalēp̄ jiro cahmana tinare. Ā jicū yūhū cūhure Jerusalēp̄ jiro cahmana.

34 'Cue Jerusalē macaina. Mūsa Cohamacū yare yahu m̄htaina cjirire wajā, mūsa cahai to warocainare tāa mehne doca wajāre mūsa. Mūsa coyea panop̄ macaina cūhū āta yoarina cjiri jiha. Caracacoro to pohnare to cjāp̄ dūp̄ri mehne to moha coāno seheta payū tahari mūsare cahīrucumahi.

Mūsare cahmamahi. Mūsa sehe yūhure ne cahmaerare. **35** Mip̄re mūsa jiro cohāri maca jirohca. Potocā niita nija mūsare. Cohamacū mari p̄htoro to tuaa mehne taihca yūhū. Yū ā tachū ñna mūsa yūhure “Cohamacū tuaa mehne tariro noajaro”, ninahca. Yūhure mūsa tīre nihto pano pari turi yūhure ñsi mūsa —niha Jesu tinare.

Dohatirirore noariro wahachū yoaha Jesu

14 ¹ Pa dacho Sabado dacho jichū fariseo curua macaina p̄htoa mehne macariro ya wūhūp̄ Jesu ch̄ro wahaha. Tí wūhū jina tiro dihtare ñuroca ōha. ² Ti ā ñuroca ōno watoi yachūri wipiriro, ñuchūa wipiriro tiro cahap̄ sūha. ³ Ā jiro Jesu judio masare buheinare, fariseo curua macaina cūhure ō sehe ni sinituha:

—¿Sabado dachore dohatirirore noariro wahachū yoa dutijari Cohamacū yare ti joari p̄i? —ni sinituha Jesu.

⁴ To ā ni sinitupachūta tina yūhtieraha. Ti yūhtierachū ñno Jesu dohatirirore noariro wahachū yoa, “Wahaga”, niha tirore. ⁵ Ā yoa tuhsūro, tinare ō sehe ni sinituha tjoa:

—“¿Cūiro mūsa mehne macariro to macno Sabado dachoi mari sori dachoi copap̄ to bora sāachū na wioerabocari?” mūsa ā nina. “¿To wachū cūhure na wioerabocari?” mūsa ā nina —niha Jesu.

6 To ã nipachuta tina to sinituare yuhti masieraha tjoa.

Wamomaca dũhteropũ pjirocainare yahuha Jesu

7 Fariseo curua macariro ya wũhũ jiro tí wũhũ macariro to pjirocaina noaa dujiare ti besechũ ñaha Jesu. ã ñũ tuhsũ õ sehe ni yahuha jipihtinare:

8 —Wamomaca dũhteri bese ñũmũ mũsare to pjirocachũ, noaa dujiare bese dujiena tjiga. Mũsa yũhdoro cua pisainare pjirocaboca ahri wũhũ pũro. 9 To ã yoachũ mũsa noaa dujiai dujichũ, “Ahrina cua pisainare mũsa dujiare waga”, niboca wũhũ pũro mũsare. To ã nichũ mũsa sehe bũo tina, ñaa dujiai dujiboca. 10 ã jina wũhũ pũro mũsare to pjirocachũ, ñaa dujiai duji mũhtaga. Mũsa ã yoachũ wũhũ pũro mũsare “Noaa dujia sehere dujina taga”, ninohca mũsare tiro. Mũsa ã wahachũ paina to pjirocaina sehe mũsare ño payoa mehne ñũahca. 11 Cũiro to basi “Pũhtoro tjija”, ni tũhoturiro cahamacũno jirohca. Pairo “Cahamacũno jija”, ni tũhoturiro painare yũhdũrũca duaerariro tiro sehe pũhtoro jirohca —niha Jesu tinare.

12 ã ni tuhsũ Jesu wũhũ pũrore õ sehe ni yahuha:

—Mũhũ bese ñũmũ dahrecũ mũ cahai jiinare, mũ bahanare, mũ coyeare, pache pũare pjiesũ tjiga. Mũ tinare pjichũ mũhũ cũhũre tina cũhũ pji cahmaahca tjoa. ã pji cahmaa mũhũre ti waramoare wapaahca. 13 Mũhũ bese ñũmũ dahrecũ pjasũoinare, tini masierainare, cũ bũhũsehe dahporo dojori tiinare, capari ñũerainare pjirocaga. 14 Mũ ã yoachũ ñũno Cohamacũ mũhũre noano yoarohca. Tina sehe mũhũre ti waramoare wapa masierara. ã jiro noaina yariaina ti masa mũjari pja jichũ Cohamacũ sehe noaare mũ yoari wapa mũhũre noano yoarohca —niha Jesu wũhũ pũrore.

Pjiri bese ñũmũ quitire yahuha Jesu

15 To ã nichũ tũhoro pairo chũri mesa cahai dujiriro, Jesure õ sehe ni yahuha:

—Cohamacũ masare pũhtoro to noano sũho jiroi to chũri mesa cahai dujiina tuaro wahcheina jahca —niha tiro Jesure.

16 To ã nichũ Jesu ahri quitire yahuha tiore:

—Pjiri bese ñũmũ dahreriro payũ masare pjirocaha.

17 To pjirocari baharo bese ñũmũ dachoi to cahamacũnore to pjirocainare yahu dutiro warocaha. “Ma, jipihtiare bese ñũmũ

macaa cjihtire cahno tuhsühre. Ñ jiro müsare pjirocahre”, ni yahu dutiha to cahamacunore. **18** To cahamacuno to ñ ni yahupachuta, to pjirocaina sehe “Waha masieraja”, niha tina. To pjiroca mühtariro ò sehe ni yahuha to cahamacunore: “Michapucacã yahpare nuchühi. Ñ jicü tí yahpare ñüi wahi tai nija. Ñ yoacü waha masieraja. Ño payo curea yühure. Yühure basioerahca”, niha to pjiroca mühtariro sehe to cahamacunore. **19** Pairo sehe ò sehe niha: “Wachüare pua wamomaca pihtiinare michapucacãta nuchühi. Ñ jicü wachüare buhe cayo ñüi wahi tai nija ti waja wahcãhtore. Ñ yoai wahaeraja. Yühure basioerahca”, niha tiro cühü. **20** Pairo sehe ò sehe niha: “Yühü michapucacã wamomaca dühtehi. Ñ jicü bose nümüpü waha masieraja”, niha tiro to cahamacunore. **21** To ñ nichü to cahamacuno sehe tjua waha, to pühtoropüre ti niri cjirire yahu pahñoha. To ñ ni yahuchü to pühtoro tuaro susini, ò sehe niha to cahamacunore. “Macari macaa maharipü pjacüoina ti ducua maharipü wahaga. Ñ jicü pjacüoinare, tini masierainare, capari ñüerainare, cü buhusehe dahporo dojori tiinare cjero na tahga tinare”, niha pühtoro. **22** Baharo curero to cahamacuno yahuha to pühtorore: “Pühtoro, mü dutiriro seheta yoahi. Yü ñ yoapachuta paina cühü mü süahca”, niha to cahamacuno. **23** To ñ nichü pühtoro tirore ò sehe ni dutiha: “Camporü wahaga. Tói büjua maharipü jiinare, daa maharicãpü jiina cühure masare yü wühüpü ta dutiga, ya wühü to noano wahpahto cjihto sehe. **24** Potocã nii nija mühure. Ahirina yü pjiroca mühtarina yü chüare ne mahanocã chüsi”, niha pühtoro —ni yahuha Jesu.

Jesu mehne wahachü mijo nina

25 Tí pjare payü masa Jesu mehne wahaha. Ñ jiro Jesu tinare majare ñü, ò sehe ni yahuha:

26 —Cüiro yü buheriro ji duaro painare to cahñiro yühdoro yühü sehene cahño cahmana. To pücürore, to pocorore, to namonore, to pohñare, to bahanare, to pjacü cühure to cahñiro yühdoro yühü sehene cahño cahmana. Ñ yoaeraro yü buheriro ji masierara. **27** Cüiro yü buheriro ji duaro yü yare ñ yoarucuriro jirohca. Ñ yoa crusapü yü ñano yühdütiro seheta yü yairo to jiri buhiri ñano yühdü duaeraro yü buheriro ji masierara. **28** Ahrire masiyuro cahmana müsare. Ò sehe jira tí: Wühü dahreriro to müari wühure yoahito pano wühü wapa tihtire

quihō cū m̄htana. Ā yoaro to w̄hure to pahñohtore masina tiro. ²⁹ Wapa tihtire quihōeraro to w̄hure yoaro pahñoeraboa. Ā jia tirore ñ̄ina b̄j̄peboa. ³⁰ “Ahr̄iro to w̄hure yoaro bihoerare”, ni b̄j̄peboa. ³¹ P̄htoro paio p̄htoro yaina mehne ti cahma waj̄hto pano, to yaina surarare to cahma waj̄ dutihto pano, to surarare quihōnohca. “¿Ȳh̄ diez mil surara mehne paio veinte mil surara c̄uar̄iro mehne cahma waj̄c̄u bihobocari ȳh̄?” ni t̄hoturo quihōnohca tiro. ³² Ā quihōno, to bihoerahtore masinohca. Ā masino paio p̄htoro to surara mehne cahma waj̄no tariro yoarop̄ to jich̄ta, bihoerar̄iro sehe “Cahma waj̄ena tjijihna”, ni dutiro warocaboa dahra cohtar̄irore. ³³ Ā jina ȳ buheina ji duana, m̄sa yoahtire m̄sare masino cahmana. M̄sa yoa duari sehere coh̄ duaerana, ȳ buheina ji masierara —ni yahuha Jesu.

Moa coaerare yahuha Jesu

(Mt 5.13; Mr 9.50)

³⁴ Ā ni tuhs̄ t̄nare ò sehe ni yahu namoha:
—Moa noano coara. To coaerach̄ coa yoahto basioerara.
³⁵ Moa coaerach̄ tí moa ne noaerara. Tí moare dohseah̄to basioerara. Tí ã jich̄ tí moare coh̄no cahmana. Ne yaba c̄ihti jierara ti coh̄a. (Ti yaba c̄ihti jieraro seheta jiena tjiga m̄sa. Moa noano to coaro seheta m̄sa c̄h̄u ji coaina jiga. Tuhs̄, paina mehne noano mehne jiga.) Ahr̄ire noano t̄hoga m̄sa —niha Jesu.

Oveja butir̄iro quitire yahuha Jesu

(Mt 18.10-14)

15 ¹ Ā yoa pa dachoi paȳ p̄htoa yare wapa na cohtaina paina “Ñ̄aare yoaina”, ti niina mehne Jesure t̄hoah̄ taha. ² Ti ã yoach̄ ñ̄na fariseo curua macaina, judio masare buheina c̄h̄u Jesure ñ̄n̄ tuhtia, ò sehe niha ti basi:

—Ahr̄iro ñ̄inare piti tira. Ā jir̄iro jirota tina mehne ch̄ra —ni durucuha tina ti basi.

³ Ti ã ni durucuch̄ Jesu to t̄hotua mehne ò sehe ni piti dahre buheha t̄nare:

⁴ —¿Cien oveja p̄ro c̄iuro oveja butich̄ ñ̄no dohse yoarohcari tiro? Ò sehe yoarohca. Tiro noventa y nueve ovejare ti ch̄ri campop̄ cū, butir̄irore macano waharohca. Ovejare bocarop̄ duhurohca. ⁵ Tirore bocaro wahcherohca. Ā jiro to

comapariaca buipũ tirore cjã payo, to wũhũpũ na tjuaa waharohca. ⁶ Na tju sũ, to cahai jiinare, to coyeare pji cahmachunohca. “Yũ oveja butirirore boca tuhsũhi. Å jina yũhũ mehne wahchega”, ninohca tiro tinare. ⁷ Potocã niita nija mũsare. Noventa y nueve oveja payũ ti jiriro seheta, payũ masa õ sehe ni tũhotura: “Ñano yoaeraja. Å jicũ yũ ñaare cahya, yũ tũhotumari cjirire tũhotu cohtotasi yũhũ”, ni tũhotura payũ masa. Ti ã ni tũhotuchũ ñũa mũano macaina Cohamacũ cahai jiina wahcherara. Pairo sehene wahchera. Butiriro oveja cũirota to butiriro seheta to pũro tirore to bocariro seheta cũiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ, Cohamacũre to cahmachũ ñũa, Cohamacũ cahai jiina tuaro wahchera —niha Jesu.

Niñeru tũ butiri quitire yahuha Jesu

⁸ Å ni yahu tuhsũ, paye quiti mehne piti dahre yahu namoha tjoa:

—¿Diez niñeru tũri cjũaricoro cũ tũ butichũ ñũno dohse yoarohcari ticoro? Õ sehe yoarohca ticoro. Sihãriare sihã, wũhũre coha, noano maca pahñonohca. Tí tũre bocaropũ duhurohca. ⁹ Tí tũre boca tuhsũ, to cahai jiinare, to coyeare pji cahmachunohca. “Niñeru tũ ya tũ yũhũre butiri tũre bocahi. Å jina yũhũ mehne wahchega”, ninohca ticoro. ¹⁰ Potocã niita nija mũsare. Tó seheta cũiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ Cohamacũre to cahmachũ Cohamacũ yaina anjoa sehe tuaro wahcheahca —niha Jesu.

To macũno butiri quitire yahuha Jesu

¹¹ Å ni yahu tuhsũ Jesu paye quiti mehne piti dahre yahu namoha tjoa:

—Bũcũro pohna pũaro mũa jiha. ¹² Dũhsariro sehe õ sehe niha to pũcũrore: “Mai, mũ yariari baharo yũhũre mũ wahtire yũhũre wa bahrañoga”, niha tiro to pũcũrore. To ã nichũ ti pũcũro pũaropũreta to pohñare witira to cjũari cjirire. ¹³ Mahaa dachoricã baharo dũhsariro to yare jipihtiare na, yoaropũ pa yahparũ wahaa wahaha. Tórpũ sũro tũho masierariro seheta yoa, to niñerure to yare yoa site pahñonocaha. ¹⁴ To yoa site pahñori baharo tí yahparũre ne chũa marieni pja ji

dũcaha. Ñ jiro tiro jũca baaha. 15 Ñ jiro tí yahpa macaa dahraare macaha. To bocachũ to puhtoro yesea cohtariro sũha tirore. 16 Ñ jiro tiro yeseare nu, ti chũare chũ duamaha. To ã chũ duapachũta tí chũare tó macaina waeraha tirore. 17 Ñ yoa tirore tói wacũa taha jũna. “Yũ pũcũre dahra cohtaina sehe bũjũa chũare chũca. Ti chũ dũhaa cũhũ bũjũa dũhsaca. Ti ã noano yũhdũro watoi yũhũ sehe õi jicũ, jũca yariai nija. 18 Mipũre yũ pũcũ cahapũ tjuaihtja. Yũ pũcũ cahapũ sũcũ õ sehe nihtja tirore: ‘Mai, Cohamacũre ñano yoahi. Mũhũ cũhũre ñano yoahiti. 19 Ñariro jija. Mũ macũ jiboriro jieraja yũhũ. Mũhũre dahra cohtaina seheta yoaga yũhũre’, nihtja yũ pũcũre”, ni tũhotuha tiro. 20 Ñ ni tũhoturota wahcãrũca, to pũcũro cahapũ tjuaa wahaha. Tõpũ to sũriro tjuu tachũ to pũcũro sehe yoarõpũta to macũnore ñũha.

’To ã wihichũ ñũno to macũnore pja ñũha. Ñ pja ñũno to cahai mũroca wahcã tirore cjã suhsu mũa, to wahsupui wihmiha to pũcũro to macũnore. 21 “Mai, Cohamacũre ñano yoahi. Mũhũ cũhũre ñano yoahiti. Ñariro jija yũhũ. Mũ macũ jiboriro jieraja yũhũ”, niha tiro to pũcũrore. 22 To ã nichũ tũhoro to pũcũro sehe dahra cohtainare pjiha: “Cjero, noa yũhdũri suhtirore na tahga. Ñ jina yũ macũre sãaga. Sãa tuhsũ, to wamomaca sãari sorore sãa, to dahporire dahpo suhti cũhũre sãaga. 23 Sãa tuhsũ, dihi tiriocã wachũcãre wajãga. Bose nũmũ yoajihna. 24 Ahriro yũ macũ yariariro seheta wahare. Ñ wahaparota mipũre catira tiro. To butiboriro seheta jirirore mipũre bocahi. Ñ jina bõse nũmũ yoajihna”, niha to pũcũro. To ã niri baharo bõse nũmũ dahre dũcaha tina.

25 ’Tí pjare to wahmino sehe wesepũ jiha. Wesepũ jiriro coha tjuu taro wũhũ cahai sũro, ti basaare tũhorocaha tiro. 26 Ñ tũhorocarõ, cũiro dahra cohtarirore pjiroca, tirore sinitu ñũha tiro: “¿Dõhse yoa basaa niri?” ni sinitu ñũha tiro dahra cohtarirore. 27 “Mũ bahũ tju wihihre. Tiro noariro, catiriro to tju wihichũ mũ pũcũ dihi tiriro wachũcãre wajã dutihre”, ni yũhtiha dahra cohtariro. 28 To ã ni yahuchũ to wahmino sehe tuaro suaro, wũhũpũ sãa taeraha. To sãa taerachũ ñũno to pũcũro sopacapũ wijaa ta, “Sãa taga” ni, tuaro pjimaha to macũnore. 29 “Tũhõga, Mai. Yoari pja mũhũre dahra cohtariro seheta mũhũre yoadõhomahi. Ñ jicũ mũ dutiare ne cũ taha yũhdũrũcaera tihi. Yũ mũhũre dahra cohtapachũta yũhũre ne waerare mũhũ. Ne cũiro wahiquirocãre ne waera tire mũhũ

yũhũre yũ piti tiina mehne yũ bose nũmũ dahrehti cjihtire. 30 Wiho mejeta ahriro mũ macũ sehe ñaina numia mehne mũ yare yoa site pahñooyuhti. Tíre yoa site pahño tuhsũ, tiro wũhũpũ to tju wihichũ dihi tiriocãre wachũcãre wajã dutiyuhti mũhũ to chũhtiro cjihtore”, niha to wahmino to pũcũrore. 31 “Macũ, yũhũ mehne jipihtia dachoripe mũ jichũ jipihtia ya mũ ya cũhũ jira. 32 Mũ bahũ sehe yariariro seheta wahare marine. Ñ yoa mipũre tiro catiriro jira. Tiro butiboriro seheta jire. To ã wahari baharo mipũre tiore bocahi. Ñ jina to tju wihichũ mari bose nũmũ yoa wahchechũ noana”, niha tiro to macũno —niha Jesu tinare.

Niñeru ñũ wihbo cohtariro tũho masiro quitire Jesu yahuha

16 1 Ñ yoa ahri quitire to buheinare ò sehe ni yahuha Jesu:

—Pache pũro ya niñerure ñũ wihbo cohtariro niñerure noano to ñũ wihboerachũ ñũno paio sehe yahusãha pache pũrore: “Tiro mũ niñerure yoa sitero nina”, ni yahusãha tiore. 2 To yahusã tuhsũri baharo niñeru ñũ wihbo cohtarioro pjirocaha. Ñ pji tuhsũ, to wihichũ ñũno, tiore pũhtoro ò sehe niha: “Pairo yũ niñerure mũ yoa siterire yũhũre yahure. Ñ jicũ mipũre yũ yare ñũ wihboriro jisi mũhũ. Ñ jicũ yũ yare mũ yoari cjiire yahu pahño joaga. Mũhũre cohãi nija”, niha to pũhtoro tiore. 3 To ã niri baharo ò sehe ni tũhotuha ñũ wihboriro to basi: “Yũ pũhtoro yũhũre cohãno taro nica. Yũhũ tuaeraja. Ñ jicũ tuaro dahraare bihoeraja. Tuhsũ, painare yũhũ niñerure sinicũ bũobiario yũhdũboca yũhũ. ¿Dohse yoaihcarì yũhũ? 4 Mipũ pinihtare yũ yoachtire masija yũhũ jũna. Ò sehe yũ yoachũ yũ dahraa maerachũ yũ pũhtoro wapamoina yũhũre cahãhca. Ñ jia ti wũhũsepũ sãa dutiahca yũhũre”, ni tũhotuha tiro. 5 Ñ ni tũhoturo tiro jipihtina to pũhtoro wapamoinare pjirocaha. Pjiroca tuhsũ, cohtaha. Ñ cohtarò wihi mũhtarioro ò sehe ni sinituha tiro: “¿Yũ pũhtoro noho puro wapamojari mũhũ?” niha tiro. 6 To ã nichũ wapamoriro sehe ò sehe ni yũhtiha: “Cien tambores sere olivo dicha mehne ti yoari sere wapamoja tiore”, ni yũhtiha tiro. To ã ni yahuchũ niñeru ñũ wihboriro sehe ò sehe ni yahuha: “Õi jira mũ wapamonore joa òri pũ. Dujiga. Ñ jicũ mũ wapamonore dacho macai na, dacho macai joa cahnoga”, niha ñũ wihboriro wapamoriore. 7 Ñ ni tuhsũ paio wapamoriore sinituha tiro: “¿Mũhũ waro, noho

puro wapamojari?” niha tjoa. “Cien waju trigo yapari wajure wapamoja yũhũ”, niha wapamoriro niñerure ñũ wihborirore. “Ōi jira mũ wapamonore joa ōri pũ. Mũ wapamonore ochenta joa cahnoga”, niha ñũ wihboriro. **8** To ã noano mahño mihnichũ ñũno “Ahriro mahñoriro noano masiro jica”, ni tũhotuha to pũhtoro niñerure ñũ wihborirore. Ahri dacho macaina, Cohamacũre cahmaeraina ti yare cahnorire ti niñeru ti ñũ wihborire Cohamacũ yaina yũhgoro masica tina —niha Jesu.

9 ã ni tuhsũ Jesu ō sehe ni yahu namoha:

—Ahri quitire ã ni yahucũ, mũsare ō sehe niita nija. Mũsa cjuare, pjasuoinare mũsa wachũ, tina sehe mũsare cahĩahca. Mũsa ã yoachũ mũsa cjuaa pihtiaro baharo mũsa mũanopũ sũchũ mũsare cahĩahca tóprẽ.

10 ’Wiho jiina ya dahraare quihõno yoana, pũhtoa ya dahraa cũhũre quihõno yoanahca. Wiho jiina ya dahraare quihõno yoerana, pũhtoa ya dahraa cũhũre quihõno yoasi mũsa. **11** ã jina ahri yahpai mũsa cjuaa mehne mũsa noano yoerana Cohamacũ mũsare to yoa dutia cũhũre noano yoasi mũsa. **12** ã jiro paio yare mũsa noano yoabasaerachũ ñũno mũsa ya cjihtire wasi mũsare.

13 ’Cũiro Cohamacũ sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacũ sehere wacũerara. Niñeru dihtare cahmariro jiro Cohamacũre wahchechũ yoerara. Cohamacũ cũhũre, niñeru cũhũre pũarore cahma yũhdũrucahto basioerara mũsare. Niñerure cahma yũhdũariro Cohamacũre noano ño payo masierara —niha Jesu.

14 To ã nichũ tũhoa fariseo curua macaina sehe tirore bũjũpeha. Tina sehe niñerure cahĩha. ã jia bũjũpeha. **15** Ti bũjũpechũ tũhoro Jesu tinare ō sehe ni yahuha:

—Masa ti ñũrocaroi mũsa noano yoamana. Mũsa ã yoachũ “Noaina, quihõno yoaina jira”, nimana masa mũsare. Cohamacũ sehe mũsa tũhotuare masina. Masa “Noa yũhdũara”, ti nirire Cohamacũ sehe soro ni tũhotu, tíre ñũ yabira —niha Jesu.

Cohamacũ to dutiare, pũhtoro to sũho jiare yahuha Jesu

16 ã ni tuhsũ ō sehe ni namoha Jesu:

—João masare bautisariro to jihto pano Moiserẽ to cũri dutia mehne Cohamacũ marine dutire. Cohamacũ yare yahu

mũhtaina cjiri ti joari cjiri mehne cũhũre marine dutire. Mipũ sehere João to buhe dũcari baharo noaa buheare, Cohamacũ masare pũhtoro to noano sũho jia cũhũre masi dũcara masa. ã masia masa ti mũ sũro ti tuaa mehne Cohamacũ masare pũhtoro to noano sũho jirore sãa duamana.

17 'Moisere to cũri dutiai Cohamacũ to niriro seheta yoa pahñonohca tiro. Cohamacũ yare yahu mũhtaina cjiri ti joari cjiripũ cũhũre to niriro seheta yoa pahñonohca tiro. Mũano cũhũ ahri yahpa cũhũ ti pihtia wahapachũta Cohamacũ to niriro seheta yoa pahñonohca —niha Jesu.

Namonore cohãare yahuha Jesu

(Mt 19.1-12; Mr 10.1-12)

18 ã ni tuhsũ õ sehe ni namoha Jesu:

—Masũno to namonore cohãno, pacorore namo tiro, tiro ticoro mehne ñano yoaro nina. Tuhsũ, masũno paio to cohãricorore namo tiro, tiro cũhũ ticoro mehne ñano yoaro nina —niha Jesu.

Pache pũro cũhũre, Lázaro cũhũre to yahuri quitire buheha Jesu

19 ã yoa paye qiti mehne piti dahre yahuha Jesu:

—Tí pjarũre pache pũro jiha. To suhti sehe wapa bũjũbiaha. Tuhsũ, dachoripe tiro noaa dihtare chũro, payũ cjuaha tiro. 20 ã yoa tí pjare paio pjacũoriro, Lázaro wama tirore jia tiha. Tiro to pjacũ payũ cami tirore jiha. To ã jiriro jichũ paina sehe tirore pache pũro ya wũhũrũ na sũha. 21 ã jiro pjacũoriro sehe pache pũro to chũri mesa docai yahpai dujoro to chũ site boroare chũmaha. “To chũ site boroare chũcũ yapicũhca yũhũ”, ni tũhotumaha tiro. ã jia dieya to camine nehnea taa tiha. 22 Baharo pjacũoriro to yariaa wahachũ, Abrahã caharũ paraíso wama tirore anjoa tirore naa mũjaha. Pache pũro cũhũ to baharocãta yariaa wahaha. To yariachũ tirore yaha. 23 ã yoa pache pũrore tuaro pichaca jũha. To ã tuaro jũchũ, pichacarũ jiro mũanorũ jirirore Abrahãre ñũha. Lázaro cũhũre ñũha. 24 Ñũ tuhsũ, tiro Abrahãre pisurocaha: “Coyeiro Abrahã, pja ñũga yũhũre. Pichacarũ yũhũ ñano yũhdũi nica. Yũ ã wahachũ Lázaro yũhũre warocaga. Tiro core to wamo picarũ soha, yũ ñahmanore co mehne nehõjaro. Tõre yũsũojaro tiro”, niha pache pũro. 25 To ã nichũ Abrahã tirore õ sehe ni

yahuha: “Coyeiro, catiriro jicü jipihtiare mûhü noaare cjuhahre. Lázaro sehe dachoripe ñano yûhdûhre. Mipü sehere mûhü ñano yûhdûchü tiro sehe õpûre wahchea mehne jinocahno nina. 26 ã yoa mari watoi cûãri copa jira. ã jia õre jiina tórûre waha masierara. Tuhsü tóre jiina õpü ta duaina ta masierara”, niha Abrahã pache pûrore. 27 To ã nichü pache pûro õ sehe ni namoha: “Coyeiro, tuaro sinija mûhûre. Lázaro yû pûcû ya wûhûpû warocaga. 28 Yûhü cû wamomaca pihtiina bahana tija. Lázaro tinare yahuvaro. Tina õre ñano yûhdûropûre taea tjiaro”, niha tiro. 29 To ã nichü Abrahã sehe õ sehe ni yûhtiha: “Cohamacü dutiare Moise marine to cûri cjirire, Cohamacü yare yahu mûhtaina ti joari cjirire cjuara mû bahana. ã jia mû bahana tíreta tûhojaro”, niha Abrahã. 30 To ã nichü pache pûro sehe yûhtiha: “Coyeiro Abrahã, tíre cjuapahta noano tûhosi. Lázaro yariariro masariro tina cahapü to sûchü ñûa tina sehe ti ñaare cahya, noaare cohtotaahca. ã jia noaare yoaahca yû bahana sehe”, niha pache pûro cjiro. 31 To ã nichü Abrahã sehe õ sehe ni yahuha: “Mû bahana Moise to cûri pû to yahuare, Cohamacü yare yahu mûhtaina cjiri ti yahuare tûhoeraina jira. ã jia Lázaro yariariro cjiro masariro to jipachûta tina Cohamacûre tûho duasi”, niha Abrahã —ni yahuha Jesu.

Ñaare yoachü cua nina

(Mt 18.6-7, 21-22; Mr 9.42)

17 ¹ ã yoa Jesu õ sehe ni yahuha to buheinare: —Masare ñano yoachü yoaa payü jira. ã jia masa ñaare yoara. Ti ã jipachûta masûnore ñaare yoachü yoariro sehe ñabiario yûhdûrohca. ² Masûnore to wamûai pjiria tâca dûhte yo, pjiri mapü tirore ti cohâchü ñano wahaboa tiro. Pairo sehe ahrinacã mehne macarirocãre ñaare yoachü yoaro pjiri mapü ti cohãriro yûhdoro ñano yûhdûrohca. Tirore tuaro buhiri dahrero cahmana. ³ Noano yoaga mûsa. Mûsa coyero ñano to yoachü ñûna “Yoai tjiga”, niga tirore. ã jina tiro to ñaare cahyachü, noaare to cohtotachü mûsa sehe to ñaa yoare boga. ⁴ ã yoa mûsa coyero cû dachoihta siete tahari mûsare ñano to yoachü tópe tahari mûsare, “Yû ñaare cahyaja. Pari turi ã yoasi”, to nichü tópe taharita to ñaa yoare boga —niha Jesu.

Cohamacure wacũ tuaare yahuha Jesu

5 Ñ yoa Jesu buhe duti to cũina tirore ò sehe niha:

—Cohamacure sãre noano wacũ tua namochũ yoaga
—niha tina Jesure.

6 Ti ã nichũ Jesu ò sehe ni yũhtiha:

—Mostaza yapacã mahari yapacã jiparota duropũ pjiđu wahara. To ã wahariro seheta Cohamacure pjíro wacũ tuana, ò sehe wahachũ yoa masinahca mũsa. Ahdu sicómoro wama tidũre ò sehe ni masina: “Mũhũ yucũcũ mũ basi duhtu wahcã, pjiri mapũ bora ñojaga”, ni masina mũsa. Mũsa ã nichũ tũ yucũcũ sehe mũsa dutiro seheta waharohca —niha Jesu.

Dahra cohtariro to dahraare yahuha Jesu

7 Baharo ò sehe ni buheha Jesu:

—Mũsare dahra cohtariro jiro wesepũ tjana, ovejare ñũ wihbora. ¿Dahra cohtariro to tju wihichũ dohse nibocari mũsa tirore? “Cjero taga. Mũ chũa òi jira”, ¿nibocari mũsa? 8 Ñ nierara mũsa. Tirore ò sehe nina mũsa: “Yũ chũare doha cahnoga. Ñ jicũ yũ chũ sihnichũ yũhũre cohtaga. Yũ baharo mũhũ cũhũ chũ sihniga”, nina mũsa dahra cohtarirore. 9 Dahra cohtariro mũsa dutiare to yoachũ tirore “Noana”, nierara mũsa. To dahraa dihtare yoaro nica tiro. 10 Mũsa cũhũ tiro yoaro sehe tjira. Cohamacũ to dutiro seheta yoa pahñona ò sehe ni tũhotuga mũsa: “Sã cũhũ dahra cohtaina dihta jija. Wiho jiina jija sã. Sã dahraa dihtare yoaja sã”, ni tũhotuga mũsa —niha Jesu to buheinare.

Diez cami baainare noaina wahachũ yoaha Jesu

11 Pa dacho Jerusalẽpũ Jesu waharo niha. Tópũ waharo Samaria yahpa, Galilea yahpa dacho macai yũhdu wahcãha. 12-13 Pa macapũ wahari mahapũ to tinichũ diez cami baaina sehe tirore piti boca. Ñ jia tina yoa cureropũ ducuata pisuha:

—Jesu, pũhtoro, sãre pja ñũga —niha tina.

14 Ti ã nichũ tinare ñũ, ò sehe ni yahuha Jesu:

—Sacerdotere mũsa pjacũrire noaa pjacũri ti waharire ñona wahaga —niha tinare.

To ã niri baharo ti waharo watoi tina ti pjacũri noaina wahaha. 15 Ñ jiro cũiro tina mehne macariro noano to pjacũ

wahachũ ñũno, Jesu cahapũ majare tjuaha. Ñ tjuaro tuaro mehne Cohamacũre ño payoha. “Cohamacũ tuariro, noariro jira”, tuaro ni, ño payoha tiro. **16** Ñ nino tiro Jesu dahpori cahai na tuhcuca caha sũ, “Noana”, niha tiro. Tiro sehe Samaria macariro jiha. **17** To ã yoari baharo Jesu õ sehe ni yahuha:

—Diez jihre masa noaina wahaina. ¿Paina nueve dũhsaina sehe nohopũ jicari tina? **18** Ahriro pa yahpa macariro dihta Cohamacũre “Noana”, nino taro tjua tahre. ¿Dohse yoa paina taerari? —niha Jesu.

19 Ñ ni tuhsũ Jesu õ sehe ni yahuha na tuhcuca caha sũrirore:

—Wahcãrucaga. Wahaga. Mũhũ Cohamacũre wacũ tuacũ, noariro wahahre mũhũ —niha Jesu tireore.

Cohamacũ masare pũhtoro to noano sũho jihtore yahuha Jesu
(Mt 24.23-28, 36-41)

20 Tí pjare mahainacã fariseo curua macaina Jesure õ sehe ni sinituha:

—¿Dohse jichũ pũhtoro Cohamacũ masare sũho ji dũcarohcari? —niha tina.

Ti ã nichũ Jesu õ sehe ni yũhtiha:

—Cohamacũ masare pũhtoro to noano sũho ji dũcachũ masa ñũ masierara. **21** “Cohamacũ masare pũhtoro to noano sũho jia õi jira”, ni masierara. “Sohõpũ jira”, ni masierara. Cohamacũ masare pũhtoro to noano sũho jia masa ti tũhotuapũ jira —niha Jesu fariseo curua macainare.

22 Ñ ni tuhsũ Jesu to buheinare õ sehe ni yahuha:

—Baharo yũhũ masũno Cohamacũ warocariro ahri yahrapũ yũ tjua tahtore tuaro cahmanahca mũsa. Cũ dachoihta yũhũre ñũ duapanahta yũhũre ñũsi mũsa. Mũsa yũhũre ã ñũ duapachũta tí pjare tasi yũhũ. **23** Paina mũsare õ sehe niahca: “Tirore ñũga. Tiro Cristo jira. Ahrirore ñũga. Ahriro Cristo jira”, niahca mũsare. Ti ã nipachũta tinare tũhoena tjiga. **24** Oroca sitero wacũenoca to oroca sitero seheta yũhũ cũhũ masũno Cohamacũ warocariro wacũenoca tjua taihca. **25** Ñ yũ tjua tahto pano yũhũ tuaro ñano yũhdũihca. Ñ jia yũhũre mipũ macaina cahmasi. **26** Noé to jiri pja macaina ti jiriro seheta yũhũ masũno Cohamacũ warocariro yũ tjua tachũ tó seheta jiahca masa. **27** Noé to jiri pjare jipihitina masa ã chũrucua tiha. Ñ yoa sihnirucua tiha. Ñ jia mũa numiare namo tia tiha.

Noé pjiria dohoriapɛ to samuhto pano Cohamacɛ tinare to miohto pano tí jipihtiare masa yoarucua tiha. Tó seheta jirohca pari turi yɛ tɟua tachɛ cũhɛre. **28** Lote to jia tiri pɟa macaina ti jiroto seheta yɛ tɟua tachɛ jiahca masa. Lote to jia tiri pɟare masa chɛ, sihni, nuchɛ, dua, weserire toaa, wũhɛse yoaha. **29** Ti ã yoaro watoi Sodoma wama tiri macai jiroto Lote to wahari dachoi mũano macaa pichaca, picha sohãa poca tãa peri cũhɛ coroto taro seheta tina bui bora ta, tinare wajã pahñonocaa tiha. **30** Yũhɛ masũno Cohamacɛ warocariro wacũenoca yɛ tɟua tachɛ tina yoaro seheta yoaina jiahca masa tí pɟare.

31 'Tí pɟare cũiro to wũhɛ bui macari wapapɛ jiroto wũhɛ puhichapɛ to ya jichɛ tíre nano sãaeno tɟijaro to waha bahrañohto sehe. Tuhsɛ, wesepɛ jiroto cũhɛ tí pɟare to wũhɛpɛ piha taero tɟijaro to waha bahrañohto sehe. **32** Lote namono to waharire wacũga mũsa. **33** Masũno yũhɛre wacũno marieno to mũ sũro to cahmano seheta yoaro pichacapɛ waharohca. Yũ yare ã yoarucuriro sehe jipihtia dachoripe yũhɛ mehne mũanopɛ jirucurohca.

34 'Tí ñamine pũaro cũ casario bui carĩinare cũiro yũhɛre cahmarirore naaihca. Tuhsɛ, yũhɛre cahmaerariro tói tɟuarohca. **35** Tí pɟare pũaro numia cũnoi ti trigore arẽa numiare cũcoro yũhɛre cahmaricorore naaihca. Tuhsɛ, yũhɛre cahmaeraricoroto tóihta tɟuarohca. **36** [Ã yoa wesepɛ pũaro dahraina ti jichɛ cũirota naihca. Cũiro tói tɟuarohca] —niha Jesu.

37 To ã nichɛ to buheina sehe õ sehe ni sinituha tireore:

—¿Nohopɛ ã waharohcari? —ni sinituha tina.

Ti ã nichɛ Jesu õ sehe ni yũhtiha:

—Yucaare mari ñũna, yariariro to pɟacɛ cɟiro jichɛ mari noano masinahca. (Tó seheta ahri mũsare yɛ yahuyurire mũsa ñũna noano masinahca ahri yahpapɛ yɛ tɟua tahto mahanoã to dũhsachɛ cũhɛre) —niha Jesu.

Wapewahyoro to buhiri dahre dutia quitire yahuha Jesu

18 ¹ ã yoa Jesu tinare Cohamacɛre siniare yahuro õ sehe niha:

—Mũsa Cohamacɛre sinina, cohtaga to yũhtihtore. Yoari pɟa cohtapanahca cahyaena tɟiga. Tireore sinina duhuena tɟiga —niha Jesu.

2 To ã nirire buhero taro ahri quiti mehne piti dahre yahuha tinare:

—Pa macapɔ ti buhiri dahre dutiriro jiha. Tiro Cohamacɔre ño payoeraha. ã yoa masa cũhɔre ño payoeraha. **3** Wapewahyoro cũhɔ tɔrɔ jiha. Ticoro tiro cahapɔ sɔroca majareno ɔ sehe niha: “Yũhɔre ñɔ tuhtirirore buhiri dahre dutiga mũhɔ. Yũhɔre ni dɛcataga”, ni sinirucuha ticoro tirore. **4** To ã nichɔ payɔ tahari tiro “Yoasi yũhɔ”, nimaha ticorore. To ã nipachɔta ticoro payɔ tahari ã sinirucuro tirore caribobiario yoaha. To ã caribochɔ, tiro ɔ sehe niha to basi: “Yũhɔ Cohamacɔre, masa cũhɔre ño payoeraja. **5** Yũ ã ño payoerariro yɔ jipachɔta ahricoro sehe yũhɔre caribobiara. Yũhɔre ã cariboro yũhɔre pomea wahachɔ yoarohca ticoro. To ã ni yahusãrucuchɔ ticorore ñɔ tuhtirirore buhiri dahre dutihtja”, niha buhiri dahre dutiriro —niha Jesu.

6 ã nino Jesu tinare ɔ sehe ni yahu namoha:

—ã niha tiro ñariro buhiri dahre dutiriro. To niri cjirire wacũga mɔsa. **7** Tiro yũhɔdo Cohamacɔ sehe to yainare to beseinare ñamipɔ cũhɔre, dachopɔ cũhɔre tirore sinirucuinare yũhtiro, yoadohorohca. **8** Mɔsare niita nija. Cohamacɔre ti siniriro seheta dɔicãta tinare yoadohorohca. ¿To ã yũhtiriro to jipachɔta yũhɔ masɔno Cohamacɔ warocariro ahri yahrapɔ tjua tacɔ Cohamacɔre wacũ tuainare bocabocari yũhɔ? —niha Jesu.

Pɔaro Cohamacɔre ti sinia quitire yahuha Jesu

9 ã yoa pari turi piti dahre buhero ɔ sehe ni yahuha Jesu: “Sã sehe noaina jija. Paina sehe ñano yoaina jira”, ni tũhotuina barore Jesu ɔ sehe ni yahuha:

10 —Cohamacɔ ya wũhɔrɔ pɔaro mɔa Cohamacɔre sinia wahaha. Cũiro fariseo curua macariro jiha. Pairo pũhtoa yare wapa na cohtariro jiha. **11** ã yoa fariseo curua macariro sehe wahcãrɔcɔ sɔ, ɔ sehe ni yahuha Cohamacɔre: “Cohamacɔ, yũhɔ paina yare mahũopea mehne nariro, ñano yoariro, paina namosãnumia mehne wũana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yũhɔ. ã jicɔ mũhɔre ‘Noana’, nija Cohamacɔ. **12** Yũhɔ somanaripe pɔa dachore ne chũeraja, mɔ yare yoacɔ tacɔ.



Tuhsu jipihtia dohse jiape yu wapataa cūhure mahano *(diezmo) wa mɔjaja yuhu mūhure ño payocu”, niha fariseo curua macariro Cohamacure. 13 Å yoa wapa na cohtariro sehe yoa cureroru muhri yo dacsu su, muanorure ñu muoeraha.

* (diezmo) Cūiro diez niñeru tūri wapataro, Cohamacure cū tu waro, tiro diezmo waro nina. Tiro cien tūri wapataro, Cohamacure diez tūri waro, tiro diezmo waro nina. Tó purota jira cū diezmo.

Ã ñu m̄oeraro, to p̄ebuhui c̄jāroca õ, õ sehe ni siniha Cohamac̄re: “Cohamac̄u, ȳuh̄u ñaare yoariro jija. Å jic̄u m̄uh̄u p̄ja ñ̄uga ȳuh̄ure”, niha tiro Cohamac̄re. 14 M̄usare niita nija. Ahriro wapa na cohtariro sehe Cohamac̄u to ñ̄uch̄u buhiri marieriro to ya w̄h̄ar̄u t̄juaa wahaha. Wiho mejeta pairo fariseo curua macarirore “M̄u ñaa buhirire coh̄ahi”, nieraha Cohamac̄u. “Ȳuh̄u noariro waro jija”, ni t̄hoturirore Cohamac̄u b̄oro dahrerohca. Wiho mejeta “Ȳuh̄u ñaare yoariro jija. Å jic̄u tíre tuaro cahyaja” nirirore Cohamac̄u wahchech̄u yoarohca tiro sehere —niha Jesu.

Macanac̄a ya c̄jhtire Cohamac̄re sini payoha Jesu
(Mt 19.13-15; Mr 10.13-16)

15 Å yoa masa ti pohnare wih̄ainac̄are Jesure ña payo dutia ta, to cahar̄u na wihimaha. Ti ã yoach̄u ñ̄ua Jesu buheina tinac̄are na wih̄inare tuhtiha. 16 Ti ã tuhtich̄u ñ̄uno Jesu wih̄ainac̄are p̄jirocaha to cahar̄u. P̄jiroca tuhs̄u õ sehe niha tiro to buheinare:

—Macanac̄a ȳu cahar̄u tajaro. “To cahai wahaena t̄jiga”, niena t̄jiga tinac̄are. Tinac̄a Cohamac̄re ti p̄htoro t̄hotura. P̄htoro Cohamac̄u to s̄ho jiina ahrinac̄a yoaro sehe t̄hotuina baro dihta jira. 17 Potoc̄a niita nija m̄usare. Ahrinac̄a Cohamac̄u ti p̄htoro c̄jhtore cahmana. Ti yoaro sehet̄a m̄usa c̄h̄u Cohamac̄u m̄usa p̄htoro c̄jhtore cahmaerana, p̄htoro Cohamac̄u to noano s̄ho jihtina ne jisi m̄usa —niha Jesu.

Pache puro Jesure sinitu ñ̄uha
(Mt 19.16-30; Mr 10.17-31)

18 To ã niri baharo judio masa p̄htoa mehne macariro Jesure õ sehe ni sinitu ñ̄uha:

—¿Ne noariro, buheriro, jipih̄tia dachoripe Cohamac̄u mehne ji duac̄u, dohse yoaih̄cari ȳuh̄u? —niha tiro.

19 To ã nich̄u Jesu õ sehe ni ȳhtiha:

—¿“Noariro”, ni pisujari m̄uh̄u ȳuh̄ure? Noariro sehe Cohamac̄u dihta jira. 20 Ahri Cohamac̄u dutiare masina m̄uh̄u. “Numia mehne ñ̄ano yoac̄u t̄jiga. Masare waj̄æc̄u t̄jiga. Yacaec̄u t̄jiga. Mah̄noa mehne pairore yahus̄æc̄u t̄jiga. M̄u p̄nc̄s̄um̄are ño payoga”, ni dutira Cohamac̄u —niha Jesu.

21 To ã nich̄u tiro Jesure õ sehe ni ȳhtiha:



—Tíre jipihtiare yu wahma wahmua tariro jiputa yuhdurucaera tihi yuhu —niha tiro.

22 To ã nichu tũhoro, Jesu tirore õ sehe ni yahuha:

—Mahanocã dũsara mũhũre mũ yoa pahũohto. Jipihtiare mũ yare duai wahaga. ã yoacu jipihitia mũ wapatarĩ niñerure pjasuoinare waga. Mũ ã yoachu pjĩro mũ wapataa mũaporũ, Cohamacũ caharũ jiyuahca. Mũ ã yoari baharo yuhu mehne macariro cjihto taga —niha Jesu tirore.

23 To ã nichu tũhoro tiro sehe payũ pache cjuarĩro jiro tíre pjasuoinare wa duaeraro, tuaro cahya, waha wahaha. 24 To ã cahyachu ñũno Jesu õ sehe ni yahuha painare:

—Pache pua Cohamacũ masare puhtoro to noano sũho jiropure ti wahachu basioera curera. 25 Camello sehe awicã copacãre to sãa nuhri wijaa duachu basioerara. To ã jiro yuhdoro pache puero puhtoro Cohamacũ noano to sũho jiropure to waha duachu nu mijobiara —niha Jesu.

26 To ã nichu tirore tũhoina õ sehe niha:

—Cue, mũ nino seheta potocã jichu, ne cũiro masũno Cohamacũ caharũ waha masieraboca —niha tina Jesure.

27 Ti ã nichu Jesu õ sehe ni yũhtiha:

—Masa ti basi ti mũ sũro yuhdu masierara. Wiho mejeta Cohamacũ sehe masare pichacaru wahaborinare yũdo

masina. Tiro jipihtiare noano yoa masi pahñoriro jira —niha Jesu tinare.

28 To ã nichu Pedro tirore õ sehe niha:

—Tuhosiniga. Sã sehe jipihitia sã yare cūnocaa tii mūhu mehne wahana —niha tiro Jesure.

29 To ã nichu Jesu õ sehe niha:

—Potocã mūsare niita nija. Mūsa Cohamacu yare yoana tana mūsa wuhusere, mūsa namosānumiare, mūsa bahanare, mūsa pūcūsumare, mūsa pohinare cūnocarina jina, pjīro wapatanahca mūsa mipure. **30** Mūsa cūriro yūhdoro wapatanahca. ã jina mūsa yariari baharo jipihitia dachoripe Cohamacu mehne jirucunahca mūsa —niha Jesu tinare.

Pari turi Jesu to yariahtore, to masa wijaahcore yahuha

(Mt 20.17-19; Mr 10.32-34)

31 ã yoa Jesu doce to buheinare ti sahsero naaha. ã naano tinare õ sehe ni yahuha:

—Tuhoga yuhure. Mipure mari Jerusalēpu wahana nija. Tópu yuhure masnore Cohamacu warocarirore Cohamacu yare yahu mūhtaina cjiri panopu ti yahuriro cjiro seheta paina ã yoaahca yuhure. **32** Tópu masa yuhure ñahaa, judio masa jieraina sehere waahca yuhure. Yuhure ti wari baharo tina yuhure bājure, ñano ni, yuhure chahcho puti sihōahca. **33** Tuhsu, yuta dari mehne tjana tuhsu wajāahca yuhure. Ti ã wajāri baharo tia dacho wahaboroi masa wijaahca yuhure —niha Jesu tinare.

34 To ã nichu to buheina to yahuare noano tuho ñahaeraha. Cohamacu tīre tinare noano tuho ñahachu yoerasiniha.

Capari ñuerarirore ñuchu yoaha Jesu

(Mt 20.29-34; Mr 10.46-52)

35 ã yoa Jesu cūhu Jericó wama tiri maca cahacāpu sūha. Tóí capari ñuerariro maha dūhtu cahai duji, niñerure sinino niha. **36** ã jiro masa payu to cahai ti yūhdūachu tuhorro tiro sinituha tinare:

—¿Dohse yoaa payu masa yūhdūjari? —ni sinituha tiro.

37 —Jesu Nazare macariro waharo nina —ni yahuha paina tirore.

38 Ti ã ni yahuchu tuhorro tiro õ sehe ni sañurucuha:

—Jesu, Davi cjiro panamino masare yũhdohtiro, yũhure pja ñũga —ni sañurucuha Jesure.

39 To ã nichũ to pano waha mũhtaina sehe, “Dihta mariaha”, ni tuhtiha tirore. Ti ã ni tuhtipachũta tó pano to sañurucuro yũhdo curero sañurucu namoha tjoa:

—Davi cjiro panamino masare yũhdohtiro, yũhure pja ñũga —ni sañurucuha tiro.

40 To ã ni sañurucuchũ tũhoro, Jesu sehe tjuarũcũ sũ, “Pjirocaga tirore”, niha. To ã nichũ tina sehe capari ñũerarirore pji wahcãha. Ti ã pji wahcãchũ tiro Jesu caharũ to sũchũ Jesu sehe tirore õ sehe ni sinituha:

41 —¿Dohse yũ yoachũ cahmajari mũhũ? —niha Jesu tirore.

—Yũ pũhtoro, yũhure ñũchũ yoaga —ni yũhtiha capari ñũerariro.

42 —Ñũga. Yũhure wacũ tuacũ, noariro wahara mũhũ —niha Jesu tirore.

43 To ã nichũta capari ñũerariro ñũa wahaha. ã noariro waharo, tiro Jesu mehne waha, “Cohamacũ tuariro jira”, niha tiro. ã jia masa payũ capari ñũerariro to ñũchũ ñũa “Cohamacũ noariro, tuariro jira”, niha tina cũhũ.

Zaqueo Jesure piti bocaha

19 1 ã yoa Jesu Jericóũ sũ, tí macarũ yũhdũ wahcãno taro niha. 2 Pache pũro Zaqueo wama tiriro pũhtoa ya cjihtire wapa na cohtaina pũhtoro tói jiha. 3 ã jiro tiro Jesure “¿Diro baro jicari?” ni ñũ masino taro Jesure ñũ duamaha. ã to ñũ duapachũta yahparirocã to jichũ masa payũ tirocãre dũcataha. 4 ã jiro tiro masare mũroca yũhdũa waha, sicómoro wama tidũ yucũcũrũ mũjaha Jesure ñũno taro. Baharo curero tũ cahai Jesu yũhdũaro taro niha. ã jiro Zaqueo tũ cohtaro niha. 5 To ã cohta pisaro watoi Jesu sehe tũ dahpotoi sũrũca, Zaqueore ñũroca mũo, tirore õ sehe niha:

—Zaqueo mipũre mũ wũhũi tjuasinihtja yũhũ. ã jicũ cjero duji taga —niha Jesu tirore.

6 To ã nichũ Zaqueo sehe soaro mehne duji ta, tuaro wahchea mehne to wũhũrũ pji wahcãha Jesure. 7 To ã ni piti bocachũ ñũa, jipihtina masa ti basi õ sehe ni durucuha:

—Ahriro Jesu ñaare yoariro ya wũhũrũ tinino waha duara —ni durucuha jipihtina ti basi.

8 Zaqueo sehe piti boca tuhsu tói ducu, Jesure ò sehe ni yahuha:

—Pũhtoro tũhoga yũhũre. Jipihtia yũ yare dacho macai pjasœoinare waihtja. Ā jicu yũhũ pairore cien niñeru tũrire mahño mariro jicu, cuatro cientos niñeru tũrire wapa bui payoihtja tirore —niha Zaqueo Jesure.

9 To ā nichũ Jesu sehe ò sehe ni yahuha tirore:

—Michare mũhũre mũ wũhũi jiina cũhũre pichacapũ wahaborinare Cohamacũ yũhdo tuhsũra. Mũhũ cũhũ Abrahã cjiro coyero jira. 10 Yũhũ masũno Cohamacũ warocariro pichacapũ wahaborinare macai tai nii. Tópũ wahaborinare noano yũhdoi tai nii —niha Jesu Zaqueore.

Niñeru tũri uru tũri quitire yahuha Jesu

(Mt 25.14-30)

11 Ā yoa tirore tũhoinare Jesu paye quiti mehne piti dahre yahuha. Mahanocã dũhsaha Jerusalẽpũ to sũhto. Ā jia tirore tũhoina ò sehe ni tũhotuha: “Pũhtoro Cohamacũ mipũre sũho ji dũcaro taro nina”, ni tũhotuha tina. 12 Ti ā ni tũhotuchũ Jesu ò sehe ni yahuha tinare:

—Cũiro pũhtoro sãhtiro to ya yahpa macaina bui pũhtoro jihtiro yoaropũ waharo taro niha. Tópũre to sũchũ ñũno ti bui pũhtoro tirore pũhtoro sũno taro niha. Pũhtoro sãhtiro ya maca macaina bui pũhtoro sũno taro niha tirore. Baharo to ya wũhũpũ tju wihiro taro niha. 13 Wahmanore to wahahto pano pũhtoro diez dahra cohtainare pjirocaha. Ā pjirocaro, tiro tinare cãinare típe tũri niñeru tũri wapa bũjũa tũri uru tũrire waha. Wa tuhsũ, ò sehe ni yahuha tinare: “Yũhũ yũ mariachũ ahri niñeru mehne mũsa wapata namohtire macaga”, niha tiro dahra cohtainare. 14 Pũhtoro sãhtiro to jipachũta to ya maca macainata tirore cahmaeraha. Ā cahmaeraa, ti warocahtinare tirore pũhtoro sũhtirore yahu dutia warocaha. “Ahriro sã pũhtoro jichũ cahmaeraja sã”, niha tina ti yahu duti warocaina sehe. 15 Ā ti cahmaerapachũta baharo ti pũhtoro sãaha tiro. Ā pũhtoro sãa tuhsũro tiro to wũhũpũ tju taha. Ā tju wihiro tiro dahra cohtainare to niñeru mehne ti wapata namoare masino taro, tinare pjirocaha. 16 To pjirocari baharo, wihi mũhtariro tirore yahuha: “Pũhtoro mũ niñeru tũ, yũhũre mũ wari tũ mehne diez tũri wapata namohi yũhũ”, niha dahra

cohtariro to pũhtorore. 17 “Noano yoari jire mũhũ. Mũhũ noariro dahra cohtariro jira. Mũhũ mahanocã mehne yũ dutiriro seheta yoa pahñoriro jicũ mipũ diez macari macaina ti pũhtoro cjihto wahaihca mũhũ”, niha pũhtoro dahra cohtarirore. 18 To baharo wihiriro tiro mehne macariro õ sehe niha: “Pũhtoro, mũ niñeru tũ, yũhũre mũ wari tũ mehne cinco tũri wapata namohi yũhũ cũhũ”, ni yahuha to pũhtorore. 19 “Cinco macari macaina pũhtoro cjihto wahaihca mũhũ”, niha pũhtoro tirore. 20 To ã niri baharo paio dahra cohtariro wihi, õ sehe ni yahuha: “Pũhtoro, mũ niñeru tũ õi jira. Suhtiro cahsaro mehne coma, tí tũre wihbohi. 21 Mũhũ tuaro dahra dutiriro jira. Paina yare mana mũhũ. Tuhsũ, tuaro dahra dutiriro jicũ dahraerariro jipacũta mũhũ paina ya dahrari wapare nana. Æ yoa toaerariro jipaihta dichare nariro jira mũhũ. Æ jicũ mũhũre cui nihi”, niha to pũhtorore “Wapataerahi yũhũ”, ni yahuro. 22 “Mũhũ ã nicũ ñano yoariro jira mũhũ. Yũhũre mũ ã niri buhiri mũhũre buhiri dahreihitja yũhũ. Yũhũ mũhũre tuaro dahra dutiriro yũ jichũ masina mũhũ. Paina yare yũ nachũ toaerariro jipai dichare nariro yũ jichũ masina mũhũ. 23 Yũ ã jiriro jichũ ñũpacũta ya tũre niñeru wihbori wũhũrũ cũerare mũhũ. Tíre ti wasori wapa wapata namoboa mũhũ. ¿Dohseacũ ã yoaerari mũhũ? Tíre mũ yoachũ tju wihicũ wapata namoboa yũhũ”, niha ti pũhtoro. 24 Æ ni tuhsũ tiro cahai ducuinare dutiha: “Niñeru tũre maga tirore. Diez tũrire cjuarirore waga”, niha pũhtoro. 25 To ã nichũ tina sehe õ sehe ni yahuha tirore: “Pũhtoro, diez tũri cjuariro payũ cjuũ tuhsũra”, niha tina. 26 Ti ã nichũ pũhtoro õ sehe ni yũhtiha: “Mũsare niita nija. Jipihtina cjuainare wa namoihtja. Cjuæarariro sehere mahanocã to cjuapachũta tíre maihtja. 27 Mipũ pinihta yũhũre ñũ tuhtiinare yũhũre ti pũhtoro ji dutierainare yũ cahai na tahga. Æ yoana yũ ñũrocaroi wajãga tinare”, niha pũhtoro dahra cohtainare —ni buheha Jesu.

Jerusalẽpũ sũha Jesu

(Mt 21.1-11; Mr 11.1-11; Jn 12.12-19)

28 Æ ni tuhsũ Jesu paina pano Jerusalẽpũ wahaha. 29 Æ yoa tina Jerusalẽpũ ti sũhto panocã tũcũ Olivo wama tidũ dũhtũ cahai jiri maca Betfagẽ wama tiri maca cahai, ã jichũ Betania wama tiri maca cahai sũ mũhtaha. Tí macari pũa maca cahai

Jesu sũro, to buheina pũarore warocaró taro, ò sehe ni yahu quihõha:

30 —Sí macapũ burrocãre nana wahaga. Tópũ sũna, burrocãre ti dũhte daporirocãre boca sũnahca. Tiro ne cũiro ti pisamahnoerarocã jica. Tirocãre bocana, yuta dare pjã, na tabasaga yũhũre. 31 Tirocãre mũsa pjãchũ ñũno, cũiro dohse jiro “¿Dohse yoana tana burrocãre dũhte daporí dare pjãjari mũsa?” to nichũ tũhona ò sehe ni yũhtiga tirore: “Mari pũhtoro burrocãre cahmarocasinire”, ni yahuga tirore —ni yahu duti warocaha to buheina pũarore.

32 To ã nichũ tina pũaro sehe to niriro pũ sũha. Ti ã sũchũ jipihtia Jesu to niriro seheta wahaha. 33 Æ jia tina tirocãre ti pjãchũ ñũna tirocã pũna tinare ò sehe ni sinituha:

—¿Dohse yoana tana burrocãre dũhte daporí dare pjãjari mũsa? —ni sinituha tina.

34 —Mari pũhtoro burrocãre cahmarocasinire —ni yũhtiha tina.

35 Æ ni yahu tuhsũ tirocãre Jesu cahapũ na sũha. Na sũ tuhsũ ti bui sãa suhtire tirocã bui pjũpaha payo tuhsũchũ ñũ, Jesu sehe tirocã bui to mũja pjachũ yoadohoha tina. 36 Jesu tirocã bui to pisachũ to wahahto pano masa ti bui sãa suhtire tjuwe na, to wahahti mahai saño cũ mũhtaha, Jesure ño payoa. 37 Tina Jerusalẽ cahacãpũ sũ, Olivo wama tidũi dujiari mahapũ sũha. Tópũ Jesu to buhechũ tũhoina payũ jipihtia Cohamacũ tuua mehne to yoa ñorire, noaa to yoarire ti ñũri cjirire wacũa, Cohamacũre “Noariro, tuariro jira”, ni sañurucuha. Æ yoa Cohamacũre ño payoa, ò sehe ni sañurucuha:

38 —Ahiro Cohamacũ to warocariro, mari pũhtoro noano jijaro. Mũano macaina noano jijaro. Mũano macariro Cohamacũ, mũhũ tuariro waro jira —ni ño payoha tina.

39 Ti ã nichũ tũhoa fariseo curua macaina mahainacã ti watoi jiina Jesure ò sehe ni yahuha:

—Buheriro, mũ buheinare dihta mariea dutiga —niha tina.

40 —Mũsare niita nija. Tina ti sañurucuerachũ tãa peri sehe sañurucuboa —niha Jesu fariseo curua macainare.

41 Æ ni tuhsũ Jesu Jerusalẽ cahacãpũ sũ, tí macare ñũrocaro, tiha. 42 Ò sehe niha tiro:

—Jerusalẽ macaina mipũ pinihtare mũsare pichacapũ wahaborinare Cohamacũ to yũhdohtore mũsa masichũ noa yũhũnaboa. Æ jipachũta mipũre mũsa tíre ne tũho duaerare.

Ã jiro Cohamacu tíre mʉsare masi dutierare. ⁴³ Mʉsare ñu tuhtiina mʉsa jiri macare soroahca. Ã yoaa mʉsare tina wijaaro wasi. ⁴⁴ Tí pjata tina mʉsa ya macare cohã pahñoahca. Mʉsa cãhure wajãahca. Mʉsare ñu tuhtiina noano cohã pahñoahca mʉsa ya macare. Cohamacu pichacaru wahaborinare mʉsare to yũdohtore mʉsa masi duaerare. Mʉsa masi duaerari buhiri mʉsare ñu tuhtiinare Cohamacu mʉsare cohã dutirohca —niha Jesu Jerusalẽ macainare.

Cohamacu wũhuru Jesu sũha

(Mt 21.12-17; Mr 11.15-19; Jn 2.13-22)

⁴⁵ Ã yoa Jerusalẽru sũro, Jesu Cohamacu wũhuru sãa wahaha. Ã yoaro pache duainare tí wũhuru jinare boca sũro, tinare cohã wionocaha. ⁴⁶ Õ sehe niha tiro tinare:

—Õ sehe nina Cohamacu yare ti joari pũi: “Yũ wũhu Cohamacu mehne durucuri wũhu wama tirohca”, niha to yare ti joari pũi. To ã nipachuta mʉsa sehe ahri wũhui duana, mʉsa basi cahma yacara mʉsa —niha Jesu.

⁴⁷ Ã yoa dachoripe Cohamacu wũhuru Jesu buheha. Ã jia sacerdotea pũtoa, judio masare buheina, masa pũtoa cãhu tirore ti wajãhti cjihtire wacũ macaha. ⁴⁸ Masa jipihtina tirore ã tũhorucua, to buheare noano tũho nũnũina jiha. Ti ã noano tũho nũnũchu ñua, Jesure wajã duaina sehe tirore ti wajãhtire bocaerasiniha.

Sacerdotea pũtoa, judio masare buheina, bũcũna mehne Jesure sinitu ñũha

(Mt 21.23-27; Mr 11.27-33)

20 ¹ Pa dachoi Cohamacu wũhui Jesu masare noaa buheare buhero niha. To ã buhechu sacerdotea pũtoa, judio masare buheina, bũcũna mehne tiro caharu wihia, tirore õ sehe ni sinitu ñũha:

² —Yahuga sãre. ¿Dohseacu canure ã yoari mũhu? ¿Noa mũhure tíre ã yoa dutiri? —niha tina Jesure.

³ Ti ã nichu Jesu õ sehe ni yũhtiha tinare:

—Mʉsa sehene sinitu mũhtaitja. Yahuga yũhure. ⁴ ¿João masare to bautisachu diro baro sehe tirore bautisa dutia tiari, mʉsa tũhotuchu? ¿O Cohamacu dutiera tiari? ¿O masa sehe dutia tiari, mʉsa tũhotuchu? —ni sinituha Jesu tinare.

⁵ To ã nichu tina sehe ti basi õ sehe niha:

—¿Dohse ni yuhtinahcari mari? “Cohamacu Joãore dutia tiri jire”, mari nichu, “¿Dohseana Cohamacu Joãore to dutipachuta tirore tuho duaerari musa?” niboca Jesu marine. Ñ jina “Cohamacu Joãore dutia tiri jire”, ni yuhti masieraja mari. ⁶ Ahrina masa sehe “Potocãta João Cohamacu yare yahu muhtariro jira”, ni tuhotura tina. Ñ ni tuhotua “João to bautisachu Cohamacu tirore dutierari jire”, mari nichu tuhoa marine tãa mehne docaboca masa. Ñ jina tí cũhure yahu masieraja mari —ni durucuha tina ti basi.

⁷ Ñ ni durucu tuhsua tina Jesure õ sehe ni yuhtiha:

—Joãore bautisa dutirirore sã masieraja —niha tina.

⁸ Ti ã nichu Jesu õ sehe ni yuhtiha:

—Tí pja pinihta yuhu cũhu musa sinitu muhtarire yahueraja musare. Ahrire yu yoirire dutirirore yahueraja musare —niha tiro tinare.

Ñaina dahra cohtaina quitire yahuha Jesu

(Mt 21.33-44; Mr 12.1-11)

⁹ Ñ yoa Jesu to tuhotua mehne piti dahre õ sehe ni buhe dũcaha masare:

—Wese pũro se dari cjihtire toaha. Toa tuhsu, tí wesere painare cũ buhũsehe coa pahma cũha. Pahma cũno tí wesere tinare ñu wihbo dutiha. Ñ duti tuhsu pa yahpau waha, yoari pja bajueraha. ¹⁰ Tuhsu, se ñiri pja jichu wese pũro to cahamacunore wesere ñu wihboina cahapu warocaha.

Wese macaa to toaa dichare to ya coa macaare na dutiro warocamaha. Ñ jia ñu wihboina sehe to cahamacunore wiho piti boca cjãnocaha tirore. Ñ cjãnoaa, tina tirore dichare waerapahta tjuaa dutiha tirore. ¹¹ Ñ jiro wese pũro paio to cahamacunore tí wese macaa toaa dichare na dutiro warocamaha tjoa. Ñ jia wesere ñu wihboina tiro cũhure cjã, ñano yoaha. Ñ yoa tuhsu tirore tí dichare waerapahta tjuaa dutiha tjoa. ¹² Tirore ti ã yoari baharo wese pũro paio cahamacunore warocamaha tjoa. To ã warocachu ñua, wesere ñu wihboina sehe tiro cũhure cami dahre, tí wese dũhtu cahai cohãnocaha tirore.

¹³ 'Tí ã yoari baharo wese pũro õ sehe ni tuhotumaha: “¿Dohse yoaihcari yuhu? Ñ sehe yoaihtja. Yuhu yu macure yu cahĩrirore warocaihtja. Tina tirore ño payoboca”, ni tuhotumaha wese pũro sehe. ¹⁴ Ñ jia to macunore to

warocaritore to sũchũ ñũa ñũ wihboina sehe ti basi õ sehe ni durucuha: “Ahriri wese pũro macũno jira. Baharo ahri wesere cjuah tiro jira. Tirore wajãjihna. Mari ã yoachũ ahri wese mari ya wese tjuarohca”, nimaha tina ti basi. 15 Ñ ni tuhsũa wese pũro macũnore wese dũhtũ cahai cohã, wajãnocaha tirore. ¿Ti ã yoachũ ñũno dohse yoarohcari wese pũro wesere ñũ wihboinare? —niha Jesu.

16 —Tiro wesere ñũ wihboinare wajãno taro, paina sehere wesere ñũ wihbo dutirohca —ni yũhtiha Jesu to basi.

To ã nichũ tũhoa masa sehe õ sehe niha:

—Marine ã wahaero tjjaro —niha tina.

17 Ti ã nichũ Jesu sehe tinare õ sehe ni sinituha:

—¿Cohamacũ yare ti joari pũre õ sehe ni durucua, dohse nino nijari, mũsa tũhotuchũ?:

“Ahriri Cristo tãca yoaro seheta jira.

Tãcare wũhũ dahreina ti cohãno seheta masa tirore cohãahca.

Ti ã yoapachũta mipũre wũhũ dahreina wũhũre

yoaa ti cũ mũhtari tãcare ti cũno seheta

Cohamacũ tirore pũhto sũhre”,

ni joaha. 18 Jipihtina tia tãca bui bora pjainare payũ dihicã peri yihsorohca tia tãca. Tuhsũ, tia tãca masũno bui bora pjaro, tahãnocanohca tirore. Ñ tahãno to pjacũ cjirore daa manaricã wahachũ yoarohca. (Tó seheta yũhũre cahmaeraina, yũ buhiri dahrehtina ñano yũhdũahca) —niha Jesu.

Pũhtoa ya wapare paina sinituha Jesure

(Mt 21.45-46; 22.15-22; Mr 12.13-17)

19 To ã nichũ tũhoa judio masare buheina sacerdotea pũhtoa cũhũ, “Jesu wesere ñũ wihboina quiti mehne marine tuhtiro nina”, ni tũhotuha tina. Ñ ni tũhotua tina Jesure ñaha duamaha. Ñ ñaha duapahta tina masare cui niha. 20 Ñ cuia, Jesure ti ñahahtí pjare cohtasiniha tina. Ñ jia tina quihõno yoina yoaro sehe ji mahõno dutiha painare. To ñano ni yũhtichũ yoa duaa nimaha tirore yahusã duaa. Ñ jia Jesure sinitu dutia warocaha mahõnoinare. Jesu ñano to ni durucuchũ tũhoa tí yahpa macaina bui pũhtoro peresu yoa dutia taa nimaha. 21 Ñ jia tina Jesure mahõno cũ õ sehe ni sinitu ñũmaha:

—Buheriro, potocã durucuriro, mahõno marieriro mũ jichũ sã masija. Ñ jicũ wiho jiinare, pũhtoa cũhũre cũno potori yoara

mũhũ. Mũhũ Cohamacũ yare potocã mũ buhechũ cũhũre sã masija. 22 Yahuga sãre. ¿Ne, Roma macaritore jipihtina bui pũhtoroore gobierno macaare marine waparo cahmajari, mũ tũhotuchũ? ¿Mari dutia wapa dutijari, mũ tũhotuchũ? —ni sinituha tina Jesure.

23 Ti ã nichũ tũhoro Jesu ti ñano yoa duaare masino, tinare õ sehe ni yũtiha:

24 —Mipũre niñeru tũre na tahga. Tí tũre ñũjihna —niha.

Tí tũre ti na wihichũ ñũno õ sehe niha Jesu:

—¿Diro baro masũ wahãjari ahri tũre? ¿Diro baro wama wahãjari? —niha Jesu tinare.

—César, masa bui pũhtoro jiriro ya masũ, to wama cũhũ wahãna —ni yũtiha tina.

25 Ti ã nichũ Jesu õ sehe ni yahuha:

—Tí pja pinihta masa bui pũhtoro yare tiro sehere waga. Cohamacũ yare Cohamacũ sehere waga —niha Jesu tinare.

26 ã to noano yũhtichũ, masa ti ñũrocaroi Jesure ñano ni durucuchũ yoa masieraha tina. ã jia Jesu yũhtiare tũhoa, tina cũaa waha, dihta mariea wahaha.

Saduceo curua macaina Cohamacũ to masoare sinituha Jesure
(Mt 22.23-33; Mr 12.18-27)

27 ã yoa mahainacã saduceo curua macaina Jesu cahapũ wihiha. “Cohamacũ yariainare masosi”, ni tũhotuina jiha saduceo curua macaina. ã jia tina õ sehe niha tirore:

28 —Buheriro, õ sehe ni buhea tiha Moise cjiro: “Cũiro to wahmino namo tirore pohna mariaparota to yariachũ ñũno to bahũrore to wahmino namono cjirore ñũoano cahmana. ã yoaro to wahmino mũnãno to pohna tiboro seheta pohna tiro cahmana to bahũrore. ã jia to pohna to wahmino mũnãno pohna yoaro sehe jiahca”, ni joaa tiha Moise cjiro —niha tina.

29 Tíre ni tuhsũ ahri quitire yahu namoha tjoa Jesure:

—Cũiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. 30 ã jiro paio to bahũro cũhũ to wahmino namono cjirore ñũoaha. To ã ñũoari baharo to wahmino yoaro seheta pohna mariaparota tiro cũhũ yariaa wahaha. 31 ã jiro ahriro bahũro cũhũ to wahmino mũnãno yoaro seheta pohna mariaparota yariaa wahaha. ã dihta wahaha cũiro pohna waro. Ne pohna mariapahta yaria pihtia wahaha. 32 Ti namono cjiro cũhũ ti baharota yariaa wahaha.

33 ¿Ne Cohamacu jipihtinare yariaina cjirore to masochu diro namono sehe jibocari ticoro pototi? Tina jipihtina ticorore namo tirina cjiri jiha. ¿Ã jiro diro baro namono jirohcari? —ni sinituha tina.

34 Ti ã nichu Jesu õ sehe ni yuhtiha:

—Mipru macaina wamomaca duhtera. 35 Ti ã duhtepachuta paina sehe pa turu macaina sehe ã jierara. Paina mure, numia cuhure to yainare Cohamacu ñaa marieina jichu yoarohca. Tina ti yariari baharo masa mijaahca. ã yoa tina toru wamomaca duhterara. 36 ã jia tina anjoa yoaro sehetu ne yariasi. Tina Cohamacu to masorina jia, Cohamacu pohna jira. 37 Mipure yariarina cjiri ti masa wijaahca sehere musare yahuihtja. Tíre Moise cjiro noano yahu pahnoa tiha. To mahaducã juri quitire õ sehe ni yahua tiha tiro: “Yuhu Abrahã, Isaa, Jacobo ti puhtoro tjija’, ni yahure Cohamacu yuhure”, ni joaa tiha Moise cjiro. 38 Ti yariari baharo “Ti puhtoro tjija”, ni yahua tiha Cohamacu. ã niparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Jipihtina masa catira Cohamacu to ñuchu —niha Jesu tinare.

39-40 To ã nichu tina sehe pari turi Jesure sinitu duaeraha. ã jia mahainacã judio masare buheina õ sehe niha:

—Buheriro, mahu noano yuhtihre —niha tina Jesure.

¿Diro baro coyero jijari Cristo?

(Mt 22.41-46; Mr 12.35-37)

41 Baharo Jesu õ sehe ni yahuha tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari? 42 Davi cjiro to basi Salmoru to joari tjuhu õ sehe ni joaa tiha:

“Cohamacu yu puhtorore õ sehe nire: ‘Õi yu potu buhusehei dujiga.

43 ã jicu mure ñu tuhtiinare mure yuhducabasaihca yuh’, nire Cohamacu yu puhtorore”,

ni joaa tiha Davi cjiro. 44 ã ni joaro Davi cjiro puhtoro tiha Cristore. Davi cjiro Cristo ñuchuno cjiro jiparota Cristore puhtoro tiha. ¿Davi cjiro Cristo ñuchuno cjiro jiparota dohse jiro baro tiro puhtoro tiari Cristore? —ni yahuha Jesu. (Cristo sehe Davi cjiro puhtoro jira.)

Judio masare buheina ti ñaa yoare yahuha Jesu

(Mt 23.1-36; Mr 12.38-40; Lc 11.37-54)

45 Masa payu Jesure ti tuhoru watoi Jesu sehe to buheinare ò sehe ni yahuha:

46 —Mari judio masare buheina ti ñaa yoare ñña noano wacũ masiga. Ñ jina ti yoaro sehe yoarena tjiga. Tina yoaa suhti sãa, masa ti ññurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. Ñ cahmaina jia, tina mari judio masa buhea wuhusei noaa dujia dihtare bese duji duara. Tuhsu, bese namu jichu tó cũhure noaa dujia dihtare cahmana. 47 Tina wapewahya numia ya wuhusere ti ya cũhure mana tí numiare. Ñ yoaina jia, tina masa ti ññurocaroi yoari pja Cohamacure sinimana masare ññ dutia. Ti ñ yoachu tinare Cohamacu pjíro buhiri dahrerohca —niha Jesu tinare.

Wapewahyoro Cohamacu wuhui to warire yahuha Jesu

(Mr 12.41-44)

21 1 Ñ ni yahu tuhsu niñeru wihbori caroi pache puã ti niñerure ti duhu sãachu ññ dujiro niha Jesu. Tí niñeru Cohamacu wuhure ti cahnochũ ti wapahti jiha. 2 Ñ ñño wapewahyoro pjacuoricoro to puã tucãre to duhu sãachu cũhure ñña. 3 Tíre ññ tuhsu ò sehe ni yahuha:

—Potocã niita nija musare. Ahricoro wapewahyoro pjacuoricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. 4 Paina pache puã pjíro ti wapachuta ti ya pjíro dũhsara. Ahricoro sehe pjacuoricoro jiparota jipihtia to chuhtire to nuchũboacãre wa pahñohre —ni yahuha Jesu.



“Cohamacu wuhu cohãri wuhu jirohca”, niha Jesu

(Mt 24.1-2; Mr 13.1-2)

5 ã yoa paina Cohamacu wuhure õ sehe ni ñua niha:

—Noaa tãa mehne yoari wuhu, noacari wuhu jijari. Masa Cohamacu ya wuhu cjihtire ti wari cjiri cũhu tí wuhupure noaca cũri jira —ni durucua niha.

Ti ã nichu Jesu õ sehe ni yahuha tinare:

6 —Ahri jipihtia mari ñuri cjiri wuhuse, ahri tãa cũhu cohõ pihtia wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Mr 13.3-23)

7 To ã nichu tũhoa tina sehe õ sehe ni sinituha tirore:

—Buheriro, ¿dohse jichu mu niriro sehe waharo ã waharohcari? ¿Pihtiri dacho panocã jichu dohse to waha ducachu ñunahcari sã? —ni sinituha tina Jesure.

8 Jesu õ sehe ni yũtiha tinare:

—Noano yoaga m̄sa. ã jina m̄sare paina ti mahñoare tũhoena tjiga. Payu masa “Cristo jija yũhu”, niina taahca. ã nia, “Mipure pihtiri dacho cjihto mahanocã dũhsara”, niahca. Ti ã nichu tinare tũhoena tjiga. 9 ã yoa paina “Cahma wajãa nina”, m̄sare niahca. “Mipure pũhtoare masa cohãa nina”, niahca. M̄sa tíre tũhona cuiena tjiga. Pihtiri dacho pano õ sehe waha m̄htanohca. To ã wahachu pihtiri dacho cjihto dũhsasininohca mini —niha Jesu.

10 ã ni tuhsu õ sehe ni yahu namoha:

—Cũ yahpa macaina pa yahpa macaina mehne cahma wajãahca. 11 Tuhsu, tuaro yahpa ñuhmi, masa payu jũca mehne yaria, jipihtiro macaina dohatiahca. ã yoa m̄ano macaa bajuamehneare masa ñua, ñu cãaa wahaahca.

12 Ahri jipihtia ti ã wahahto pano, paina m̄sare ñaha, ñano yoahca. Tuhsu, mari judio masa buhea wuhusei tina m̄sare yahusã, peresu yoahca m̄sare. Ti ã yoachu yahpari macaina pũtoa panoi, macari macaina pũtoa panoi ducunahca m̄sa ti yahusãhtina. Yu yaina m̄sa jiri buhiri ã yoahca. 13 Ti ã yahusãchu m̄sa sehe noaa buheare tinare yahunahca. 14 Tí pjare m̄sare ti yahusãchu pũtorore m̄sa yũtihtore “Yahu masieraboca”, ni tũhotuena tjiga m̄sa. 15 Yũhu m̄sare yahubasaihtja. M̄sare ã yoadohocu tũho

masiare, noaa durucua cūhure mūsare yahuchū yoaihtja. Mūsa ā yoachū mūsare ñū tuhtiina sehe mūsa durucua tūho, “Tí potocā jierara”, ni yūhti masisi. 16 Tí pjare mūsa p̄c̄s̄uma, mūsa bahana, mūsa coyea, mūsa mehne macaina cūhū mūsare ñū tuhtiinare waahca mūsare yū yaina mūsa jiri buhiri. Tí ā yoachū mūsare ñū tuhtiina mūsa mehne macainare painare wajāahca. 17 Ā yoa yū yaina mūsa jichū ñūa, jipihtina mūsare ñū tuhtiahca. 18 Mūsare ā ñū tuhtipahta ne mahanocā mūsare ñano yoasi. 19 Ā jina Cohamacure wacū tuaina jiga mūsa. Mūsa ā yoana, Cohamacū mehne ā jirucunahca.

20 Ā yoa payū surara Jerusalēpū ti soroachū ñūna, Jerusalēne ti cohāhto to mahanocā dūhsachū masinahca mūsa. 21 Tí ā yoachū ñūa Judea yahpai jiina tūyucū cahapū m̄roca duhtijaro. Ā yoa Jerusalēi jiina wahajaro. Ā yoa campoi jiina Jerusalēpū wahaeta t̄jijaro ti waha bahrañohto sehe. 22 Tí dachorihī buhiri dahrea dachorihī jipihtia Cohamacū yare ti joari pū to niriro cjiro seheta ā waharohca. 23 Jipihtiropū ahri yahpai ñano yūhdūahca. To ā wahachū, niji wahcōa numia, ti poh̄nare pūina numia cūhū pjac̄oro wahaahca. 24 Paina ahri maca Jerusalē macaina mehne cahma wajāahca. Ā cahma wajāa, paina ahri maca macainare jipihtia yahparipū na wahcā, peresu yoahca. Ā jia judio masa jieraina Jerusalēne ñano yoa, tinare yūhdūcaahca. Judio masa jieraina ya dacho to pihtichūpū Jerusalē macainare ñano yoa duhuahca —ni yahuha Jesu.

Jesu yahpapū to t̄jua tahtore yahuha

(Mt 24.29-35, 42-44; Mr 13.24-37)

25 Ā ni yahu tūhsū, tinare ō sehe ni yahu namoha:

—Tí pjare sū dacho macariro, ñami macariro, ñahpichoha cūhū cohtotaahca. Jipihtina ahri yahpa macaina “Cue, yarianahca”, ni tūhotuina pjiri ma macaa pahcōri cuaro choro ti bisiro coa tachū tūhoa tuaro cuiahca. 26 Tí pjare m̄ano macaa yahpari, ñahpichoha cūhū tuaro ñuhmiahca. Tí ā wahachū ñūa, masa sehe ahri yahpa to pihtitore cohtaa, tuaro cuiahca. 27 Tí pjata yūhū masūno Cohamacū warocariro Cohamacū tuaa mehne to si sitea mehne yū tachū ñūahca masa. 28 Ahri ti ā waha dūcachū ñūna, wacū tuaina jiga. Ā jina m̄anopū ñūga. Tí pjare Cohamacū mūsare pichacapū wahaborinare to yūhdohto mahanocā dūhsarohca —niha Jesu.

29 Ñ ni tuhsu ahri quití mehne piti dahre buheha Jesu:

—Higueracure, paye yucu cūhure tūhotuga mūsa. 30 Tí yucuri pūri tichu ñna, cūhma cjihto to mahanocā dūhsachu masina mūsa. 31 Tó seheta ahri jipihtia yu niri cjirire ti ã wahachu ñna, Cohamacu masare pūhtoro to noano sūho jikti pja mahanocā dūhsachu masinahca mūsa.

32 'Mūsare potocā niita nija. Tí pja macaina ti yariahto pano jipihtia yu niriro seheta ã waharohca. 33 Mūano, ahri yahpa cūhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

34 'Yu tjuatahti dachore ne masierara mūsa. Ñ jina noano yoaga. Bose nūmūrine bujua yoarucuena tjiga. Ñ jina cahaena tjiga. Ahri yahpa macaare pjiro tūhotuena tjiga. Mūsa yu niriro seheta yoana, wacūenoca ahri yahrapu yu tachu mūsa ne cūasi. 35 Wahiquirore yurida wahiquirore wacūenoca to tūa suhoro seheta wacūenoca taihca yūhu. Jipihtina ahri yahpa macaina ti masieraro watoi tí dachoi wacūenoca ã waharohca. 36 Noano wacū masi cohtaga. Ñ jina Cohamacure ahrire ã sinirucuga: “Ahri pihtiri dachore ã wahachu yūhure yoadohoga. Tūaare waga yūhure ahrire noano yu yūhdūhti cjihtire. Tuhsu, Cristore mū warocarirore cuiro marieno yūhure piti bocachu yoaga”, ni siniga Cohamacure —niha Jesu.

37 Ñ yoa tí dachore Cohamacu wūhūi Jesu buheha tiha. Ñaminipe buhe tuhsuro Olivo wama tidu tūcūpu waha, tóru ji bohrea tiha. 38 Bohrea taharipe jipihtina masa Cohamacu wūhuru tirore tūhoa waha tiha.

Sacerdotea pūhtoa, judio masare buheina mehne wajā duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

22 1 Ñ yoa tí pjare bucaerari pāore ti chūhti bose nūmūri mahanocā dūhsaha. Tí bose nūmūri pascua wama tiha. 2 Ñ jia sacerdotea pūhtoa, judio masare buheina mehne Jesure wajā duaa, ti wajāhtore wacū macaha. Jesure wajā duapahta, masa sehene cuiha, “Suari”, nia.

3 Ñ yoa watino Juda Iscariotere ñano to yoa dutichu Juda sehe yūhtiha tirore. Juda doce buheina mehne macariro jimaha. 4 Ñ yoa tiro sacerdotea pūhtoare, Cohamacu wūhu macaina surara pūhtoa mehne cūhure sūhūduro wahaha.

Ti cahapɛ sɛ, tinare Jesure to ñohtore sɛhɛduha tina mehne. 5 To ă nichɛ tɛho, tina wahche, “Mɛhɛre niñerure wapanahɛja”, niha tina Judare. 6 Ti ă nichɛ Juda “Jai, tirore mɛsare ñoihtja”, ni masa ti ñneraro watoi Jesure ñɛ tuhtiinare to ñohti ñamine cohtasiniha.

Jesu buheina mehne to chɛ batoari nɛmɛ jiha

(Mt 26.17-29; Mr 14.12-25; Jn 13.21-30; 1Co 11.23-26)

7 Bɛcaerari pão bose nɛmɛri ti ji dɛcari dacho jiha. ă jiro pascua macaina cjihtire ovejare ti chɛhtinare ti wajãhti nɛmɛ jiha. 8 Tí pjata Pedrore, João cɛhɛre Jesu ẽ sehe ni yahuha:

—Bose nɛmɛri mari chɛhtire cahnoyuna wahaga —niha Jesu tinare.

9 —¿Mari pascua macaa chɛhtire noho baroi cahnoyu dutirocaijari mɛhɛ sãre? —ni sinituha tina tirore.

10 Ti ă nichɛ Jesu ẽ sehe ni yãhtiha:

—Jerusalẽpɛ mɛsa sɛchɛ co situ wɛariro mɛsare piti bocarohca. To piti bocachɛ tiro mehne wahaga. 11 ă wahana tiro to sɛho sãari wɛhɛpɛ sɛna tí wɛhɛ pɛrore ẽ sehe ni yahuga. “¿Dí tahtiai yɛhɛ yɛ buheina mehne pascua macaa chɛare chɛnahcari?” ni sinitu dutirocahre buheriro”, niga tí wɛhɛ pɛrore. 12 Mɛsa ă nichɛ tɛhoro, tópɛ mɛano macari tahtiare pjiri tahtiare, noano ti cahnoyuri tahtiapɛre mɛsare ñonohca wɛhɛ pɛro. Tóí mari chɛhti cjihtire dahrega mɛsa —niha Jesu tinare.

13 To ă nichɛ tina tí macapɛ wahaha. Tópɛ ti sɛchɛ tinare to niriro seheta wahaha. ă jia tina pascua macaa chɛare dahreha.

14 Ti chɛri pja jichɛ Jesu doce to buheina mehne chɛ dujiha. 15-16 Tópɛ ti chɛropɛ dujiro Jesu tinare ẽ sehe ni yahuha:

—Mɛsare niita nija. Ahri pascua bose nɛmɛrine mari dahreja Cohamacɛ to yainare to yɛhdohtore wacɛna. Baharo Cohamacɛ masare pɛhtoro to noano sɛho jiropɛ to yainare yɛhdo tuhsɛrohca. To ă yɛhdohto pano ahri nɛmɛri baro macaare pari turi chɛeraja yɛhɛ. ă jicɛ mipɛre ñano yɛhɛ, yɛ yariahto pano ahri pascua macaa chɛare mɛsa mehne tuaro chɛ duaa tihi —niha Jesu.

17-18 ă ninota Jesu sihniri wahware na, Cohamacɛre “Noana”, ni sini, tinare ẽ sehe ni yahuha:

—Músare niita nija. Cohamacu jipihtina bui pũhtoro to noano sũho jihto pano ahri vinore ne pari turi sihnisi yũhũ. ã jina ahri vinore na, mũasa basi witi, sihniga —niha Jesu.

19 ã ni tuhsũ pão curire na, Cohamacure “Noana”, niha. ã ninota, tí curire nuha, witiha tinare. Tí curire witirota, tinare õ sehe ni yahuha:

—Ahri yũ pjacu jira. Yũ pjacu yũhũre ñũ tuhtiinare ti wari pjacu jirohca. Mũasa ñaa yoari buhirire cohãcu tacu yariaihca yũhũ. ã jina yũhũre mũasa wacũhti cjihtire ahrire chũga —niha Jesu.

20 ã chũ tuhsũ tó sehetã tiro tinare sihniri wahwa cũhũre waha. ã waro, tinare õ sehe ni yahuha:

—Mũasa ñaa buhirire cohãcu tacu yariaihca. ã yoacu yũ dire cohãihca. Cohamacu “Músare yũhdoihtja”, to niriro mũasuchũ ã yũ yariaro mehne to niriro sohtori tirohca.

21 Mĩpũre tũhoga mũasa. Yũhũre ñũ tuhtiinare yũhũre ñohtiro mĩpũre yũhũ mehne õi dujira. 22 Cohamacu to dutiriro sehetã yũhũ masũno Cohamacu warocariro yariaihca. To ã yaria dutipachũta yũhũre ñũ tuhtiinare ñoriro pinihta ñabiario yũhdũrohca —niha Jesu tinare.

23 To ã nichũ tina sehe ti basi õ sehe ni sinituha:

—¿Jesure ñũ tuhtiinare ñohtiro mari mehne macariro diro baro jicari na? —ni durucuha tina ti basi.

**“¿Mari mehne macariro diro sehe jicari na pũhtoro?”
ni durucuha Jesu buheina ti basi**

24 Baharo Jesu buheina õ sehe ni durucuha:

—¿Mari mehne macariro diro sehe jicari na pũhtoro? —ni durucuha ti basi.

25 Ti ã ni durucuchũ tũhoro Jesu tinare õ sehe ni yahuha:

—Cohamacure cahmaeraina pũhtoa sehe ti masare dutia, purĩno mehne dutira. ã jia pũhtoare “Tina masare yoadohoina jira”, nimana paina masa tinare. 26 Mũasa sehe tó sehe yoasi mũasa basi. Mũasa mehne macariro mũasa wahmi sehere to bahũro yoaro sehe jiro cahmana. Mũasa mehne macariro pũhtoro ji duaro cahamacũno yoaro sehe jiro cahmana tirore. 27 ¿Diro jijari pũhtoro? ¿Chũ dujiriro sehe pũhtoro jijari? ¿O chũare duhu payoriro sehe pũhtoro jijari? Chũ dujirirota jica pũhtoro. To ã jipachũta yũhũ sehe cahamacũno yoaro sehetã músare yoadohoi tai.

28 'Masa yũhũre ti ñano yoapachũta mũsa sehe yũhũre duhuerare. 29 Ā jicũ yũ Pũcũ yũhũre to pũhtoro sũriro seheta mũsa cũhũre pũhtoa sũihtja yũhũ. 30 Yũhũ pũhtoro yũ jichũ yũ chũri mesai mũsa cũhũ chũ, sihninahca. Ā yoana mũsa pũhtoa dujiare dujinahca. Mũsa tũi dujina Israe masare doce curuari macainare besenahca mũsa ñaina, noainare —niha Jesu to buheinare.

Pedro Jesure to cohãhtore yahuha Jesu

(Mt 26.31-35; Mr 14.27-31; Jn 13.36-38)

31 Ā ni tuhsũ Pedrore Jesu õ sehe ni yahuha:

—Simo Pedro yũhũre tũhoga. Mũsare jipihtinare yũhũre cohãchũ yoa duara watĩno. Trigo wese pũro to trigore to wã site cohãriro seheta mũsare jipihtinare watĩno ñano yoa duara “Ñaaare yoajaro”, nino. Ā yoa duaro, Cohamacũre sinihre.

32 To ã sinichũ ñũcũ yũhũ sehe Cohamacũre sini payohi mũhũre. Yũhũre mũ wacũ tua duhuerahiti cjihtire sini payohi mũhũre. Ā jicũ mũhũ yũhũ mehne macariro pari turi jicũ mũ coyeare yũ yainare yoadohoga mũhũ —niha Jesu Pedrore.

33 To ã nichũ Pedro õ sehe ni yũhtiha:

—Pũhtoro, yũhũre ti peresu yoapachũta, yũhũre ti wajã duapachũta mũhũ mehne macariro jiihtja —nimaha Pedro.

34 Jesu õ sehe ni yũhtiha:

—Pedro mũhũre niita nija. Micha ñami caraca to duhto pano “Jesure masieraja”, niihca mũhũ painare. Tia taha ã niihca mũhũ —niha Jesu Pedrore.

Jesure ti ñano yoa dũcahto mahanocã dũhsaha

35 Ā ni tuhsũ Jesu to buheinare õ sehe ni yahuha:

—¿Sohõ jiri pja mũsa niñeru wajuru marieina, pjiri wajuru marieina, dahpo suhti marieina mũsare yũ warocachũ paye baro dũhsari mũsare? —ni sinitu ñũha Jesu.

—Ne sãre yaba dũhsaerare —ni yũhtiha tina.

36 —Tĩ pjare mũsare dũhsaerapachũta mipũ sehere niñeru wajurure cjuana tíre naga. Pjiri wajurure cjuana cũhũ naga. Ā jina mũsare ñosari pjĩ mariachũ mũsa suhtire duana tí pjĩne nuchũga. 37 Ahrire mũsare nii nija. Cohamacũ yare ti joari pũi ti niriro seheta yũhũre ã waharo cahmana. Ō sehe niha tí pũi: “Tiro dutiare yũhdũrcaina mehne macariro jira’, niahca masa”, ni joaa tiha —niha Jesu.

38 —Ñuga puhtoro. Pua pjí ñosaa pjíinine cjuaja sã —niha to buheina.

—Tó puro tjica —ni yuhtiha Jesu.

Getsemaní wama tiropu Jesu Cohamacure siniha

(Mt 26.36-46; Mr 14.32-42)

39 Ñ yoa Jesu to ã yoarucuriro seheta Olivo wama tidu tũcũpu wahaha. To ã wahachu to buheina tiro mehne wahaha.
40 Tõpu sũro tiro tinare õ sehe ni yahuha:

—Cohamacure siniga ñano mũsa yoaerahto sehe —niha Jesu tinare.

41 Ñ ni tuhsu tiro to sahsero mahanocã waha namo, na tuhcuca caha su, 42 Cohamacure õ sehe ni siniha:

—Mai, yu ñano yũhdũhtire yoa duaeracu yoai tjia. Yu ã nipachũta yu cahmaa sehere yoai tjia. Mũhu sehe masina. Mu cahmano seheta yoaga yũhũre —ni siniha Jesu Cohamacure.

43 [To ã sinichu mũanopu duji tariro anjo Jesure bajua, yoadohoha tirore. 44 Tuhsu, Jesu ñano yajeripohna ti, tuaro mehne Cohamacure siniha. Ñ jia to so witia di yahpari yoaro sehe jia tirore wijaa, yahpau bora caha sũha.]

45 Cohamacure sini batoa wahcãrucu su, tiro to buheina cahapu wihiha. Ñ to wihichu to buheina tuaro cahyaina jia, carĩa niha. 46 Ñ jiro Jesu tinare õ sehe ni yahuha:

—¿Dohseana carĩna nijari mũsa? Wahcãga. Cohamacure siniga ñano mũsa yoaerahto sehe —niha Jesu tinare.

Jesure ñu tuhtiina tirore peresu yoaha

(Mt 26.47-56; Mr 14.43-50; Jn 18.2-11)

47 To ã ni durucuro watoi masa payu wihiha. Juda doce buheina mehne macariro cjiro masare mu tã tariro jiha. Ñ jiro tiro Jesu cahai wihi, wahsupu wihmiha tirore. 48 To ã wihmichu Jesu tirore õ sehe ni sinituha:

—Judá, ¿yũhu masũnore Cohamacu warocarirore yũhũre ñu tuhtiinare ñocu yũhũre wahsupu wihmijari mũhu? —niha Jesu.

49 To ã niri baharo Jesu buheina masa Jesure ti ñahahtire masia, tirore sinituha:

—Puhtoro, ¿sã ñosaa pjíni mehne tina mehne cahmachema? —niha tina.

50 Ti ã niri baharo cãiro Jesu buheina mehne macariro sehe sacerdotea bui puhtoro cahamacunore to ñosari pjĩ mehne to cahmonore poto buhusehei jiri cahmonore cjã pahrënocaha.

51 To ã yoachũ ñũno Jesu tirore õ sehe niha:

—Ã yoai tjiga —niha.

Ni, cahamacuno cahmono jiroiro cjiroi ña payoha. To ã ña payochuta cahmono munano seheta jiha tjoa. 52 Æ yoa tuhsũ sacerdotea puhtoare, Cohamacũ wũhũ macaina surara puhtoare, bucuna cũhũre tirore ñaha tainare Jesu õ sehe ni sinituha:

—¿Dohse jiro baro mũa ñosaa pjĩni, yucũ tiri mehne yacarirore ti yoariro seheta mũa yũhũre ñahana tajari? 53 Dachoripe Cohamacũ wũhũpũ mũa mehne yũ jichũ, mũa yũhũre ne ñahaerare. Æ jipachuta mipũre mũa ya dacho yũhũre mũa ñano yoahiti dacho jira. Mipũ watĩno to ñano yoahiti dacho cũhũ jira —niha Jesu.

“Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

54 Tina Jesure ñaha tuhsũ sacerdotea bui puhtoro ya wũhũpũ naaha tina tirore. Ti tórpũ naachũ Pedro yoaropũ tinare ñũ nũnũ tiha. 55 Puhtoro wũhũpũ sũ, tói wũhũ cahai jiri wapai, noari wapa dacho macai pichaca wijãha paina. Ti ã wijãchũ ñũno Pedro pichaca cahai dujiina mehne dujiha. 56 To ã dujiri baharo cãcoro cahamacono tirore noano ñũ, painare õ sehe ni yahuha:

—Ahriro cũhũ tiro mehne jihre —niha ticoro.

57 To ã nichũ tũhoro Pedro õ sehe ni yũhtiha:

—Numino, tirore ne masieraja yũhũ —nimaha tiro.

58 Ticoro to ã niri baharocãta paio Pedroro ñũ, õ sehe niha tjoa:

—Mũhũ cũhũ tina mehne macariro tjira —niha tiro.

—Ne jieraja —nimaha Pedro.

59 Cã hora baharo paio painare õ sehe ni yahuha:

—Potocã tjira. Ahriro Galilea macariro jira. Æ jiro potocãta Jesu mehne jihre ahriro cũhũ —ni yahuha tiro painare.

60 To ã nichũ Pedro õ sehe ni yũhtiha:

—Ne, mũ nirirore masieraja yũhũ —ni yũhtiha Pedro.

To ã ni durucuro watoĩ caraca duha. 61 To ã duchũta Jesu wũhũ cahai jiroiro Pedroro majare ñũrocaha. To ã yoachũ

Pedro sehe Jesu to yahurire wacūha. “Micha ñami caraca to duhto pano, ‘Yũhũ Jesure masieraja’, niihca mũhũ. Tia taha ã niihca mũhũ”, Jesu to niri cjrيره wacūha Pedro. ⁶² ã wacūno Pedro tóprũ jirirowijaa ta, tuaro tiirucuha.

Jesure bujũpe, cjãha tina

(Mt 26.67-68; Mr 14.65)

⁶³ ã jia Jesure cohtaina surara tirore bujũpe, cjã mũjaha. ⁶⁴ ã cjã mũja, to caparire dũhte dũcata, tirore õ sehe ni sinituha:

—¿Diro mũhũre cjãjari? Ñũerapailta yahuga sãre —ni sinitu, bujũpeha tina.

⁶⁵ ã jia payũ ñano ni durucuha tina tirore.

Jesure pũhtoa sinituha

(Mt 26.59-66; Mr 14.55-64; Jn 18.19-24)

⁶⁶ Bohrearojudio masabũcũna, sacerdotea pũhtoa, judio masare buheina cũhũ cahmachuha. Ti ã cahmachunoi paina tina cahapũ Jesure na taha.

⁶⁷ —Yahuga sãre. ¿Cristota jijari mũhũ? —ni sinituha tina Jesure.

Ti ã nichũ Jesu õ sehe ni yũhtiha:

—Mũsare yũ yahuchũ, yũhũre tũhosi mũsa. ⁶⁸ Mũsare yũ sinituchũ yũhũre yũhtisi mũsa. ⁶⁹ Mũsa yũhtierapachũta baharo curero jipihtia dachoripe yũhũ masũno Cohamacũ warocariro Cohamacũ tua yũhdũariro to poto bũhũsehei dujiihtja —niha Jesu.

⁷⁰ To ã nichũ tina jipihtina sinituha tjoa pari turi:

—¿ã nicũ Cohamacũ macũnota jijari mũhũ? —niha tina.

—Tirota jija mũsa nino seheta —ni yũhtiha Jesu tinare.

⁷¹ To ã nichũ tũhoa, tina õ sehe ni durucuha ti basi:

—Ahriro Cohamacũre pjíro to ñano durucuchũ mari basi tũhohi. ã yoa ahriroro yahusãina tópeina tjijaro. (Tópeina mehne tirore mari wajã duti masija) —niha tina ti basi.

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

23 ¹ ã ni tuhsũ tina jipihtina wahcãrũca, Jesure Pilato cahapũ naaha. ² To cahapũ na sũa, Jesure yahusã dũcaha:

—Ahriro mari ya yahpa macainare to ñano yoa dutichu sã tũhohi. Mari bui pũhtorore ahriro wapa dutierara. Tuhsu, tiro “Pũhtoro jija. Cristo masare yũhdohtiro jija yũhu”, ni durucure to basi —ni yahusãha tina Jesure.

3 Ti ã ni yahusãri baharo Pilato Jesure õ sehe ni sinituha:

—¿Judio masa pũhtorota jijari mũhu? —niha tiro Jesure.

—Mũ nino sehetã tiro tjija —ni yũhtiha Jesu.

4 To ã nichu Pilato sacerdotea pũhtoare, masa cũhũre õ sehe ni yahuha:

—Ahriro yaba buhiri mariahna —niha tiro.

5 To ã nipachũta tina tuaro yahusã namoha:

—Tiro to buhea mehne masare cahmachechu yoara.

Galilea yahpai tiro tíre yoa dũcare. ã yoa dũca tuhsu jipihtiro Judea yahpau tíre tiro yoare. Mipũ õpũ cũhũre tíre yoaro taro nina —ni yahusãha tina.

Herode Jesure sinituha

6 Ti ã ni yahusãchu tũhoro Pilato sehe õ sehe ni sinituha:

—¿Ahriro Galilea macariro jijari? —niha tiro.

7 —Tó macariro tjira —ni yũhtiha paina.

Ti ã ni yũhtichu tũhoro Pilato sehe Jesu to jiri yahpare masino pũhtoro Herode ya yahpa macariro Jesu to jichu masiha. Tíre masino Jesure Herode cahai warocaha. Tí pjare Herode Jerusalẽi jia tiha. **8** Tó panopũ Herode Jesure tũhoa tiha. To ã tũhori baharo yoari pja baharo tirore ñũ duaha. Jesu Cohamacũ tuua mehne to yoa ñochu ñũ duamaha tiro.

ã jiro tiro Jesure ñãno, wahcheha. **9** ã jiro payũ tahari sinituha Jesure. To ã sinitupachũta Jesu ne yũhtieraha tirore.

10 Sacerdotea pũhtoa, judio masare buheina cũhu Herode cahai wahcãrũca, tuaro Jesure yahusãha. **11** Ti yahusãri baharo, Herode to surara mehne bũjũpe, Jesure ñano yoaha. ã bũjũpea, noari suhtirore pũhtoro to sãari suhtiro yoaro sehe bajuri suhtirore sãaha tina Jesure. ã bũjũpe tuhsu, tirore Pilato cahapũ warocaha tjõa. **12** Tí dachore Herode, Pilato mehne noano ti basi cahma yoaina ji dũcaha. Tó panore ti basi cahma ñũ tuhtiina jisnimaha.

Masa Jesure wajã dutiha

(Mt 27.15-26; Mr 15.6-15; Jn 18.39-19.16)

13 Ñ yoa Pilato sacerdotea pũhtoare, paina pũhtoare, masa cũhũre to pjirocachũ, cahmachuha. 14 Ti cahmachu pihtichũ ñũno õ sehe niha Pilato tinare:

—Ahrirore yũhũre na tana, “Tiro masare ñano yoa dutira”, nimahre mũsa yũhũre. Mipũ mũsa ñũrocaroi ahrirore noano sinitu pahũohi tjoa. Yũ ã sinituri baharo mũsa tirore ã yahusãrucuchũ tirore ñaa buhiri ne mariahna, yũ ñũchũ.

15 Herode cũhũ tirore “Ne, ñaa buhiri mariahna”, nihre. Ñ nino ahrirore pari turi sãre wa majare tjuhre tjoa. Ñ jina ahrirore to ñaa buhiri mariachũ tirore mũsa wajã duti masierara. 16 Ñ jicũ tirore yuta dari mehne tjana dutiilhca yũhũ. Ñ ti tjanari baharo tirore wioihtja —nimaha Pilato masare.

17 [Cũhmaripe pascua bose nũmũrine masa yairo cjihtore cũiro peresupũ jirirore Pilato wiobasa mũjaa tiha.] 18 Ñ jia Pilato “Jesure wioihtja”, to nichũ tũhoa jipihtina masa õ sehe ni saũurucuha:

—Tirore Jesure wajãga. Sã yairo cjihtore Barrabá sehere sãre wiobasaga —ni saũurucuha masa.

19 Tí pjare Barrabá wama tiroiro Jerusalẽpũ pũhtoare cohã duaina mehne macariro, masũnore wajãriro peresupũ jiha. Ñ jia tirore masa wio dutia niha. 20 Pilato Jesu sehere wio duamaha. Ñ jiro tiro masare sinitu ñũha tjoa. 21 To ã wio duapachũta tina tirore õ sehe ni saũurucuha tjoa:

—Crusapũ cjã puha wajãga tirore. Wajãga tirore —ni saũurucuha tina.

22 Ti ã nichũ Pilato tia taha waharoi õ sehe nimaha tinare:

—¿Yabare ñano yoari tiro mũsa ã ni saũurucuchũ? Ne tirore ñaa buhiri mariahna. Ñ jicũ tirore wajã duti masieraja. Tirore yuta da mehne tjana dutiilhca. Tó purota yoa dutiilhca. Ñ yoacũ wioihca tirore —niha Pilato.

23 To ã nipachũta tina tuaro mehne saũurucu namo, Jesure crusapũ wajã dutiha. Ti ã ni saũurucuchũ tũhoro ti cahmariro seheta Pilato yoaha. 24 Tirore ti siniriro seheta Pilato Jesure wajã dutiha. 25 Ñ dutiro tiro peresupũ jirirore masare cahmachechũ yoarirore, masare wajãrirore masa ti siniriro seheta Pilato Barrabá sehere wioha. Tuhsũ, Pilato Jesure crusapũ wajã dutiha.



Tina Jesure crusapũ cjã puha, wajãha

(Mt 27.32-44; Mr 15.21-32; Jn 19.17-27)

26 To ã wajã dutichũ tina Jesure wajãa wahaa, naaha. Tí pja ti ã yoaro watoi Simo wama tiriore Cirene macariro campopũ sũriro wihiha. Jerusalẽpũ to wiwichũ ñha Jesure naaina tiirore piti boca, ñaha, Jesu to wũari crusare tiirore wũa wahcã dutiha Jesu baharo.

27 ã yoa masa payũ Jesure ñũ ñũũ tiha. ã jia masa watoi jia numia tiirore ti ã yoachũ ñha tuaro tiiha. 28 Tí ã tiichũ tũhoro, tí numiare Jesu majare ñũ, õ sehe niha:

—Jerusalẽ macaa numia, yũhũre tiiena tũjiga. Mũsa basi, mũsa pohna mũsa ñano yũhdũhtire masina, tiibasaga. 29 Paye dachori jichũ ñabiaro yũhdũnahca mũsa. Tí pjare masa õ sehe niahca: “Pohna mariea numia, pohna tierari numia, pũera numia mipũ mari jichũ noabiaboa”, niahca masa. 30 Tí pjare tũcũre õ sehe ni durucuahca masa. “Mũhũ tũcũ sã buipũ bora

pjaga. Sãre dũcatahga”, niahca masa cuia. **31** Masa buhiri marierirore yũhũre õ sehe ti yoachũ, ñaa buhiri cjuaina sehe ñabiaro wahaahca —niha Jesu.

32 Paina pũaro, dutiare yũhdũrucaina ti jichũ tina cũhũre Jesu mehne ti wajãhtinare naaha tina. **33** Tinare naa, “Dapu cohã”, wama tiropũ sũ, crusapũ Jesure cjã puha õha. Pũaro yũhdũrucaina cũhũre paire to poto buhũsehei, paire to cõ buhũsehei cjã puha õha. **34** [Ti ã yoachũ Jesu õ sehe niha:

—Mai, ahrina mipũ ti ñaa yoarire boga tinare. Tina ti dohse yoarire masierara. ã jicũ ti ñaa yoari buhirire boga —niha Jesu.]



ã yoa Jesu suhtire cahma witia tina docapeha. To suhti cjiire “Noa yaro jirohcarĩ õ”, ni cahma docapeha tina. **35** Tuhsũ, masa tõi ducũina ti ñũrucuro watoi judio masa pũhtoa Jesure õ sehe ni bũjũpeha:

—Tiro paina masare yariaborinare yoadohoyumahtiro. ã jiro tiro Cristo Cohamacũ to beseriro jiro, mipũ yariaboriro jiro, to basi yoadohojaro —ni bũjũpeha tina.

36 Surara cũhũ tirore bũjũpeha. Jesu cahai sũa, tina tirore ñaa co vinore wamaha. **37** Tĩre waa, õ sehe niha tina:

—Mũhũ judio masa ti pũhtoro jicũ mũ basi yoadohoga. ã jii yũhdũ witiĩhca mũhũ —ni bũjũpeha tina.

38 ã yoa tiro bui ti cjã puha õri pjĩne õ sehe ni joaha: “Ahrĩro judio masa bui pũhtoro jiro jira”, ni joaha. (Griego

ya mehne, Roma macaina ya mehne, judio masa ya mehne ã ni joaha.)

39 Pairo tiro mehne ti cjã puha daporiro yũhdũrũcariro sehe õ sehe ni, ñano durucuha Jesure:

—¿Mũhũ Cristo masare yũhdoriro jierajari? Mũ basi, sã cũhũre yoadohoga —niha tiro Jesure.

40 To ã nichũ tũhoro pairo yũhdũrũcariro Jesu potu bũhũsehei ti cjã puha daporiro sehe tirore õ sehe niha:

—Mari cũhũre cũno potori buhiri dahrera tina. ¿Dohseacũ Cohamacũre ne ño payoerajari mũhũ? 41 Marine ñaa buhirire yoaa, quihõno yoaa nina tina. Ñaare mari yoari buhiri marine buhiri dahrera tina. Ahriro sehe ñaare yoarerare —niha tiro pairo yũhdũrũcarirore.

42 Æ nino, tiro Jesure õ sehe niha:

—Jesu, mũhũ pũhtoro jicũ, tjua tacũ, yũhũre wacũga —niha tiro Jesure.

43 To ã nichũ tũhoro, õ sehe niha Jesu:

—Mũhũre ahrire nii nija. Michare paraíso wama tiropũ mũhũ yũhũ mehne jiihca —niha Jesu tirore.

Jesu yariaa wahaha

(Mt 27.45-56; Mr 15.33-41; Jn 19.28-30)

44 Æ yoa cohari pja jichũ sũ si duhua wahaha. Æ jiro jipihtiro tí dihtarũre tia hora waro noano nahitiano jiha. 45 Nahitiano to jiro watoi, Cohamacũ wũhũ macari suhtiro, dũcatari suhtiro dacho maca waroi bui sehe tũhnũ bora ta, pũa cahsaro tũhnũroca yoja sũa wahaha. 46 Æ jiro Jesu õ sehe ni tuaro sañurucuha:

—Mai, yũ catiare mũhũre wiaja mũ ñũ wihbohto cjihtore —ni sañurucuha Jesu.

Æ ni tuhsũ yariaa wahaha.

47 To ã yariachũ ñũno, surara pũhtoro sehe “Cohamacũ tuariro jira”, nino: “Ahriro Jesu cjiro potocãta noariro jiri jimana”, niha surara pũhtoro.

48 Æ jia ti wajãchũ ñũa tarina Jesu to yariachũ ñũa, ti wũhũsepũ tjuaa wahaha. Tjuaa waha, ti ñaa yoarire cahyaa mehne ti pẽbuhui cjã õ wahcãha. 49 Jipihtina Jesu yaina tiro mehne macaina, Galileapũ tiro mehne tari numia cũhũ Jesure yoaropũ ñũrocarucua niha.

Jesu pjacure masa copapɛ na sãa duhu payoha

(Mt 27.57-61; Mr 15.42-47; Jn 19.38-42)

50-51 Tí pjare José wama tiroto tói jiha. Judea yahpai jiri maca Arimatea wama tiri maca macariro jiha. Tiro noariro, quihõno yoariro jiro, Cohamacɛ to pũhtoro ji dũcahtore cohtariro jiha. ˆ Jiro tiro judio masa pũhtoa mehne macariro jiparota Jesure ti wajã dutichɛ cahmaeramaha tiro. 52 ˆ Jiro Pilato cahapɛ sɛ, Jesu pjacure siniha. 53 Sini tuhsɛ, Jesu pjacure na boro, noari suhtiro mehne to pjacure wahmaha. ˆ wahma tuhsɛ, masa copapɛ tãcai ti sahari copapɛ na sãa duhu payoha to pjacure. Tí copare ne paina yariainare duhu payoerasiniha mini. 54 Tí dacho Sabado dacho macaa cjihtire ti cahnoyuri dacho jiha. Sabado judio masa ti sori nɛmɛ cjihto mahanocã dũhsaha.

55 ˆ Jia Galileapɛ Jesu mehne tari numia masa copapɛ José mehne wahaha. Masa copapɛ sɛ, tí copare ñɛ, Jesu pjacure ti duhu payorire ñɛha. 56 Baharo ti wũhɛsepɛ tjuaa waha, me sitia mehne wisõa co mehne cahnoha tina. Tuhsɛ, Sabado jichɛ Cohamacɛ to dutiare Moise cjirore to cũri to dutiro seheta tina soha.

Jesu masa wijaaha

(Mt 28.1-10; Mr 16.1-8; Jn 20.1-10)

24 1 Domingo jichɛ bohrearopɛ tí numia ti me sitia ti cahnoyumarire Jesu masa copapɛ na wahcãmaha. 2 Tí copapɛ sɛ, tí copare bihari tãca pjõo ti duhu cũri tãcare ñɛha. 3 ˆ ñɛha tina tí copapɛ sãa wahaha. Jesu pjacure bocaeraha tina. 4 To pjacure bocaeraa, “¿Dohse wahapjɛ?” ni tũhotuha tina. Ti ˆ ni tũhotu durucu coãno watoi pũaro mɛa si sitea suhti tiina tina cahai ducuha. 5 Tói ti ducuchɛ ñɛ, numia cuia na tuhcuca caha sũha. Tuhsɛ, mɛa sehe tí numiare õ sehe ni yahuha:

—¿Dohseana yariariro to jiriro cjirore tirore macajari mɛsa? Mipɛre tiro catiriro jira. 6 Tiro õre mariaha. Masa wijaa tuhsũhre. ¿Sohõ jiri pjare Galileapɛ mɛsa mehne jiro mɛsare to niri cjirore wacũjari mɛsa? 7 “Yũhɛre Cohamacɛ warocarirore paio warohca ñainare. To ˆ wari baharo yũhɛre crusapɛ cjã puha wajãahca tina. ˆ jicɛ yɛ yariari baharo tia dacho

wahaboroi masa wijaaihca yũhũ”, ¿mũsare to nirire wacũjari mũa? —niha mũa sehe.

8 Ti ã nichũ tũhoa, numia sehe Jesu to nirire wacũha. 9 Ti ã niri baharo tina tjuaa waha, once buheinare paina cũhũre tíre yahu pahũoha. 10 Tí numia sehe María Magdalena, Juana, María Santiago pocoro jiha. Tí numia mehne paye numia cũhũ jiha Jesu buheinare yahua numia. 11 Ti ã ni yahupachũta Jesu buheina sehe “Potocã nia nieraca. Mahũnopea nica ahri numia”, ni tũhotumaha. ã jia tí numiare tũho duaeraha.

12 Ti ã nichũ tũhororo, Pedro sehe masa copapũ mũroca wahcã, ñũno wahaha. Tí copapũ sũ, tiro muhri caha, ñũroca sũha. Jesure ti wahmari suhtiro dihtare ñũha. “¿Dohse wahari na?” ni tũhotu, tiro wũhũpũ tjuaa wahaha.

Emau wama tiri macapũ wahari mahapũ Jesu bajuaha

(Mr 16.12-13)

13 Tí dachoihta pũaro Jesu buheina mehne macaina Emau wama tiri macapũ wahaa niha. Jerusalẽ once kilómetro yoaro jira Emaupũ sũhto. 14 Emaupũ wahaa, jipihtia Jerusalẽi tí pjare to ã waharire Jesure ti ñano yoarire durucu wahcãa niha. 15 Ti ã ni durucuro watoi Jesu sehe ti cahapũ sũ, tina mehne wahaha. 16 Tirore ñũpahta tina tirore “Jesu jira”, ni ñũ masieraha.

17 —¿Dohse ni cahya durucu wahcãna nijari mũa? —ni sinituha Jesu.

18 To ã nichũ tũhoa tina cahyaro mehne sũrũca, Cleofa wama tiro sehe Jesure õ sehe ni yũhtiha:

—¿Mipũre Jerusalẽi tiniriro jipaihta mũhũ dihta ti yoari cjirire masierajari? —ni sinituha tiro.

19 —¿Dohse wahari Jerusalẽi? —niha Jesu.

To ã nichũ tina õ sehe ni yũhtiha:

—Jesure Nazare macarirore ti yoarire nina nija. Tiro Cohamacũ yare yahu mũhtariro jimahre. ã jia to durucurire tũhoa to yoari cũhũre ñũa, “Tuariro jira”, ni tũhotuhre masa. Cohamacũ cũhũ ãta ni tũhotuca. 20 Mari sacerdotia pũhto, paina pũhto mehne tirore wajã dutia, painare wahre. Ti ã wachũ paina sehe tirore crusapũ cjã puha wajãhre. 21 “Roma macainare cohãhtiro Israe masa pũhtoro cjihto jira”, ni tũhotumahi sã tirore. Micha mehne tia dacho wahara tiro to yariari baharo. 22-23 Mahainacã numia sã mehne macaa

numia sãre sũachũ yoahre. Bohreapopũ Jesu to masa copapũ tí numia sũ, to pjacũre bocaerayuhti. To pjacũre bocaeraa, tina tju wihi yahuhre. “Sãre anjoa bajuahre. Jesu catiyuhti”, ni yahuhre numia sehe. **24** Ti ã nichũ paina sã mehne macaina tí copapũ sũ, numia ti niriro seheta ñũyuhti. Tina cũhũ Jesure ñũerayuhti —niha tina Jesure.

25 Ti ã niri baharo Jesu õ sehe ni yahuha tinare:

—Mũsa ne tũho masiera cureina jira. ¿Cohamacũ yare yahu mũhtaina cjiri ti nirire noano tũhoerari mũsa?

26 Cristore to pũhtoro jihto pano mũanopũ to mũjahto pano tirore ñano yũhdũro cahmare. ¿Tĩre masierasinihari mũsa? —niha Jesu tinare.

27 Æ nino Cohamacũ Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu dũcaha. Tuhsũ, jipihtina Cohamacũ yare yahu mũhtaina cjiri Cristore ti joari cũhũre yahu pahñonocaha tiro.

28 Tina ti wahari macapũ ti sũa cahachũ, Jesu sehe tinare yũhdũ wahcãno sehe yoaro nimaha. **29** To ã yoapachũta tina tirore waha dutieraha:

—Sã mehne tjuaga. Ñamichahapũ jira. Nahinopũ nina —niha tina tirore.

Æ jiro Jesu tina mehne wũhũpũ sãa wahaha. **30** Wũhũpũ sãa sũ, tiro tina mehne ti chũri mesapũ nuju sũ, pãore na, Cohamacũre “Noana”, niha. Æ nino tí pãore nuha na, tinare waha. **31** To ã yoachũ ñũa tina Jesure ñũ masiha. Ti ñũ masi mũari baharo tiro buti mũa wahaha. **32** To ã buti mũa wahachũ ñũa tina ti basi õ sehe ni durucuha:

—Mahai tiro marine to durucuro watoĩ Cohamacũ to joari cjirire to yahuro watoĩ tuaro mari wacũ tũhotua mehne noano wahchea mehne tũhotuhi mari —niha tina ti basi.

33 Æ ni tuhsũ tina dóicãta Jerusalẽpũ majare tjuaa wahaha tjoa. Tópũ sũa, once buheinare paina mehne cahmachuinare boca. **34** Æ ti sũchũ, once buheina õ sehe niha:

—Potocãta mari pũhtoro masa wijaayuhti. Simo Pedro tirore ñũyuhti —niha once buheina.

35 Ti ã nichũ pũaro Emau macaina mahai Jesure ti ñũrĩre yahuha:

—Jesu to pãore to nuhachũ sã ñũ masihi tirore —ni yahu pahñoha tina painare.



Jesu to buheinare bajuaha

(Mt 28.16-20; Mr 16.14-18; Jn 20.19-23)

36 Ti ã ni yahuro watoi ti cahai ji tuhsuha Jesu sehe.

—¿Jimajari mûsa? Noano jiga mûsa —niha tiro tinare.

37 To ã nichu tuhoa tina “Mari yariariro cjirore ñuna nija”, ni tûhotua, tuaro cuiha. 38 Ti ã cuichu ñuno tiro tinare õ sehe ni yahuha:

—¿Dohseana cuijari mûsa? ¿Dohseana “Ahri potocã jierara”, nijari mûsa? 39 Yu wamomacarine, yu dahpori cûhure ñuga. Mûsa yûhure ñuna, ñu masinahca. Yûhure ñaha ñuga. Ñaha ñuna, masinahca mûsa. Yariariro cjiropu pjacu mariahna. Yûhu sehe pjacu tija —niha Jesu.

40 ã nino to wamomacari cûhure, to dahpori cûhure ñoha tinare. 41 To ã ñopachuta tina tuaro wahche, cûaa waha, “Ahri potocã jieraca”, ni tûhotusinimaha. Ti ã tûhotuchu masino Jesu tinare sinitu ñuha:

—¿Õi chûa jijari? —niha tiro.

42 To ã nichu tũhoa wahi doharirore mi cũhũre waha tirore. 43 Tĩre na, ti ñũrocaroi Jesu chuha. 44 Chu tuhsu, Jesu yahuha tinare:

—Sohõ jiri pja mũsa mehne jicu mũsare yu yahuriro seheta mipu yũhu ã wahahi. Cohamacu dutia Moise cjiro marine to cũri cjiri to ã ni joariro seheta yũhũre ã wahahre. Cohamacu yare yahu mũhtaina cjiri, Salmo joari tjure joaina cũhu panopu yũhũre ti ni yahuriro seheta mipure yũhũre ã wahahre. Åta waharo cahmahre —niha Jesu.

45 ã ni tuhsu Cohamacu yare ti yahu joari cjirire to buheinare masichu yoaha Jesu:

46 —Cohamacu yare ti joari cjiri õ sehe niha: “Cristore ñano yũhdũro cahmana. Å jiro tia dacho wahaboroi to yariari baharo tiro masa wijaarohca. 47 To masa wijaari baharo jipihitia yahparipu to yaina Cristo yare yahuahca. Masa ti ñaa yoirire ti cahyahti cjihtire, “Ñano yoaeraja” ni, ti tũhotumarire ti cohtotahti cjihtire, Cohamacure ti cahmahti cjihtire, ti ñaa buhiri tiare to cohãhti cjihtire yahuahca to yaina. Å yahua taa, Jerusalẽpu yahu dũcaahca”, niha Cohamacu yare ti joari pũi —niha Jesu.

48 ã ni tuhsu õ sehe ni yahu namoha:

—Mũsa sehe ahri jipihitiare ñũrina jira. ã jina painare yahunahca. 49 Cohamacu “Tirore mũsare warocaihtja”, to nirirore yũhu sehe mũsare warocaihtja. Å jina Jerusalẽpu ahri mũano macaa tuua mũsare to wihiltore cohtaga mũsa —niha Jesu to buheinare.

Jesu mũanopu mũjaa wahaha

(Mr 16.19-20)

50 ã ni tuhsu Jesu tinare Jerusalẽi jĩnare Betania cahapu naaha. Tõpu su, Jesu to wamomacari mehne ñui mũo, “Noano jiga”, niha tinare. 51 ã ni tuhsu, tinare cũ, mũanopu mũjaa wahaha. 52 To mũjari baharo tina tirore ño payo, Jerusalẽpu tuaro wahchea mehne tjuaa wahaha. 53 Tõi jia, dachoripe tina Cohamacu wũhũi Cohamacu mehne durucu, “Noana”, ni ño payoha tina tirore.